

ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАХСУС ТАЪЛИМ ВАЗИРЛИГИ

МИРЗО УЛУГБЕК НОМИДАГИ  
ТОШКЕНТ ДАВЛАТ УНИВЕРСИТЕТИ



# КИЧИК ҲУДУДЛАР ТАБИИЙ ГЕОГРАФИЯСИ

Тошкент-1999  
“Университет”

**Ш.С.ЗОКИРОВ**

**КИЧИК ҲУДУДЛАР  
ТАБИИЙ ГЕОГРАФИЯСИ**

**Тошкент  
"Университет"  
1999**

Университетларнинг география, гидрометеорология ва картография мутахассислари бўйича таълим олаётган талабалар, аспирантлар ва ёш изланувчи олимлар фойдаланиши мумкин бўлган ушбу китобчада табиний географиянинг тадқиқот обьекти, предмети ва улардан келиб чиқсан ҳолда фанинг тармоқланиши илмий таҳдид килинган. Ҳозирги замон ландшафтшунослигига таалукли бўлган ландшафтларнинг тузилиши, динамикаси, ривожланиши барқарорлиги каби бир катор муаммоли мавзулар баён этилган.

Тақризчилар: Ўзбекистон Фанлар Академияси лаборатория мудири, география фанлари доктори, проф. А.А. Рафиқов

география фанлари номзоди, доцент X. Ваҳобов.

Масъул мухаррир: география фанлари номзоди, доцент П.Н.Фуломов

© “Университет” нашриёти - 1999 й.

## КИРИЛ

ХХ асрнинг иккинчи ярми Ер тарихида, инсоният тарихида ўзига хос алоҳида даврни ташкил килади. Бу даврда Ер юзасида ахоли сонининг тез суръатлар билан ортиб бориши, саноат ва қишлоқ хўжалигининг ривожланиши, инсоннинг кучли техника воситаларидан меҳнат куроли сифатида фойдаланиши ва фаннинг бевосита ишлаб чиқариш кучларига айланиши инсоннинг табиий ресурсларга бўлган эҳтиёжини орттириб юборди. У табиий ресурслардан фаол фойдалана бошлади ва ерга, тупроқка, сувга, ҳавога, ўсимликка ва ҳайвонот дунёсига кучли таъсир кўрсата бошлади. Натижада, инсон табиий ресурсларнинг тез суръатлар билан камайиб кетишига, атроф-муҳитнинг ифлосланишига, табиат компонентлари орасидага мутаносибликтининг бузилишига, қолаверса ўзининг саломатлигига ва ҳаёти учун ҳавфли бўлган салбий оқибатларнинг юзага чиқишига ҳам сабабчи бўлиб қолмоқда. Буларнинг ҳаммаси турли ҳил ва мураккаб табиий, социал-иктисодий ва экологик муаммоларни, шу жумладан инсон билан табиат ўртасидаги ўзаро таъсир ва алоқадорликлар билан боғлиқ бўлган муаммони кескинлашибтириб юборди. Бу муаммо серкирра, мураккаб ва ҳар доим долзарб муаммодир. Унинг ижобий ечими кўпчилик олимларни ҳам, жамоатчиликни ҳам қизиқтиримай колмайди. Бу муаммонинг турли жабҳалари билан бир қатор табиий, ижтимоий ва техника фанлари ўз тадқиқот предмети доирасида шуғулланиши мумкин. Аммо уларнинг биронтаси бу муаммони тўлалигича қамраб олаолмайди. У фанлар аро муаммодир. Унга таъгузли айrim масалаларни ўрганиш, уларнинг ечимини илмий асослаб берища геоботаника, биогеоценология, тупроқшунослик, экология каби фанлар муҳим аҳамият касб этиши мумкин. Бу борада табиий географиянинг ва айниқса ландшафтшуносликнинг ўрни ва аҳамияти ўзига ҳосдир. Чунки табиий география ва унинг бир кисми бўлган ландшафтшунослик инсон яшайдиган ва ўз хўжаликдаги фаолиятини олиб борадиган ҳудудларнинг табиий шароитини, табиий компонентлари орасидаги ўзаро алоқадорликларни, ўзаро таъсиirlарни, шу жумладан инсон фаолиятининг таъсирини ҳам ўрганадиган фандир. Шунинг учун ҳам табиат билан жамият ўртасида рўй берадиган ўзаро алоқадорликни тартибга солиб туриш, созлаб туриш масалалари географик асосда ҳал қилиниши лозим.

Ҳозирги кунда табиий география фани ҳал этиши лозим бўлган муаммоларнинг кўпчилиги, асосан унинг ўрганиш обьекти ва предмети-нинг мураккаблиги, ўзига хос ҳусусиятлари билан, уни тадқиқ қилинча кўлтанилаётган тадқиқот методларининг ўзига ҳослиги билан ва фаннинг ҳозирги тараккиёт босқичида ҳалқ хўжалиги қўяётган вазифаларнинг серкирра ва мураккаблиги билан боғлиkdir. Шундай муаммоли масалаларнинг айримлари кичик ҳудудлар табиий географияси ёки ландшафтшуносликка тааллуклиdir.

Ландшафтшунослик фани кишилил жамиятининг амалий талаблари-га боғлиқ ҳолда шаклланди ва ривожланиб келмокда. Ҳозирги вактда бу фан инсон билан табиат орасидаги ўзаро алоқалар самараодорлигини оширишнинг илмий асосларини яратиш ва росмана маданий ландшафтларни барпо қилишининг муҳим қоида ва усулларини ишлаб чикиш билан шугулланмокда.

Ландшафт ҳақидаги таълимот эса география фанининг энг муҳим назарий фикрлар мажмуаси сифатида, унинг энг асосий қисми сифатида табиий географиянинг амалий ҳаётга кириб боришига шароит яратиб берди, ҳамда илмий назарий асос бўлиб хизмат қилмоқда.

Табиий география ва ландшафтшунослика таалукли кўпгина муаммолар ҳанузгача ўзининг мураккаблиги ва мунозаралилиги билан ажralиб турибди. Жумладан, ландшафтшуносликнинг назарий методология масалалари, ландшафтнинг структураси, динамикаси, ривожланиши, ёши, ташки таъсирларга барқарорлиги, ландшафтларни моделлаштириш, экспериментал ландшафтшунослик масалалари ҳали пухта ишлаб чиқилмаган. Мавжуд адабиётда бу масалаларнинг айримлари юзаки таҳлил килинганлиги ёки айримлари ўкувчини чалғитиши мумкин бўлган даражада ўзаро зид, бирини иккинчиси инкор этувчи фикрлар билан ёритилганлигини инобатга олиб ушбу китобча тавсия этилмоқда.

Китобчанинг, гарчи унда кўрилган мавзулар университетларда география мутахассислиги бўйича таълим олаётган талабалар ўкув дастури асосида танлаб олинган бўлса ҳам, ландшафтшуносликнинг ҳозирги замон муаммолари билан кизикувчи аспирантлар ва ёш изланувчи олимлар учун ҳам ёрдами тегиши мумкин. Шу мақсадда у ёки бу мавзуни ёритишида имконияти борича мавжуд адабиётларни кенг жалб килишга ҳаракат қилинди.

## ТАБИЙ ГЕОГРАФИЯНИНГ ОБЪЕКТИ ВА ПРЕДМЕТИ ҲАҚИДАГИ ТУШУНЧАЛАР

Ҳар қандай мустақил фан ўз тадқиқот обьектига эга бўлгани каби табиий география ҳам ўз тадқиқот обьектига эгадир. Унинг обьекти жуда мураккаб тузилган кўп тавсифли табиат ҳосиласидир. Ҳар бир фаннинг назарияси, методологияси ривожланиб, изланиш методлари такомиллашиб боргани сари унинг тадқиқот обьекти, предмети ва вазифалари ҳақидаги тушунчалар ҳам аниқлашиб, муайянлашиб бориши табиийдир. Шу нуқтаи назардан қараганда, табиий география фанининг ҳозирги ривожланиш босқичида унинг тадқиқот обьекти ҳақида тўртга тушунча ҳосил бўлганлитини эътироф этиш мумкин.

Табиий географиянинг обьекти ҳақидаги биринчи ва энг кенг таржалган тушунча географик қобиқ ҳақидаги тушунчадир. Бу тушунчага асос бўлган дастлабки фикр П.И.Броунов (1910) томонидан, унинг табиий географиядан тузган ўкув кўлланмасида билдирилган эди. Унда ёзили-

шича, табиий география Ернинг киёфасини, яъни Ернинг турли ҳодисалар ва органик ҳаётга макон бўлган ташки қобигини ўрганади. Бу қобик бир бирига туташ бўлган, ўзаро таъсир ва алоқадорликда бўлган сфералар, яъни литосфера, гидросфера, атмосфера ва биосферадан ташкил топгандир. П.И.Броунов бу сфераларнинг барчаси бир бирига киришиб, ўзаро таъсиrlари билан, ҳам Ернинг ташки қобигини, ҳам Ердаги барча ҳодисаларни келтириб чиқаради. Шу ўзаро таъсиrlарни ўрганиш табиий географиянинг энг асосий вазифаларидан бирини ташкил қиласди, деб ёзган эди. Ушбу муаллиф фанда биринчи бўлиб табиий географиянинг объектини ўз мазмунига мос ном билан, яъни Ернинг ташки қобиги деб атаган эди. Унинг фикрлари кейинчалик А.А.Григорев томонидан ривожлантирилди ва натижада географик қобик ҳақидаги таълимот юзага келди. Бу таълимотнинг асосий мазмуни Ернинг устки кисми сифат жиҳатидан бошқа сфералардан фарқ қиласдиган, ўзига хос хусусиятларга эга бўлган қобикдан тузилганлиги ва ўзаро боғлиқ бўлган, бир бирига фаол таъсир этиб турадиган турли геосфералардан ташкил топганлиги, ҳамда ўзида органик ҳаёт ва мураккаб табиий географик жараённинг мавжудлиги билан ифодаланади.

Геосфераларнинг ҳар бири мoddанинг у ёки бу агрегат ҳолатини акс эттириб, географик қобикнинг у ёки бу компонентини ташкил қиласди. Масалан, атмосфера мoddанинг газ ҳолатидаги кўриниши бўлиб, географик қобикнинг ҳаво компонентини, гидросфера эса мoddанинг суюк ҳолатидаги сув компонентини ташкил қиласди ва ҳ.к.

Географик қобиқни ташкил килувчи ва уни ривожлантирувчи компонентларнинг ўзаро таъсир ва алоқадорликлари улар орасида муттасил рўй бериб турадиган м odda ва энергия алмашинишининг натижаси бўлиб, бу алмашиниши мoddанинг айланиши ва энергия оқими шаклида бўлади. Географик қобикдаги м odda ва энергиянинг ҳаракати унинг таркибий қисмларини боғлаб туради ва бир бутунлигини таъминлайди.

Географик қобикнинг мавжудлиги ва у ўзига хос хусусиятлари билан табиий географиянинг обьекти эканлиги кўпчилик географлар томонидан тан олинган. Аммо унинг номланиши, унинг юқори ва кўйи чегаралари, ҳамда уларга боғлиқ ҳолда, қалинлиги ҳақида турлича фикрлар юзага келган. Географик қобик ҳақидаги таълимотнинг асосчиси ҳисобланган А.А.Григоревнинг ўзи ҳам уни турлича ном билан атаган. Масалан, 1930 йилда "географик мухит", 1937 йилда "табиий географик қобик" ва 1964 йилда эса "географик қобик" деб атаган.

Географик қобик ҳақидаги таълимотнинг оммалаштирилишида, олий географик таълимга жорий килинишида, ўрта мактаб дастурларига киритилишида хизматлари бекёс бўлган С.В.Калесник 1940 йилда биринчи бўлиб "географик қобик" атамасини ишлатган бўлса ҳам, кейинчалик 1955, 1970 йилларда у синоним сифатида "ландшафт қобиги" атамасидан фойдалана бошлади.

Ернинг ташки қобигини географик адабиётда "ландшафт қобиги" (Ю.К.Ефремов, 1950; В.Б.Сочава, 1956), "ландшафт сфераси" (Ю.К.Ефремов, 1959; Д.Л.Арманд, 1975), "биогеносфера" (И.М.Забелин, 1959, 1978), "эпигеосфера" (А.Г.Исаченко, 1965, 1991) ёки "геосфера" (А.М.Рябчиков, 1978) деб номлаш ҳоллари учрайди. Бир вактлар В.И.Вернадский (1926) айтган "биосфера" ҳам ўз чегаралари билан географик қобикка мос келади. Бу ҳакда, А.Е.Криволуцкий (1985) томонидан тузилган ва табиий географиянинг объектига нисбатан билдирилган турли кўз қарашларни акс эттирувчи кўргазмали жадвал яхши тасаввур ҳосил қилиши мумкин (1-расм).

Ушбу чизмада географик қобикнинг қалинлиги ва чегаралари ҳакида билдирилган фикрларни ҳам аниклаб олиш мумкин.

Н.А.Гвоздецкий (1979) табиий географиянинг предмети ҳақида сўз юритар экан, Ю.К.Ефремов (1959) ва С.В.Калесник (1970) каби географик қобиқ атамасининг ўрнига ландшафт қобиги атамасини ишлатиш ўрнига, Ф.Н.Милков (1970) тавсия этганидек, алоҳида қобиқни, ландшафт қобигини ажратиш тўғрироқ бўлар эди деб хисоблайди.

Ернинг ландшафт қобиги деганда Ф.Н.Милков, айрим табиий географлар каби географик қобикнинг ўзгинасини эмас, балки унинг ичидаги мавжуд бўлган, нисбатан юпқа, ўзига ҳос ўрталиқ қобикни тушунади. У географик қобикда: 1) юқориги ҳаво қатлами; 2) ўрта ландшафт қатлами; 3) ландшафтларо сув қатлами; 4) куйи (литосфера) тоб жинслари қатлами каби тўртта қатламини фарқлашиб мумкинлигини ҳамда улардан учтасини қалинлиги километрлаб ўлчанса, ўрта ландшафт қатламининг қалинлиги эса бир неча ўнлаб метрдан бир неча юз метргача боришини ёзади.


Ернинг ландшафт қобиги атмосфера, литосфера ва гидросфераларнинг туташган, бир-бираға фаол таъсири этиб турадиган модда ва энергия алмашиниши ниҳоятда жадал рўй берадиган ҳамда органик ҳаёт "кайнаган" қисмида ҳосил бўлади (2-расм)

Ф.Н. Милков таъбири билан айтганда, ернинг ландшафт қобиги географик қобикнинг биологик фокуси хисобланади ва мазмун жиҳатидан Р.И. Аболин (1914) айттан "эпегенема"га, В.И.Вернадский (1926) ажратган биосферанинг "ҳаёт қуюклашган" қатламига ёки Е.М.Лавренко (1949) "фитосфера" деб номлаган қатламга мос келади.

Географик қобикнинг айнан ана шу бир неча ўн метрлик "ўрталиқ" ёки "марказий" қатлами алоҳида эътиборга лойиқ эканлигини А.А.Крауклис (1979) ҳам таъкидлайди. У тирик мoddанинг асосий қисми тўпланган ва жонли мадда билан жонсиз мадда ўртасидаги энг муҳим ўзаро таъсирилар бўлиб турадиган бу қатламни, фациялар ёки топларнинг чегаралари яхши намоён бўлишини эътиборга олиб "топлар сфераси" деб атайди.

БАКСАЕТ ТУНДРАНГИ БАКСАЕТ ТУНДРАНГИ		НМ НМ
ИМЯ ИМЯ	ФИО ФИО	ЛІЧНОСТЬ ЛІЧНОСТЬ
Броунов	Броунов	Географик қобиқ
Вернадский	Вернадский	Биосфера
Григорьев	Григорьев	Географик қобиқ
Калесник	Калесник	Географик қобиқ
Ремесов	Ремесов	Ландшафт сфераси
Забелин	Забелин	Биогено сфера
Исаченко	Исаченко	Эпигеосфера
Арманд	Арманд	Географик сфера
Мильков	Мильков	Географик қобиқ
Рябчиков	Рябчиков	Геосфера
Брмолев	Брмолев	Географик макон
Шарков	Шарков	Географик қобиқ
Сватков	Сватков	Географик қобиқ
Синицин	Синицин	Ландшафт сфераси
Шипунов	Шипунов	Ландшафт сфераси
Криволуцкий	Криволуцкий	Географик қобиқ

I-расм. Географик қобиқ ва унинг қалинлиги ҳақидаги турли фикрлар (А.Е.Криволуцкий, 1985 дан).



2-Расм. Ернинг ландшафт сфераси (Ф.Н.Милков, 1970 бўйича).

Энг кичик худудий бирликни номлашда немис географлари (Нееф, Хаазе ва б.) "Топ" атамасидан кўпроқ фойдаланадилар. Топ - грекча "Topos" - жой, ўрин маъносини англатади. Ўз вактида бу атамадан Л.Г.Раменский (1938), М.А.Первухин (1938) лар кенг фойдаланишган. Унинг фикрича, А.А. Григорев айтган табиий географик жараёнинг манбалари ана шу топлар сферасида жойлашгандир.

Географик қобиқни инкор этмаган ҳолда, унинг ўрталиқ қисмида ландшафт сфераси мавжудлигини таъкидлар экан, Ф.Н.Милков табиий географиянинг ўрганиш предмети географик қобиқ бўлса, ландшафт-шуносликнинг предмети ана шу ландшафт сферасидир деган холосага келади. Демак, адабиётда, шу жумладан дарслик ва ўқув кўлланмаларида ҳам кенг ишлатилиб келинаётган "географик қобиқ" атамасини саклаш ва табиий географиянинг обьекти ҳақида гап боргандга, уни бошқа атамалар билан чалкаштираслик лозим бўлади.

Географик қобиқнинг энг муҳим хусусиятларидан яна бири шундаки, унинг компонентлари ўзининг тузилиши ва ривожланиши билан ўзаро яқин боғликликда ва чукур алоқадорликдаки, алоҳида табиат ҳодисаси ҳисобланмиш бир бутунликни, яхлитликни ҳосил килган. Шу билан бирга у мураккаб ҳудудий табакалангандир, яъни турли катта кичикликдаги табиий географик комплекслардан ташкил топгандир. Бу ўз навбатида табиий географиянинг тадқиқот обьекти ҳақидағы иккинчи тушунчани шаклланишишга олиб келади.

Табии географиянинг тадқиқот обьекти айнан ана шу табии географик комплекслар бўлиши кераклигини Б.П.Орлов (1945), А.Г.Исаченко (1953), Н.А.Солнцев (1955), В.П.Лидов, Л.Е.Сетунская (1956), К.К.Марков (1970) ва бошқалар тўғридан-тўғри таъкидлаб ўтгандар. Аммо бундай фикрни география фани тарихида биринчи бўлиб А.Н.Краснов (1895) билдирган эди. Унинг фикрича, географиянинг энг асосий вазифаси географик комплексларни аниклаш, уларнинг ҳусусиятлари ва тарқалиш сабабларини ўрганишдан иборат бўлиши керак.

А.Г.Исаченконинг (1991) фикрича, ҳозирги замон табии географиясидаги асосий ғоя планетамизнинг ташки сфераларини хосил килувчи табии компонентларнинг ўзаро боғликлиги ва алоқадорлиги ғоясидир. Бу ғоянинг илдизлари А.Гумболит ва В.В.Докучаев асарларига бориб тақалса ҳам, тарихан икки йўналишида аниклаштирилиб ва ривожлантирилиб борилди. Натижада бир томондан географик қобиқ ҳакида, иккинчи томондан эса табии географик комплекслар ҳақидаги тушунчалар шаклланди. Бунда географик қобиқнинг ўзи ҳам энг йирик табии географик комплексdir деб ёзтироф этилади. Бу ҳақда таникли табии географ В.С.Преображенский (1972) "табии географик комплекс ва географик қобиқ тушунчалари орасидаги мантикий алоқага алоҳида ёзтибор бериш лозим. Бу тушунчаларнинг ўзаги бир. Табии география ушбу тушунчалар акс эттирган искала обьектни ҳам ўз ўрганиш предмети қилиб олади" - деб ёзади.

Табии географиянинг обьекти ҳақидаги учинчи тушунча, бу - "табии мухит" ёки "географик мухит" тушунчасидир. Ушбу тушунча кўпроқ илмий - оммабоп адабиётларда, баъзи табии ва ижтимоий фанларда, фалсафада кенг ишлатилиб келинмоқда. Масалан, фалсафа лугатида бу тушунча шундай изоҳланган: "Географик мухит - жонли ва жонсиз табиат предметлари ва ҳодисаларининг мажмуи (ер пўсти, атмосферанинг қуий қисми, гидросфера, устки тупроқ қоплами, ўсимлик ва ҳайвонот олами)дир". Кўриниб турибиди, географик мухит атамаси билан географик қобиқ атамасининг изоҳларида ўхшашликлар бор. Шунинг учун ҳам К.К.Марков (1951), И.М.Забелин (1952), И.П.Герасимов (1956) ва бошқалар "географик мухит" атамаларидан фойдаланганларида албатта инсон фаолиятини кўзда туттганлар ва географик қобиқнинг синоними сифатида фойдаланганлар.

Н.А.Гвоздецкий (1979) эса табии география географик мухит ҳақидаги фанлар деб ҳисоблайди ва "ижтимоий ишлаб чиқариш ва техника тараккиётининг ҳозирги босқичида географик мухитнинг чегаралари географик қобиқнинг чегараларига мос келиб қолди ва шунинг учун табии географиянинг тадқиқот обьекти биттадир, у ҳам бўлса географик мухитдир" - деб ёзади.

Географик қобиқ ва географик мухит тушунчаларини, ҳатто уларнинг чегаралари мос келиб қолган тақдирда ҳам, ўзаро ҷалқаштирумаслик керак. Географик мухитнинг чегаралари мавхумдир ва ҳар ерда

муайян шароитдан келиб чиккан ҳолда турлича бўлиши мумкин. Ундан ташкари Ернинг географик қобиги одам пайдо бўлмасдан олдин ҳам бўлган ва ёши, ҳажми ва бошқа ўлчамлари билан географик мухитдан фарқ қиласди.

Табиий географиянинг тадқикот обьекти ҳакидаги тўртинчи ва энг янги тушунча геотизимлар (географик тизимлар) тушунчасидир. Табиий географияга биринчи бўлиб "геотизим" тушунчасини киритган олим В.Б.Сочава (1963) хисобланади. У геотизимлар ҳакидаги таълимотнинг асосчиси ҳамдир. В.Б.Сочаванинг фикрича, геотизимлар ҳакидаги таълимот табиий география фанининг "ўзаги" эканлигини эътироф этиш биронта шубха ёки иккиланиши уйғотмаслиги керак. Чунки бу таълимот конунийдир ва географиянинг бундан кейинги тараққиётини таъминлашга кодирдир.

А.Г.Исаченко (1991) ҳам табиий географиянинг обьекти бўлиб геотизимлар хисобланади ва бу табиий географиянинг энг қиска ва энг қамровли таърифидир деган фикрни билдиради.

Геотизим тушунчасини географик адабиётда икки ҳил маънода ишлатилаёттанини кўриш мумкин. Масалан, Д.Л.Арманд (1975), А.Ю.Ретеюм (1972), К.Н.Дяконов (1975) кабилар геотизим деганда модданинг бир томонлама оқими бирлаштирган, ўзига ҳос табиий географик комплексларни тушунадилар. Буни К.Н.Дяконов берган таърифдан ҳам кўриш мумкин. Яъни, мавжудлиги асосида модданинг бир томонлама табиий оқими ётган, бир бутунлик ҳусусиятларига эга бўлган табиий ҳосилаларни геотизимлар дейлтади.

Геотизимлар ҳакидаги иккинчи тушунчанинг мазмуни эса табиий география анъанавий ўрганиб келаёттан табиий географик комплексларни геотизим деб ҳисоблашдан иборатdir.

Табиий географиянинг обьекти ҳакидаги, юкорида таҳлил қилинган тўртта тушунчадан иккинчи ва тўртинчиси, яъни табиий географик комплекслар ҳакидаги ва геотизимлар ҳакидаги тушунчалар мазмун жиҳатидан бир-бирига яқин тушунчалардир. Шу билан бирга улар биринчи, яъни географик қобик ҳакидаги тушунчани ҳам ўз қамровига олиши мумкин. Бошқачароқ қилиб айтганда, табиий география фанининг обьекти ҳисобланган географик қобикнинг ўзи ҳам энг катта табиий географик комплексдир за шу билан бирга динамик геотизимдир.

Табиий географиянинг обьекти, предмети ва вазифалари ҳакида ўз фикримизни билдиришдан олдин бир муҳим масалага ойдинлик киритиб олишни лозим деб топдик. Бу масала географик қобик табиий география фанининг обьектими ёки предметими деган саволнинг тўғри жавоби билан боғлик. Чунки табиий географиянинг назарий масалаларига бағишланган кўпгина асарларда ҳанузгача обьектни предмет деб, ёки бир нарсани бир киши обьект деса, бошқа бирори предмет деб ҳисоблаш ҳоллари учраб турибди. Масалан, А.А.Григорев ўзининг бир мақоласида географик қобикни табиий географиянинг обьекти деб ҳисобла-

са, бошқа бир илмий ишида уни табиий географиянинг ўрганиш предмети деб ёзди. Шунингдек С.В.Калесник (1957) ҳам умумий ер билимидан тузган дарслигининг 5- бетида "Ернинг географик ёки ландшафт қобигининг айрим таркибий қисмларини кўп фанлар ўрганади. Аммо бу, ички тузилиш жиҳатидан бир бутун бўлган табиий ҳосила география фанларининг факат биттасинигина, айнан табиий география фанингина объектидар" - деб ёзди. 6- бетида эса табиий географиянинг вазифасига икки объектни (яъни Ернинг географик қобигини бир бутун тизим сифатида ва географик қобикнинг айрим қисмлари бўлмиш географик ландшафтларни) ўрганиш киради деган фикрни билдиради. 7- бетда Ернинг географик қобиги умумий ер билимининг ўрганиш предмети, географик ландшафтлар эса регионал табиий географиянинг предметидир деган карорга келади.

А.Г.Доскач (1964), Г.И.Юренков (1982), Н.И.Михайлов (1985), В.П.Сайтак (1986) ва бошқалар географик қобикни табиий география фанинг объекти деб ҳисобласалар, В.А.Анучин (1972), Н.А.Гвоздецкий (1979), А.Е.Криволукский (1985) кабилар предмети деб таъкидлайди.

Табиий география фанинг объекти ва предмети ҳақидаги фикрларнинг бундай ҳилма-ҳиллиги ўкувчини чалғитади. Ундан ташқари, табиий географиянинг табиий фанлар қаторида тутган ўрни ва тармокланишини тўғри аниқлаб олишга ҳалақит беради. Бундай чалкашликларнинг асосий сабабларидан бири объект сўзининг мазмуни билан боғлиқ бўлиши мумкин. Чунки бу сўз лотинчадан олинган бўлиб, objectum, яъни предмет деган маънони беради. Бу объектнинг тор маъносиdir. Фалсафа лугатида билишнинг предмети деб объектнинг тажрибада қайд этилган ва инсоннинг амалий фаолият жараёнига киритилган томонлари, хусусиятларига айтилади. Ў мазкур шароитда маълум мақсадни кўзлаб ўрганилади деб кўрсатилган.

Фалсафанинг билиш назарияси бўлими ҳисобланган гносеологияда объект деганда инсон фаолияти жараёнига киритилган ва субъект томонидан предметлар орқали билим жиҳатидан ўзлаштирилган ва инсондан мустакил бўлган нарсалар тушунилади. Ушбу фикрларга мос ҳолда А.Ф.Плахотник (1973) фаннинг предмети унинг объектидан маҳсус кўйилган вазифа ёрдамида ва мантикий, техник методларни кўллаш ёрдамида чиқариб олинади деб ёзди.

Иқтисодий географлардан А.С.Солиев (1988) иқтисодий ва социал географиянинг объекти, предмети, ўрганиш методлари ва вазифалари ҳақида фикр юритар экан, объект серқиррали борлик, ҳодиса ёки воқеалар бўлиб, биргина фан учун эмас, балки кўп фанлар биримаси учун хизмат қиласади. Ҳар бир фан ҳодиса ва воқеаларнинг бир томонини (аспектини) ўрганади. Ана шу "бир томони ёки аспекти" фаннинг предметидир деган хulosага келади. Ушбу мулоҳазадан кўриниб турибдики, фаннинг объекти, унинг предметидан ҳажми, мазмуни жиҳатидан "каттароқ нарса" бўлиши керак. Шу нуқтаи назардан қараганда, фан-

нинг объекти ва предмети ҳакида Ф.Н.Милков билдириган муроҳазалар ачагина мунозаралидир. Масалан, унинг "фанинг ўрганиш предмети қуириқ тасниф погонасига жойлашган бир қанча фанлар тизимининг объекти бўлади", деб айтишини ва табиий географиянинг объекти Ер юзасидир, предмети географик қобиқдир деган хуносасини зътироф этиш қийин. Ундан ташқари географик фанларнинг тизимли таснифи ва ундаги умумий ер билдиригининг ўрни ҳакида берилган чизма (1990, 1- расм) эса ўкувчи учун уни чалкаштирувчи бошқотирмага ўхшайди. У тавсия этаётган фанлар таснифи ва унга боғлиқ ҳолда объект ва предмет ҳакида билдирилган фикрлари эса алоҳида таҳлилга лойиқдир.

Бизнингча, табиий география фанининг текшириш объекти биттадир. У ҳам бўлса жуда ранг-баранг ва мураккаб тузилишга эга бўлган географик қобиқдир. Ундаги ранг-баранглик ва мураккаблик унинг сер-компонентлиги билан улар орасида рўй бериб турадиган, ҳамда ташки мухит билан бўлиб турадиган ўзаро таъсир ва алоқадорликларнинг серкірралиги билан боғлиқдир.

Географик қобиқнинг бундай мураккаб тузилганилиги, яъни унинг кўп компонентлилиги ва турли-туман табиий географик комплекслардан ташкил топганилиги уни ҳар томонлама тадқик килишини тақозо этади. Унинг ҳар бир компонентини у ёки бу хусусий фан ўз предмети сифатида ўрганиши мумкин. Масалан, рельефни геоморфология фани, тупроқни тупроқшунослик фани, ўсимлик қопламини геоботаника каби. Аммо, бу компонентларни ҳаммасини биргаликда улар орасидаги мавжуд бўлган ўзаро таъсир ва алоқадорликлари билан бирга, бир бутун табиат ҳосиласи, яъни табиий географик комплекс сифатида факат табиий география фанинига ўрганиди. Географик қобиқ энг катта табиий географик комплекс сифатида, табиий география фанининг тадқиқот предмети бўлиб хизмат қиласди.

Демак, географик қобиқ табиий география фани учун бир вактнинг ўзида ҳам объект, ҳам предмет вазифаларини ўташи мумкин. Шу мазнода И.М.Забелин (1978) билдириган фикр зътиборга лойиқдир. У "географик қобиқ объект сифатида Ер ҳакидаги бир катор фанлар томонидан ўрганилиши мумкин ва ўрганилмоқда ... Географик қобиқ, умуман табиатнинг комплекс ходисаси сифатида табиий географиянинг ўрганиш предмети ҳисобланади" - деб ёзди.

Географик қобиқнинг бир бутунлиги унинг турли қисмларида турлича табиий шаронт мавжудигигина инкор этмайди. Географик қобиқ, бир бутун табиий комплекс бўлиши билан бирга турли катта-кичикликдаги табиий географик комплексларга табакалангандир.

Табиий географик комплекс деганда, у каттами ёки кичикми, барига бир, табиатда объектив мавжуд бўлган, макон ва замонда шаклланган, бир бутунлик хусусиятига эга бўлган маддий тизим тушунилади. Ҳар бир табиий географик комплекс ўзига хос бўлган бўйлама ва энгама структурага эгадир. Ҳар бирининг структураси компонентлараро ва

ички комплекслариаро модда ва энергия алмасиниши кўринишидаги мураккаб табии жараёнлар натижасида шаклланади.

Табии географияга оид китоб ва мақолаларда учрайдиган "табии комплекс", "табии худудий комплекс", "географик комплекс" ёки "геокомплекс" атамаларининг ҳаммаси табии географик комплекс атамасининг синоними сифатида ва кейинги йилларда қўлланилаётган "геотизим" атамаси ҳам, асосан шу маънода ишлатилмоқда. Бизнингча, бу атамадан фойдаланилган такдирда, табии географик комплекс атамасининг ўрнига эмас, балки у билан ёнма-ён, "ъалий табии географик комплекс ўзига хос геотизимдир" қабилида ишлаттган макул.

## ТАБИИ ГЕОГРАФИК КОМПЛЕКСЛАРНИНГ КАТТА-КИЧИКЛИГИ ВА ТАБИИ ГЕОГРАФИЯНИНГ ТАРМОҚЛАРИ

Географик қобиқ ва унинг қисмлари бўлган табии географик комплексларни табии география ўз тадқиқот предмети сифатида ўрганар экан, уларни аниқлаш, ҳаритага тушириш, тавсифлаш, баҳолаш каби вазифаларни табии географик районлаштириш орқали амалга оширади. Табии географик районлаштириш жараённада худудларнинг табии географик комплексларга табакаланиш қонуниятлари, табии географик комплексларнинг ташкил топиши, ривожланиши, структураси, динамикаси ва бошқа хусусиятлари ҳам ўрганилади.

Табии географик районлаштиришнинг энг катта бирлиги географик қобиқ ҳам, энг кичик бирлиги ҳисобланган табии географик район ҳам, ўз ички тузилиши жиҳатидан бир вактнинг ўзида, ҳам бир бутунлур, ҳам ҳилма-ҳилдир, яъни ўзидан кичик бўлган табии географик комплекслардан ташкил топгандир. Бу табии географик комплекслар ўзининг катта-кичиклигига боғлиқ ҳолда турли таксономик қийматга эгадир. Масалан, географик қобиқ ўзидан кичикроқ бўлган табии географик комплекслар куруқлик ва океанларга, куруқлик эса ўз навбатида материкларга бўлинади. Материклар эса ўзидан кичикроқ бўлган табии географик комплекслар - табии географик ўлкалардан ташкил тошгандир ва ҳ.к.

Агар табии географик комплексларнинг катта-кичиклигини зътиборга олган ҳолда бирин-кетин кўйиб чиқсан кўйидаги ҳолат юзага келади: Географик қобиқ-куруқлик-материклар-табии географик ўлкалар-табии географик зоналар-табии географик провинциялар-табии географик округлар-табии географик районлар-ландшафтлар-жойлар-урочишелар-фациялар. Бу табии географик районлаштиришнинг таксономик бирликлари тизими бўлиб, уни ҳамма табии географлар ҳам бирдек зътироф этавермайди. Табии географик районлаштириш масалаларига багишланган адабиётда бундай таксономик бирликлар тизимини турли ҳили ва турли мазмундагисини учратиш мумкин (масалан, бир қаторлик, икки ёки уч қаторлик, кўп погонали, кам погонали каби).

Табиий географик районлаштиришнинг таксономик бирликлари тизими масаласи катта ва мунозарали мавзу бўлиб, ушбу бобнинг мазмунидан ташқари, алоҳида таҳлилга лойиклар.

Табиий географик комплекслар одатда, юкорида акс эттирганимиздек, бирин-кетин бўлиб жойлашмаган, балки кичик табиий географик комплекслар биргаликда катталарини, улар эса ўз навбатида ундан катароқларини ҳосил қилиб жойлашгандир.

Табиий географик комплексларнинг катта-кичилгиги уларнинг узунлиги, кенглиги, қалинлиги, майдони, ҳажми каби маҳсус ўлчамлари билан таърифланиши лозим эди. Бундай ўлчам кўрсаттичлари табиий географик комплексларнинг илмий таҳлилида рельеф, иклим, тупроқ, ўсимлик ва бошқаларнинг сон кўрсаттичлари билан бир қаторда ишлатилиб, маълум бир хуносага келишга ёрдам берган бўларди. Бундан ташқари, бундай ўлчамлар табиий географик комплексларнинг бир қатор хусусиятларини аниқлаш, улар орасидаги фарқларнинг мөҳиятини тушуниб этишда маълум ахамиятга эга бўлиши мумкин эди. Аммо, ҳозирги вақтда уларнинг илмий асосланган, маълум бир муайян мезонларга таянган ўлчамлари ишлаб чиқилмаган.

Табиий географик комплексларнинг айрим ўлчамларини тавсия этишга харакат қилиб кўрганлардан бири Д.Л.Арманд (1952) эди. У асосий ўлчам бирлити сифатида комплексларнинг иккита энг йирок чеккалари орасидаги масофани келтиради (1- жадвал).

1- жадвал

**Табиий географик комплексларнинг айрим ўлчамлари  
(Д.Л.Арманд, 1952 бўйича).**

Таксономик бирликлар номи	Энг чекка нутқалар орасидаги масофа (км)
Минтақа	40000 - 11000
Материк	39000 - 5000
Сектор	31000 - 1800
Ўлка	25000 - 660
Зона	16000 - 180
Провинция	8000 - 90
Область	3100 - 30
Округ	1000 - 10
Урочише	90 - 1
Фация	20 - 0,4
Биогеоценоз	6,5 - 0,15
Парцелла	1,7 - 0,02

Д.Л.Арманд (1975) батабағсилроқ ишлаб чиқкан таксономик бирликлар тизимини ҳамма ҳам баравар эътироф этавермайди. Шу билан бирга у

тавсия этган ўлчамлар ҳам пухта ишлаб чиқилган деб бўлмайди. Масалан, икки узоқ чеккалари орасидаги масофа 2000 км га тенг бўлган тақдирда, табиий географик комплекс қайси таксономик бирликка (провинциягами, областгами ёки ўлкагами) тааллукли эканлиги но маълум бўлиб қолаверади. Шунга ўхшаш ўлчамлардан яна бир хили В.И.Прокаев (1976) томонидан тавсия этилган бўлиб, у майдон ўлчами-дир. Унинг фикрича, энг йирик табиий географик комплекслардан бири - ўлка бир неча юз мингдан бир неча миллион кв.км майдонга эга бўлиши керак. Ландшафт провинциясининг майдони юзлаб минг ва бир неча ўнлаб минг кв.км га тенг бўлиши керак. Қолган табиий географик комплекслар эса қуийдагича майдонга эгадир: Ландшафт округи - бир неча ўнлаб минг кв.км дан бир неча минг кв.км гача, Ландшафт райони бир неча ўнлаб кв.км дан бир неча юз кв.км гача. Ландшафтнинг кисмлари ҳисобланган типологик бирликлар - фация бир неча юз кв.км дан бир неча ўн гектаргача, урочишелар эса бир неча юз кв.м. дан бир неча кв.км гача бўлган майдонни эталайди.

Н.И.Михайлов (1985) ҳам табиий географик районлаштиришнинг таксономик бирликларини тавсифлаган вактда табиий географик районларнинг майдони бир неча юз кв.км дан 2-5 минг кв.км гача, ландшафтларнинг майдони ўнлаб ва камдан-кам юзлаб кв.км бўлишини айтади. Унингча, урочишеларнинг майдони 10 кв.км дан ошмайди ва фацияларнинг майдони эса бир неча ўн гектардан иборатдир.

Табиий географик комплексларнинг катта-кичилиги, уларнинг кўлами турлича эканлиги ҳакида немис географларидан Э.Несф (1969), Г.Хаазе (1973) кабилар ҳам ўз фикрларини билдирганлар. Масалан, Г.Хаазе табиий географик комплексларнинг тўрт хил миқёсдагилари мавжудигини ёзади. Унингча, табиий географик комплексларнинг топлар миқёсдагиси, хоралар миқёсдагиси, регионал миқёсдагиси ва геосфера (дунёвий) миқёсдагиси бўлиши мумкин.

Я.Демек (1977) ҳам табиий географик комплексларнинг тузилишида маълум бир миқёсий тартиб борлиги ҳакида фикр билдириб, энг катта ўлчамлар планетар (дунёвий) кўламдаги табиий географик комплексларга ҳослиги ва Ернинг шакли туфайли бундай табиий географик комплексларнинг турли кисмларида модда ва энергиянинг кириб келиши бир текисда бўлмаслиги натижасида ички табақаланиш юз беришини златиб ўтади. Унингча, планетар кўламдаги табиий географик комплекслар бир бутун ҳосила бўлиши билан бир вактда бир катор иккичи даражали табиий географик комплекслардан ташкил топгандир. Уларнинг ҳар бири маълум табиий географик чегараларга ва ўзига хос хусусиятларга эгадир.

Географик ўлчамларнинг асоси сифатида Ер юзасининг катталигини ишлатиш мумкинлиги ҳакидаги фикрлар ҳам мавжуд (Хаттет, 1968, Несф, 1974). Ернинг табиий юзаси муҳим географик омил эканлигини зътироф этган А.А.Крауклис (1979), П.Хаттет тавсия этган кўрсаттич-

лардан фойдаланиб, куйидаги ўлчамларни ҳисоблаб чиққан (2-жадвал). Бунда: Ra - табии географик комплекснинг майдони, Ga - Ернинг умумий майдони ва G - Ернинг умумий майдонининг табии географик комплекс майдонига бўлган нисбатининг логарифми.

## 2- жадвал

Айрим табии географик комплекслар майдонининг Ернинг умумий майдонига нисбати (А.А.Крауклис, 1979 бўйича).


Табии географик комплекслар	Ra/Ga	G=Log Ga/Ra
Географик кобик	1	0
Ландшафт области	10 - 10	2 - 3
Ландшафт	10 - 10	4 - 5
Фация	10 - 10	10 - 13
Фациянинг қисмлари	10 дан кичик	13 дан катта

Ушбу жадвалда табии географик комплексларнинг иерархия кўлами қанчалик катта бўлса уларнинг майдони ҳам шунчалик катта бўлиши яхши акс эттирилган. Шундай бўлса ҳам, бир кўламдаги табии географик комплексларнинг ўлчамлари у ёки бу томонга ўзгариши ва уларнинг чегараларини аниқлашда шартлилик катта эканлигини пайқаб олиш қийин эмас. Агар табии географик комплексларнинг майдони билан уларнинг айрим сон ва сифат тавсифлари ўргасидаги боғлиқликлари қонуниятлари аниқланганда эди, бу ўлчамдан кент фойдаланиш имконияти туғиларди.

Ернинг табии юзаси билан табии географик комплекслар ўргасидаги алоқадорликни таҳдил қилишда Ернинг сатҳидан юқорига ва пастга узоклашган сари табии географик комплексларнинг майдонига боғлиқ ҳолда, сон ва сифат ўзгаришларидаги қонуниятларни аниқлаб олишнинг аҳамияти каттадир. Чунки, бевосита ер юзаси табии компонентларнинг ўзаро бир-бирига таъсири кучайган, турли хил табии географик ҳодиса ва жараёнларнинг энг кучли намоён бўлган жойидир. Ер сатҳидан икки томонга узоклашган сари турли-туманлик камайиб боради. Шу маънода В.А.Боковнинг (1983) табии географик комплексларнинг макон ва замондаги шаклланиши ҳақида билдирилган фикрлари эътиборга лойикдир (3- расм).

Расмда акс эттирилгандек, табии географик комплексларнинг чегаралари айнан ер сатҳидан аниқ ифодаланган бўлиб, ундан юқорига ва пастга томон табии географик комплексларро фарқлар камайиб борар экан. Шу билан бирга географик қобикда турли ҳажмда бўлган, турли таксономик кўламдаги табии географик комплексларнинг юқори ва пастки чегараларидағи ноаниқлик ортиб борар экан. Шунга ўҳашаш фикрни бир вактлар Ю.П.Бяллович (1947) ҳам таъкидлаб ўтган эди.

Унингча турли катта-кичиликдаги табий географик комплекслар (хоралар) турлича калинликка эга бўлиб, уларда юз берадиган жараёнларнинг мураккаблиги ва жадаллиги ер сатҳига яқин бўлган, марказий катламлардан географик қобикнинг чекка қисмларига томон пасайиб, сустлашиб бораар экан. Шунинг учун ҳам табий географик комплексларга таъсир этадиган ички ва ташки омилларнинг ер юзасига "тегиб" ўзгариши механизмини очиб бериш, модда ва энергиянинг вертикал ва горизонтал йўналишдаги ҳаракат жараёнларини аниклаш, компонентларнинг ўзаро таъсир ва ўзгаришларини, ҳамда табий географик комплекслар ҳолатларининг алмашиниш қонуниятларини аниклаш ҳам катта аҳамият касб этиши мумкин. Бундай масалаларнинг ижобий ҳал этилиши кўп жиҳатдан табий географик комплексларнинг вертикал йўналишдаги ўзгаришларини аниклаб олиш билан боғлиқdir. Бунинг учун эса табий географик комплексларнинг юкориги ва пастки чегараларини аниклаб олиш лозим бўлади. Бундай чегараларни аниклаш масаласи кам ишланган ва мунозарали бўлиб, айrim муроҳазаларни биз А.Ю.Ретеюм (1966), К.Н.Джонов (1971), В.Б.Сочава (1978), Н.Л.Беруашвили (1990) кабиларнинг асарларида учратамиз.



O - ер юзаси, H - баландлиги, -H - чукурлиги,  
A - юкориги чегара, L - кўйи чегара,  
I - географик турли-туманлик юзаси.

3-расм. Ер сатҳидан узоклашган сари табиатдаги турли-туманликнинг камайиб бориши (В.А.Боков, 1983 бўйича).

А.Ю.Ретемнинг (1966) ёзишича, биогеоценознинг (ъни фация-нинг) юкориги чегараси жуда ўзгарувчандир ва ер юзасининг паст-баландлиги, метеорологик шарт-шароитлари, радиация баланси ва модданинг биологияк алланиш турига боғлиқдир. Ўт ўсимлиги ўсган биогеоценозларда юкориги чегара бир неча ўи сантиметрдан бир неча метргача баланддан ўтиши мумкин. Ўрмон биоценозларида эса бирнечча ўи метр юкоридан ўтади. Урошишлар эса Ер юзасига яқин ҳаво қатламини ўз ичига олиб, уларнинг юкориги чегараси бирнечча ўи метрдан бирнечча ўз метргача баланддан ўтади. Ландшафтларнинг майдони каттароқ бўлгани учун уларнинг юкориги чегараси 0,8 - 2,0 км баланддан ўтади.

Ўрмон тундра ландшафтларининг вертикал тузилишини ўрганган К.Н.Диконов (1971) оқ қайинли сийрак ўрмон фацияларининг юкориги чегарасини 4-5 метрдан, урошишларнинг юкориги чегарасини эса ер юзидан 7-9 метр баланддан ўтишини аниклаган. Унинг фикрича, ана шу баландликларда фацияларо ва урошишларо ҳаво ҳароратидаги фарклар йўқолар экан. К.Н.Диконов келтирган бу кўрсатгичлар асосан бир марталик ўлчаш натижаси бўлиб, кундуз куни, антициклон шароитидаги об-ҳавода, шамолнинг тезлиги 1,8 м/сек бўлгандаги холатини гина акс эттириши мумкин. Бошқа кунлари, бошқача об-ҳаво шаронтида бу кўрсатгичлар бошқача бўлиши мумкин. Шунинг учун ҳам А.Г.Исаченков (1991) табиий географик комплексларнинг таксономик кўлами катталашган сари уларнинг юкориги чегараси баландлашиб бориши ҳакидаги фикрни нотўғри деб хисоблади. Ҳатто, ландшафтларнинг юкориги чегарасини излашнинг ўзи долзарб масала эмас деган қарорга келади. Унингча, атмосфера ҳодисалари (масалан, булутланиш, ёгин-сочин ва ҳ.к.) қандай баландликда рўй беришидан катый назар, табиий географик зона, табиий географик провинция, ландшафт ва унинг морфологик қисмларини ҳам тавсифлаши мумкин. Шундай бўлса ҳам, А.Г.Исаченконинг ўзи ландшафтларнинг юкориги чегарасини ер юзасидаги ўсимликлар эгаллаган 10 метр қалинликдаги қатламдан 30-50 м баланддан айрим, ҳолларда эса ундан ҳам баланддан ўтказган маъкул деган хуросага келади.

Н.Л.Беручашвили (1990) ҳам табиий географик комплексларнинг юкориги чегараси об-ҳаво шароитига, турли компонентларнинг ҳолатига боғлиқ ҳолда тез-тез ўзгариб туришини инобатта олиб, бу чегарани аниклаб олиш катта қийинчиллик тутдиришини ёзади. Унингча, биогеоценоз (фациянинг бир қисми сифатида) нинг юкориги чегарасини аниклаш бундан мустаснодир. Бунинг сабаби биогеоценоз тушунчасининг мазмумни билан, яъни биогеоценоз биоценоз ва у ўзгартирган ташки мухитдан иборат эканлиги билан боғлиқдир. Бу муаллифнинг ёзишига қараганда, биогеоценозларнинг юкориги чегарасини энг баланд ўсимликларнинг учларидан ўтказиш керак. Чунки биоценознинг ташки мухитини ўзгариувчи тасири айнан ўсимлик коплами тўплланган катламда рўй беради.

Фацияларнинг юқориги чегарасини аниклашда эса, Н.Л.Беруашвили биринчи навбатда, ер сатҳига яқин бўлган ҳаво массаларини ўрганиш зарурлигини ва ўсимлик қопламига ёндош бўлган ҳаво қатламида фацияларнинг метеорологик элементлар тавсифига таъсири сезиларли эканлигини ҳисобга олиб, бу ҳаво қатламини ҳам фацияга киритиш кераклигини таъкидлайди. Унинг фикрича, фациянинг юқориги чегарасини аниклаб олиш учун йилнинг турли фаслларида маҳсус градиент кузатишлари олиб бориш зарур ва қачон бу чегара энг юкоридан ўтса, ўша чегарани фациянинг чегараси деб ҳисоблаш мумкин.

Урочише ва ландшафтларнинг юқориги чегарасини аниклаш янада мураккаброқ эканлигини эътироф этган ҳолда, Н.Л.Беруашвили урочише ва ландшафтларнинг юқориги чегарасини тропосферанинг шу урочише ва ландшафтларга хос ҳаво циркуляцияси жараёнлари рўй бериб туралиган қисмининг тепасидан ўтказиши лозимлигини ёзди. Шу билан бирга у, табиий географик комплексларнинг юқориги чегараси шартли эканлигини, барча табиий географик комплекслар юкоридан "очик" эканлигини ва табиий географик комплексларнинг мавжудлиги учун зарур бўлган жараёнларни кўпчилигининг юз беришида муҳим ҳисобланган энергия ва намликтининг асосий қисми ана шу юкоридан кириб келишини эслатиб ўтади.

Табиий географик комплексларнинг пастки чегаралари ҳакида ҳам қатъий бир холосага келинмаган. А.Г.Исаченконинг (1991) ёзишига қараганда, ландшафт зоналарининг пастки чегараси, бир вакълар А.А.Григорев айтгандек, ер сатҳидан 15-20 метр пастдан ўтиши лозим. Ландшафтларнинг пастки чегараси эса мантиқан зонанинг чегарасидан паст бўлмаслиги керак. Ландшафтнинг пастки чегараси компонентларнинг ўзаро таъсири, кўёш энергиясининг ўзгариши, намликтинг айланishi, организмларнинг геокимёвий фаолияти каби жараёнларнинг излари сезилиб туралиган қатламнинг этагидан ўтиши, яъни ер сатҳидан бир неча ўн метр чукурдан ўтиши керак. Демак, урочише ва фацияларнинг пастки чегараси ҳам ундан паст бўлмаслиги керак.

К.Н.Диконов (1971) эса Фарбий Сибирнинг ўрмон тундра шароитида фацияларнинг пастки чегараси 2 м, урочишеларнинг пастки чегараси эса 4 м чукурликдан ўтиши кераклигини ёзди. Бунда у, бу чегарани тупрок қатламида  $0^{\circ}$  лик изотерма ўтган жойдан белгилайди.

Табиий географик комплексларнинг пастки чегараси ҳакида Н.Л.Беруашвили (1990) ҳам ўзига ҳос фикрларни билдиради. Унингча, биогеоценозларнинг пастки чегараси тупроқ қатлами (В ва С горизонтлари) нинг этагидан, яъни ўсимлик илдизларининг 99% и тарқалган қатламнинг остидан ўтиши керак. Фацияларнинг бундай чегарасини аниклашда эса "оддий" ва "мураккаб" ҳоллар бўлиши мумкин. Оддий ҳолларда, масалан: 1) Фациянинг чегараси иккι хил тог жинси ўртасидаги чегарага мос келиб қолса; 2) Фациянинг чегараси асосий тог жинси билан

аллювиал ётқизиклар орасидаги чегарага мос келиб қолса; 3) Грунт сувлари сатхига түғри келиб қолса фацияларнинг пастки чегарасини аниклаб олиш кийин эмас. Мураккаб ҳолларда эса, бу чегарани йил давомида ҳарорат доимий бўлиб турадиган қатламдан ўтказиш лозим бўлади. Бу қатламни аниклашида эса төғ жинсларининг ҳарорат ўтказиш даражасини ва тупроқ юзасидаги ҳарорат амплитудаси каби кўрсатгичлардан фойдаланилади. Бундай чегара тури шароитда турлича чукурликдан (кўпинча 10-20 м) ўтади.

Н.Л.Беручашвилиниң фикрича урочишелар фациялар тизимидан иборат бўлганлиги учун уларнинг чегараси энг паст жойлашган фациянинг пастки чегарасидан юкори бўлмаслиги керак. Ландшафтларнинг пастки чегарасини аниклаб олиш яна-да мураккаброкидир. Ландшафт рельефга боғлик ҳолда табакалантган урочишелар йигиндицидан иборат бўлганлиги учун унинг пастки чегараси унга кирувчи урочишеларнинг чегарасини кесиб ўтмаслиги лозим. Шунинг учун айрим ҳолларда ландшафтларнинг чегарасини энг паст жойлашган урочишининг пастки чегарасидан ўтказиш масадга мувофиқидир.

А.Г.Исаченко (1991) ландшафтларнинг литосферадаги қуий чегараси жуда кескин бўлмаслиги керак. Нураш ва тупроқ ҳосил бўлиш жараёнлари таъсирида ўзгармаган төғ жинслари ландшафтнинг пойдевори бўлиб хизмат килади ва аста-секин моддаларнинг айланма ҳаракатига жалб бўлиб боради. Ландшафтларнинг ҳосил бўлиши, унинг структураси ва мавжудлигини ўрганганимизда унинг пойдеворидан ажратиб ташламаслигимиз керак. Шунинг учун төғ жинсларининг юкори қатламларини ландшафтнинг ташки яруси ёки оралиқ горизонт деб ҳисоблаш лозим деган қарорга келади.

Фациянинг каланлиги ҳакида гап борганда, Н.Л.Беручашвили (1990) билдирган фикрлар аҳамиятлидир. Унингча, фацияларнинг ер усти қисми қалинлиги, ер ости қисмининг қалинлиги ва уларнинг нисбати асосида фацияларни таснифлаш мумкин экан (3- жадвал).

### 3- жадвал

**Фацияларнинг юкориги ва пастки чегаралари орасидаги масофаси (қалинлиги) бўйича таснифи (Н.Л.Беручашвили, 1990 бўйича)**

Фациялар	Ялпи қалинлиги (м)	Ер усти қисми (м)	Ер ости қисми (м)
Жуда қалин	> 100	> 90	5 - 10
Қалин	50 - 100	80 - 40	10 - 20
Ўртача қалинликдаги	25 - 50	15 - 40	10 - 30
Унча кания бўлмаган қалинликдаги	10 - 15	1 - 15	10 - 20
Кичик қалинликдаги	< 10	< 1	< 10

Жадвал муваллифининг ёзиши бўйича, жуда қалин фациялар тропик ва кисман субтропик ўрмонларда учрайди. Унча катта бўлмаган қалинликдаги фациялар Ер юзасидаги барча зоналардаги ўт ва бута ўсган ландшафтларга, кичик қалинликдаги фациялар эса тропик ва арктик чўл ва чала чўл ландшафтларига хосдир.

Н.Л.Беруучашвили фацияларнинг ер устки қисми билан ер ости қисми орасидаги нисбат кўрсаткичи ҳам маълум маънода аҳамиятли эканлигини таъкидлаб, бу нисбат чўл ва чала чўл фацияларида 0,5 дан ўтлоқ ва дашт фацияларида 0,1 гача ўзгариши мумкинлигини ҳамда ўрмонтундра, ўрмондашт ва сийрак ўрмонлар фацияларида бу нисбат 1,0 га яқин бўлишини, тропик ўрмонларда эса бу кўрсаткич 10 - 15 га етишини ёзади.


Юқорида келтирилган турли фикрлар ва мулоҳазалардан кўриниб турибдики, табиий географик комплексларнинг юқориги ва пастки чегаралари, қалинлиги, ҳажми каби ўлчамлари пухта ишланмаган. Кўрсатиб ўтилган маълумотлардан айримлари тажрибада синааб кўрилмаган ва тахминий бўлса, айримлари факат ўёки бу муайян бир табиий географик комплекснинг, ҳатто унинг маълум бир вақтдаги ҳолатигагина таллукли бўлиши мумкин.

Табиий географик комплексларнинг ўлчамлари ҳакида ўз фикрларини билдирган В.Б.Сочава (1978), энг муҳим ўлчамлардан бири табиий географик комплексларнинг ҳажми эканлигини ва бу ўлчам табиий географик комплексларнинг муҳим хусусиятларини тавсифлаши мумкинлигини ёзади. У ажратган планетар (дунёвий), регионал ва топологик кўламдаги табиий географик комплексларнинг ҳар бири ўзига хос ҳажми, ёши билан тавсифланниб, ўзига хос модда ва энергия алмашиниши циклига эгадир.

Турли хил кўламдаги табиий географик комплексларнинг ўлчамлари ҳақида тўлароқ тасаввур ҳосил қилиш учун В.Б.Сочава тавсия этган иккита чизмани умумлаштирган ҳолда келтирамиз (4-расм).

Чизмада акс эттирилгандек, кўлами энг катта бўлған планетар табиий географик комплексларнинг майдони 2 млн кв.км дан кам бўлмаслиги ва уларнинг қалинлиги, яъни юқори ва кўйи чегаралари орасидаги масофа камидаги 17 км бўлиши керак. Регионал кўламдаги табиий географик комплексларнинг майдони эса камидаги 60 минг кв. км бўлиб, қалинлиги 4 км келади.

Топологик кўламдаги табиий географик комплексларнинг энг катталари макрогохоралардир. Улар В.Б.Сочава бўйича табиий географик округ ёки ландшафтта мос келади, ҳамда майдони 7 минг кв. км бўлиб, қалинлиги эса 2 км га тенг келади. Макрогохоралар ўз навбатида топогеохоралар (яъни табиий географик районлар)дан ташкил топгандир. Уларнинг майдони 500 кв.км. атрофида бўлиб, қалинлиги 0,7 км дир. Топогеохоралар эса мезогохоралардан тузилгандир. Уларнинг майдони 9 кв.км, қалинлиги 0,2 км га тенгдир. Мезогохоралар ландшафтларнинг морфологик қисмлари бўлмиш жойлар ёки урочишлар гурухига мос келади. Улар микрогохоралар (яъни урочишлар)дан тузилгандир.



4-Расм. Турли кўламдаги табиий географик комплексларнинг ўзаро солиштиришма ўлчамлари

Геохораларнинг энг кичиги элементар геохора хисобланади, ҳамда у элементар геомерлардан ташкил топгандир. Элементар геомерлар эса биогеоценозларга мос келади. Структураси ва функционал хусусиятлари бўйича биогеоценозларни фацийларга бирлаштириш мумкин. Фацийларнинг қалинлиги В.Б.Сочава бўйича 0,02-0,05 км га тенг келади.

Ушбу муаллиф тавсия этган уч кўламдаги табиий географик комплекслар ёши жиҳатидан ҳам бир-бираидан фарқ қиласди. Масалан, планетар ва регионал кўламдаги табиий географик комплексларнинг ёши геологик даврлар ўлчами билан ўлчанса, топологик кўламдаги табиий географик комплекслар эса бир неча ўнлаб минг йиллар билан ўлчаниши мумкин.

Табиий географик комплексларнинг ана шу уч кўлами мавжудлигини В.Б.Сочавадан бошка яна кўпчилик таникли географлар эътироф этадилар. Масалан, А.Г.Исаченко (1991), А.А.Макунина (1985), Н.И.Михайлов (1985), В.А.Николаев (1979), А.А.Крауклис (1987) кабилар. Шунингдек, таникли картографлардан бири А.М.Берлинг (1987) ҳам карта, глобус, атласларда акс эттириладиган геотасвиirlар уч гурухга ажратилиши мумкинлигини, қайд этади, яъни: 1) глобал ёки дунёвий геотасвиirlар (майдони  $10^7$  кв.км дан катта бўлган бирликлар - планета ёки унинг бир ярим шари); 2) регионал геотасвиirlар (майдони  $10^4$ - $10^7$  кв.км бўлган материклар, океанлар каби бирликлар); 3) маҳаллий кўламдаги геотасвиirlар (майдони  $10^4$  кв.км дан кичик бўлган ҳудудлар).

Табиий географик комплексларнинг турли кўламда шаклланиши ва бунда турли хил жараёнлар ва қонуниятнинг иштироки мавжудлиги ҳакидаги фикрлар бундан аввалроқ ҳам бўлган. Масалан, оддинги бобда кўрсатиб ўтилганидек, энг катта, яъни планетар кўламдаги табиий географик комплекслардан хисобланган географик қобиқ ҳакидаги тушунча А.А.Григорев (1966), С.В.Калесник (1970), А.Г.Исаченко (1965) ва бошкаларнинг изланишилари туфайли шаклланди ва ривожланди. Табиий географик комплексларнинг колган яна икки кўламдагилари, яъни регионал ва морфологик (В.Б.Сочава бўйича топологик) бирликлар, уларнинг шаклланиши ва ривожланишидаги жараёнлар ва асосий қонуниятлар ҳакида Н.А.Солнцев (1949) ва А.Г.Исаченко (1955) лар ўз вақтида муҳим фикрларни билдиришган эди. Н.А.Солнцевнинг "ландшафт табиий географиянинг асосий бирлигидир" деб таъкидлаши кейинчалик табиий географик районлаштирища ландшафтларни энг кичик регионал бирлик деб қарашга, ландшафтшуносликни эса регионал табиий географиядир деб хисоблашга (А.Г.Исаченко, 1965; А.А.Григорев, 1966; К.К.Марков, 1972: ва б.) асос бўлди. Н.А.Солнцев яратган ландшафтлар морфологияси ҳакидаги таълимот эса топологик кўламдаги табиий географик комплекслар ҳакидаги тушунчага асос бўлди деб айтиш мумкин.

Табиий географик комплексларнинг планетар, регионал ва топологик кўламларини фарқлаш мумкинлиги туфайли уларни тадқиқ қилинада ҳам ўзига хос ёндошувлар мавжуд бўлади. Чунки уларнинг ҳар бирида ўз кўламига хос табиий қонуниятлар хукумронлик қиласди. Тадқиқот-

ларнинг бу уч кўлами бирини бири инкор этмайди ва бирининг ўрнини иккинчиси босаолмайди ҳам. Улар ўзаро боғлиқ бўлиб, бирини иккинчиси тўлдириши мумкин, бирини тўплаган маълумотларидан иккинчиси фойдаланиши ва таҳлил қилиши мумкин.

Табиий географик комплексларнинг таксономик мавқеи қанчалик катта бўлса уларнинг ўзига хослигини акс эттирувчи белгилари шунчалик аҳамиятлирок бўлиб боради. Бу нарса айникса регионал кўламдаги табиий географик комплексларга тааллуклидир. Топологик кўламдаги табиий географик комплекслар учун эса ўхшашлик хусусиятларини аниқлаш аҳамиятлиродир.

В.Б.Сочаванинг (1978) ёзишига караганда, табиий географик комплексларнинг планетар, регионал ва топологик кўламларга ажратилиши маълум бир умумлаштиришлар натижасидир. Улар орасидаги чегаралар маълум тушунчалар орасидаги чегаралардир. Кўламлар ҳақидаги тушунча географик қобикда рўй бериб турадиган модда ва энергия алмашиниши муаммосига бевосита боғлиқдир. Географик қобикдаги модда ва энергия алмашиниш жараёни бир-бирига бўйснадиган айланма жаратлар иерархиясидан иборат бўлиб, учта асосий циклга бирлаштирилиши мумкин.

Хуллас, табиатда объектив мавжуд бўлган табиий географик комплексларнинг ана шу уч кўламга бирлаштирилиши илмий жиҳатдан анҷагатина асосли бўлиб кўринади. Шунинг учун ҳам, табиий география фанининг бўлининиши ҳакида гап борганда, табиий географик комплексларнинг бундай кўламларини ҳисобга олиш мақсадга мувофиқдир. Табиий географиянинг тармоқланиниши ҳакида гап борганда деярли барча табиий географлар фанининг обьекти бўлган географик қобикнинг ниҳоятда мураккаб тузилганлигини асос қилиб кўрсатадилар. Мантиқан олганда бу тўғри. Чунки географик қобикнинг бундай мураккаб тузилганлиги уни ҳар томонлама тадқиқ қилишни, яъни уни бир бутун ҳолда ҳам, алоҳида компонентлари бўйича ҳам ва унинг катта-кичик қисмлари бўлмиш табиий географик комплекслар бўйича ҳам ўрганишини тақаזו этади.

Географик қобикнинг компонентларини ёки уларнинг айрим хусусиятларини геоморфология, тупроқшунослик, иклимшунослик, геоботаника, зоогеография, биогеография каби бир қатор фанлар ўзининг тадқиқот предмети сифатида ўрганади. Бу фанлар, географик фанлар тизимида бўлса ҳам, айрим географлар (А.А.Григорев, 1952; К.К.Марков, 1978; Н.И.Милков, 1990; Н.И.Михайлов, 1985: кабилар) ўйлагандек табиий география билан бир қаторда туриши мумкин бўлган мустакил фанлардир.

Географик қобикнинг ўзи эса, планетар кўламдаги табиий географик комплекс сифатида умумий табиий география ёки умумий ер билимининг ўрганиши предмети бўлиб хизмат қиласи. Умумий табиий география географик қобикни бир бутун табиий ҳосила сифатида, унинг ҳосил бўлиши, тузилиши, структураси, ривожланиши, динамикаси, унга тааллукли географик қонуниятларни, унда юз берадиган барча табиий

географик ходиса ва жараёнларни ўрганади. Умумий табиий география географик қобиқ учун умумий ҳисобланган масалалар билан шугулланади.

Географик қобикнинг қисмлари бўлган турли катта-кичикликдаги табиий географик комплексларни, уларнинг шаклланиши, морфологик тузилиши, компонентлари ва қисмлари орасидаги ўзаро таъсир ва алокадорликларни, табиий географик комплексларнинг динамикаси, ривожланиши кабиларни ўрганиш билан регионал табиий география шугулланади.

Табиий география фанининг ана шундай, умумий ва регионал табиий географияларга бўлинишини кўпчилик табиий географлар эътироф этадилар. Улардан бири таникли табиий географ Н.А.Гвоздецкий (1979) эди. Унинг тасаввурда табиий география фани, энг авалло икки қисмга - умумий табиий география ва регионал табиий географияга бўлиниши керак. Умумий табиий география географик мухитни ўрганишнинг умумий масалалари билан шугулланади. У географик қобиқ, географик мантақа, ўлка, зона каби катта-катта табиий географик комплекслар билан бир қаторда район, ландшафт, урочище каби кичик табиий географик комплексларнинг ҳам тузилиши, ривожланишидаги умумий қонуниятларни тадқик қиласди. Умумий табиий географиянинг вазифаларига табиий географик комплексларнинг типологияси, таснифи, таксономиясини ишлаб чиқиши каби масалалар ҳам киради. Бундан ташқари, Н.А.Гвоздецкий (1979, 63-бет) ўз мулоҳазаларини тушунтириши мақсадида тавсия этган чизмада умумий табиий географиянинг қисмлари сифатида умумий ер билими, табиий географик районлаштиришнинг назарий масалалари, ландшафтшуносликнинг умумий назарий масалалари кабилар кўрсатилган (5- расм). Регионал табиий география эса табиий географик мамлакатшунослик ва регионал ландшафтшуносликка бўлинган.



5- расм. Табиий географиянинг бўлиниши (Н.А.Гвоздецкий, 1979).

Бизнингча, табиий географиянинг бундай бўлнишида бир катор мунозарали ва эътироzlарга сабаб бўладиган томонлари бор. Шундай томонларидан бири умумий табиий географиянинг ичида яна умумий ер билими, етарли даражада илмий асосланмай туриб, алоҳида фан сифатида ажратилишидир. Умумий табиий география билан умумий ер билими, А.А.Григорев (1952), С.В.Калесник (1970) лар ёзганидек, битта фандир. Чунки уларнинг обьекти ҳам, предмети ҳам биттадир, яъни географик қобикдир. Географик қобикнинг тузилиши, структураси, динамикаси ва ривожланишини ўрганиш, географик қобик учун умумий бўлган конуниятларни моҳиятини очиб бериш умумий табиий географиянинг вазифасидир.

Н.А.Гвоздецкий томонидан табиий географик районлаштиришнинг умумий масалалари ва ландшафтшуносликнинг умумий масалалари қабиларни умумий табиий географиянинг тармоқлари сифатида алоҳида фан деб кўрсатилишини ҳам мантиқан тўғри деб бўлмайди. Аслини олганда, табиий географик районлаштириш табиий география фанининг тадқиқот методларидан биридир. Районлаштириш тадқиқотчи томонидан амалга ошириладиган жараёндир. Табиий географик районлаштиришда ҳал қилинмаган муаммолар эса умумий табиий география учун ҳам бирдек муаммо ҳисобланаверади. Масалан, кўпчилигимизга яхши таниш бўлган географик зоналар ҳакидаги (Л.С.Берг, 1947), Сибирнинг табиити ҳакидаги (Н.И.Михайлов, 1956), Ўрта Осиёнинг табиий географик тавсифи (В.М.Четиркин, 1960), Турон табиий географик провинцияси ҳакидаги (Н.А.Когай, 1969), каби бир катор регионал асарларда у ёки бу худуднинг табиий географик тахлили билан бир каторда табиий географик районлаштириш ёки ландшафтшуносликка оид умумий илмий назарий масалалар ҳам кўтаришганлиги ва муҳим хуносалар чиқарилганини маълум.

В.А.Николаевнинг (1979) "Регионал ландшафтшунослик муаммолари" номли монографиясида билдирилган, табиий география ва ландшафтшуносликка оид илмий назарий фикрлар ҳам асосан Қозоғистон даштларига таалуқли регионал маънумотлар асосида шаклланганлигини пайкараб олиш кийин эмас.

Н.И.Михайловнинг (1985) "Табиий географик районлаштириш" номли дарслигида тахлил қилинган илмий назарий масалаларнинг ҳам кўпчилиги умумий табиий география билан регионал табиий географияга бирдек таалуқлидир деса бўлади. Бу муаллифнинг ёзишича, регионал табиий географияга методологик кириш бўлиб хизмат қиласидан табиий географик районлаштириш курсида, асосан регионал табиий географиянинг мазмуни ва методлари тахлил қилинади.

Н.А.Гвоздецкий тавсия этган чизмада акс эттирилгандек, ландшафтшунослик фани ҳам иккى кисмга, яъни умумий ландшафтшунослик ва регионал ландшафтшуносликка бўлинса, у ҳолда ландшафтшуносликнинг фанлар таснифида ўрни бироз юкоририлса, яъни табиий география-

нинг қаторида бўлиши лозим эди. Ўша қаторда бошқа бир нечта хусусий фанлар (иклимшунослик, тупроқшунослик, гидрология каби) ҳам ўз ўрнини топиши мумкин бўларди. Ҳақиқатан ҳам, С.В.Калесник айтганидек, географиянинг таркибидағи ҳар бир фаннинг назарий қисми, регионал қисми ва амалий қисми бўлиши мумкин. Аммо бу фикр билан уччала қисмни учта фан ўрганини деган холосага келмаслик керак. Чунки фаннинг бўлинини объект ва предметнинг хусусиятларидан келиб чиқиши керак. Ҳар бир алоҳида фаннинг алоҳида ўрганини предмети бўлиши лозим.

Фикримизча, ландшафтшуносликнинг ўрни табий географиянинг қаторида эмас, балки унинг қисмлари ҳисобланган умумий ер билими билан регионал табий географиянинг қаторида бўлиши керак. Бу ҳолда биз С.В.Калесник (1970), А.Г.Исаченко (1965) кабилар билдириган фикр, яъни регионал табий география билан ландшафтшунослик иккаласи бир нарсасири, бу икки тушунча синоним тушунчалардир деган фикрдан йироқ бўламиз. Шу билан бирга В.И.Прокасенников (1982) регионал табий географияни регионал ландшафтшунослик билан алмаштириш лозим деган фикрига ҳам кўшилаомаймиз. Бундай англапшиловчиликларнинг барчаси ландшафт тушунчасини ким қандай тушуниши билан боғлиқдир.

Юқорида билдирилган фикр ва мулоҳазаларни инобатта олиб табий географиянинг ўрганини объекти ва предметидан келиб чиқсан ҳолда, табий география фанининг кўйидагича бўлининини мақсадга мувоффик деб тоғдилик (4- жадвал).

#### 4- жадвал

Табий географиянинг объекти ва унинг табакаланиши	Табий географиянинг предмети ва унинг кўламлари	Табий географиянинг асосий тармоқлари
Географик қобиқ	Планетар қўламдаги, энг катта ва энг мураккаб табий географик комплекс	Умумий табий география ёки умумий ер билими
Материк Ўлка Зона Провинция Кичик провинция Округ Район	Регионал қўламдаги, катта ва мураккаб табий географик комплекслар	Катта ҳудудлар табий географияси ёки регионал табий география
Ландшафт Жой Урочише Фация	Топологик (маҳаллий) кўламидаги кичик ва оддий табий географик комплекслар	Кичик ҳудудлар табий географияси ёки ландшафтшунослик

Табиий географиянинг бундай кисмларга бўлиниши асосида, даставвал, унинг ўрганиш объектининг бир бутуналиги, дунё миқёсидаги табиий географик комплекс эканлиги ва бошқа муҳим хусусиятлари ётади.

Географик қобижни бир бутун табиий географик ҳосила ва энг катта табиий географик комплекс сифатида, унинг структурасини, динамикасини, ривожланишини, унга таалуқли бўлган умумий табиий географик қонуниятларни умумий табиий география ёки умумий ер билими ўрганади. К.К.Марков (1960), С.В.Калесник (1970) лар ҳам умумий ер билими билан умумий табиий географияни битта фан деб ҳисоблайдилар.

Географик қобиж энг катта ва энг мураккаб табиий географик комплекс бўлиши билан бир вактда жуда кўп ва турии таксономик қийматга эга бўлган табиий географик комплексларга табақалангандир. Жадвалда ана шундай табиий географик комплексларнинг таксономик иерархияси сакланган ҳолда, материк - ўлка - зона - провинция - кичик провинция - округ - район кўринишидаги етти поғоналик тизими келтирилган. Буларнинг ҳаммаси регионал кўламга эга бўлган табиий географик комплекслардир. Уларнинг ҳар бири, хоҳ материк ёки ўлка бўладими, хоҳ табиий географик округ ёки район бўладими, барибир битта фаннинг, яъни регионал табиий географиянинг ўрганиш обьекти бўлиб хизмат киласди. Бундай обьектларнинг компонентларини эса бир катор ҳусусий фанларнинг регионал кисмлари ўзларининг предмети сифатида ўрганади.

Регионал табиий географик тадқиқотлар, албатта биронта табиий географик комплекс чегарасида олиб борилиши шарт эмас. Бундай тадқиқотлар, мақсад ва вазифаларига боғлик ҳолда, биронта давлат чегарасида ҳам, биронта тоз тизмаси ёки дарё ҳавзаси чегарасида ҳам олиб борилиши мумкин. Қандай чегара доирасида олиб борилишидан катъий назар унинг ўрганиш предмети регионал кўламдаги табиий географик комплекслар бўлиб колаверади.

Юқорида келтирилган жадвалда табиий география фанининг яна бир тармоғи сифатида, кичик ҳудудлар табиий географияси ёки ландшафтшунослик кўрсатилган. Унинг ўрганиш предмети бўлиб топологик (маҳаллий) кўламдаги, кичик ва нисбатан оддий тузилган табиий географик комплекслар хизмат киласди. Табиий географиянинг бу кисми, обьект сифатида ландшафт ва унинг морфологик кисмлари бўлган жой, урочище ва фация каби топологик бирликларни ўрганади.

Ушбу фикрларимизни мустаҳкамлаш мақсадида яна бир бор Ф.Н.Милков (1970) ажратган Ернинг ландшафт сфераси ҳақида биринки оғиз тўхталиб ўтишга тўғри келади. Бу олим Ернинг ландшафт сфераси таркибига ўсимлик қоплами ва тупроқлар (улардаги ҳайвонот дунёси билан биргаликда)дан ташқари ҳавонинг ер сатҳига яқин кисмини ҳамда ҳозирги ер пўстини киритади. Унингча, ер сатҳига яқин бўлган, 30-50 метр калинликдаги ҳаво катлами бевосита ер юзаси

таъсирида бўлади. Ҳозирги ер пўсти эса атмосфера, сувлар, ўсимлик ва ҳайвонотнинг төғ жинсларига тўғридан тўғри таъсир этишининг маҳсулидир. Унинг қалинлиги бир неча метрдан бир неча ўн метргача боради. Ландшафт сферасининг умумий қалинлиги эса 30-50 метрдан 150-200 метргача боради ҳолос.

Ф.Н.Милков (1986) ўзининг кейинги асарларидан бирида ландшафт сферасининг қалинлиги Ер куррасида қутублардан экваторга томон ортиб боради ва арктика чўлларида ҳамда тундрада 5-10 метрдан нам тропик ўрмон ландшафтларидан 100-150 метргача етади деб кўрсатган. Аммо, ландшафтларнинг бундай қалинлиги, юкорида кўриб ўтганимиздек, В.Б.Сочава келтирган ўлчамлар бўйича топологик кўламдаги табиий географик комплексларга хосdir. Шунинг учун ландшафтшунослик кичик табиий географик комплексларни, яъни ландшафт ва унинг морфологик қисмларинигина ўрганар экан деган хуносага келиш мумкин. Бу борада таникли табиий географ А.А.Макунинанинг (1975) регионал табиий география, алоҳида фан сифатида регионал кўламдаги табиий географик комплексларни ўрганади, ландшафтшунослик эса ландшафт сфераси ҳакидаги фандир деб ёзиши ҳам бекиз эмас. Ландшафт сферасини ўрганадиган фан унинг бўлаклари бўлмиш ландшафтларни ҳам ўрганади.

Катта ҳудудлар табиий географияси ўрганадиган регионал кўламдаги табиий географик комплекслар асосан табиий географик районлаштириш бирликларидир. Уларни аниқлашда таксономик бирликларнинг ўзаро фарқларига кўпроқ эътибор берилади. Кичик ҳудудлар табиий географияси ўрганадиган маҳаллий кўламдаги табиий географик комплекслар эса таснифлаш бирликларидир. Уларни таснифлаш жараёнда фарқларидан кўра ўхшашлик белгиларига кўпроқ эътибор берилади.

Шундай қилиб, кичик ҳудудлар табиий географияси, яъни ландшафтшунослик Ер юзасида объектив мавжуд бўлган табиий географик комплексларнинг ҳаммасини эмас, балки факат маҳаллий кўламдагиларини ўрганади деб айтишимиз мумкин. Аммо умумий табиий география, регионал табиий география ва ландшафтшунослик орасидан кескин чегара ўтказиш ҳам кийиндир. Чунки улар бир-бирининг тўшлаган маълумотларидан фойдаланиши ва бир-бирини тўлдириб туриши аник. Масалан, ландшафтшунослик ландшафт ва унинг морфологик қисмларини ўрганиш орқали регионал табиий географиянинг объектлари бўлган район, округ, провинция, ҳатто ўлка каби табиий географик комплексларнинг ҳам ландшафт тузилишини ёритиб бериши мумкин. Бундан ташқари, табиий географик районлаштиришнинг энг самарали методларидан бири ландшафт ҳариталарининг таҳлили асосида табиий географик районларнинг чегарасини аниқлаш методи эканлигини ҳам кўпчилик эътироф этади. Колаверса, катта-катта ҳудудларнинг табиий географик шароитини ўрганишда, ҳатто географик қобиқнинг структурасини таҳлил қилишда ҳам, кичик ҳудудлар табиий географияси тўплаган маълумотлар катта аҳамият караб этиши мумкин.

Кичик худудлар, жумладан ландшафтлар ҳам инсон яшайдиган мухит ҳисобланади. Улар инсон ҳаёти учун зарур бўлган ҳаво, сув, тупрок, ўсимлик каби кўплиб ўзини ўзи қайта тиклаб турадиган табиий бойликлар манбаи ҳамдир. Бундай бойликлар қайта тикланиб, ўзини-ўзи тўлдириб туриши учун ландшафтлардаги модда ва энергия алмашиниши табиатан қандай яратилган бўлса ўшандай сакланиши лозим бўлади. Аммо инсон ўзи яшashi учун иложи борича қулайроқ шароит яратишга харакат қиласи.

Кишилик жамияти ривожланиб боргани сайин унинг табиатта, атроф-мухитга таъсири, табиий бойликлардан фойдаланиш меъёри, табиатни ўзгартириш имконияти ортиб боради. Бунинг оқибатида табиатнинг инсон ҳаётига ва унинг ҳўжаликдаги фаолиятига қиласидаги тескари таъсири ҳам намоён бўла бошлайди. Жамият билан табиат ўргасида ўзаро алоқадорликда юзага келадиган номутаносиблик айрим ҳолларда салбий оқибатларга, ҳатто экологик таназзулга олиб келади. Бундай ҳоллар даставвал кичик худудларда, кейинчалик катта худудларда на-моён бўлиб, охир-оқибат дунёвий тус олиши ҳам мумкин. Натижада мавжуд табиий ресурслардан тўғри ва оқилона фойдаланиш, уларни ифлосланиш ва заҳарланишдан олдини олиш, инсон яшаб турган муҳитни ҳар томонлама яхшилаш ва самарадорлаштириш масаласи юзага келади. Бу масала ҳар томонлама ўрганилиши долзарб бўлган, мураккаб ва жуда серкирра бўлган масаладир. Уни ижобий ҳал қилиш, ҳар жиҳатдан ҳам мустаҳкам илмий асосланган бўлиши керак. Ана шу илмий асосни ишлаб чиқишида турли-туман фанлар қаторида кичик худудлар табиий географияси, яъни ландшафтшуносликнинг ҳам аҳамияти каттадир.

Инсоннинг ҳўжаликдаги фаолияти, у ерни ҳайдаб экин экадими, дараҳтзорлар барпо этадими, йўллар, каналлар, сув омборлари, саноат обьектлари ёки шаҳарлар қурадими, айнан ана шу кичик худудларда олиб борилади. Шунинг учун ҳам Н.А.Солнцев (1963) кичик худудларни табиий географик жиҳатдан ўрганишининг ҳалқ ҳўжалик нуқтан назаридан аҳамияти ниҳоятда катта эканлигини алоҳида таъкидлаб ўтган эди.

Кичик худудларни, яъни ландшафт ва унинг морфологик қисмларини тадқиқ қилиш албатта далада изланишлар олиб боришини талаб қиласи. Бундай изланишлар натижасида тўпланган маълумотлар ва айниқса, тузилган ландшафт ҳариталари кейинчалик турли-туман маҳсус амалий ҳариталарни яратишида, табиат муҳофазаси ва табиий бойликлардан оқилона фойдаланишининг чора-тадбирларини ишлаб чиқишида аниқ ва ишончили илмий асос бўлиб хизмат қиласи.

Дала шароитида тўпланган ва кичик худудларга тааллуқли маълумотлар ҳамда уларнинг таҳлилидан ҳосил бўладиган илмий ва амалий ҳуросалар табиий географиянинг бошқа қисмлари учун ҳам, айрим ҳусусий географик фанлар учун ҳам аҳамиятли бўлиши мумкин.

## ЛАНДШАФТШУНОСЛИКНИНГ РИВОЖЛАНИШ ТАРИХИ

Ландшафтшуносликка оид энг дастлабки фикрларнинг манбаи Петербург университетининг профессори В.В.Докучаев (1846 - 1903) ва унинг илмий мактабига мансуб бўлган табиатшунос олимларнинг изланишилага бориб тақалади. Тупроқшунос ва географ олим, географик зоналлик қонуниятини биринчи бор илмий асослаб берган В.В.Докучаев ўзининг 1883 йилда напрдан чиккан "Русский чернозем" номли асарида янги табиий жисм, яъни тупроқни кашф қилди. Унинг бу кашфиёти янги фаннинг, тупроқшунослик фанининг тутилишига сабаб бўлди. В.В.Докучаевнинг таъкидлашича, табиатда бир жисм, куч ёки ҳодиса иккинчиси билан доимо ўзаро мураккаб алокада бўлади ва бу алокадорлик вақт ўтиши билан ўзгариб туриши мумкин. У табиатни бир бутун деб, қайсики унинг айрим кисмлари доимий ўзаро таъсирда ва ривожланишда деб қарайди. Унинг фикрича табиий компонентлар ва ҳодисалар алоҳида-алоҳида ҳолда эмас, балки бир бутун мажмуя сифатида ўрганилиши керак. Табиат зоналари иклим, тупрок, ўсимлик, ҳайвонот дунёси ва бошқа табиий омиллар ўзаро таъсир ва алокада бўлган мураккаб табиий комплекслардир. Бу ҳозирги замон табиий географиясининг фундаментал тушунчаларидан бирин бўлган табиий географик комплекслар ҳақидаги гоянинг юзага келиши эди.

В.В.Докучаев табиатнинг барча жонли ва жонсиз компонентлари орасидаги ўзаро иисбатлар ва алокадорликларни ҳамда уларнинг биргаликда ривожланиш қонуниятларини табиатшунослик фанлари ичida ўзига хос, янги бир фан ўрганиши керак деган хулосага келади. Бу фаннинг ўрганиш предмети, В.В.Докучаевнинг (1899) ёзишича: "кучлар, жисмлар ва ҳодасалар орасидаги, жонли ва жонсиз табиат орасидаги, бир томондан ўсимлик, ҳайвонот ва минераллар олами, иккинчи томондан инсон, унинг турмуши ва ҳатто, руҳий олами орасидаги абадий ва ҳамиша қонуний алокалардир". Ана шу қонуний алокадорликлар ва ўзаро таъсирларни ўрганишини у "табиатни билишининг моҳияти, ҳақиқий натурфилософиянинг ядроси, - табиатшуносликнинг энг аъло ва олий жозибасидир" деб ҳисоблаган эди. У ландшафт, ландшафтшунослик ёки география сўзларини ишлатмаган бўлса ҳам ўз фикрлари билан табиий географик комплекслар ҳақидаги "янги географиясининг" дунёга келишига сабабчи бўлди. Шу маънода мулоҳаза юриттан Л.С.Берг В.В.Докучаевни ландшафт ҳақидаги таълимотнинг яратувчиси ва ҳозирги замон географиясининг асосчиси деб атаган бўлса, ландшафтшунос Н.А.Солицев (1948) В.В.Докучаев ландшафтшуносликнинг туб асосларини, яъни пойdevорини яратди деб таъкидлайди. Унинг дашт ландшафтларини ўзгартириш бўйича тузган дастурини инобатта олган А.Г.Исаченко (1991) эса В.В.Докучаев амалий география, аникроғи амалий ландшафтшуносликнинг ҳам асосчисидир деган хулосага келади.

В.В.Докучаев ўзидан кейин бир талай ҳамфир шогирлар қолдириган олимлардандир. Унинг ғояларини кейинчалик А.Н.Краснов (1862 - 1914), Г.Ф.Морозов (1867. - 1928), Г.И.Танфилев (1857 - 1928), Г.Н.Висоцкий (1865 - 1946), В.И.Вернадский (1863 - 1945), К.Д.Глинка (1867 - 1927) каби шогирлари фанинг турли йўналишларида таргиг килиб, ривожлантириб бордилаар. Л.И.Прасолов, С.С.Неуструев, Н.А.Димо, Л.С.Берг, И.М.Крашенинников, Б.Б.Полинов ва бошқалар, гарчи В.В.Докучаевнинг бевосита шогирлари бўлиб хисобланмасалар ҳам, унинг ғоялари таъсирида бўлиб, ўз соҳаларидаги стук олимлар сифатида танилдилаар.

В.В.Докучаев вафотидан кейинги дастлабки ўн йил ичидаги бир катор илмий мақолалар пайдо бўлиб, уларда табиий географик комплекс ёки ландшафт ҳақидаги илмий тасаввурлар шаклланади. Масалан, В.Г.Висоцкий (1904), А.А.Борзов (1912), Г.Ф.Морозов (1913), И.М.Крашенинников (1913), Л.С.Берг (1913), Р.И.Аболин (1914) кабиларнинг ишлари шулар жумласидандир.

Ўз моҳияти бўйича ландшафт тушунчасига яқин бўлган табиий географик комплекс тушунчасини ифодалашга уриниб кўрганлардан бири В.Г.Висоцкий (1904) эди. Бундай комплексларни у табиий округ ёки жой деб атар экан, табиий округлар биргаликда табиий областларни, улар эса ўз навбатида ўлкаларни ташкил қилишини кўрсатиб ўтади. Бу билан у, бир вақтлар Г.И.Танфилев (1897) тавсия этган табиий географик районлаштиришининг таксономик бирликлар тизимига ўхшаш тизимни ишлаб чиқди. Хўжалик мақсадларида табиий географик комплекслар (ландшафтлар) хариталарини яратиш фикри ҳам В.Г.Висоцкийга тегишилди.

География фанининг вазифалари ҳақида фикр юритган А.А.Борзовнинг (1912) ёзишига қараганда, география Ер юзаси ҳақидаги фандир ва у ҳодисаларни алоҳида ўрганмасдан, балки уларни биргаликда, Ернинг турли жойларида қандай кўринишда учраса, ўшандай кўринишда ўрганиши керак. Бошқачароқ қилиб айтганда, география тоғ жинсларини, икlim, тупрок, ўсимлик ва ҳайвонотни алоҳида-алоҳида ўрганмайди, ҳатто уларни ҳар бирининг географик тарқалишини ўрганиш ҳам географиянинг эмас, балки бошқа, фанларнинг вазифасидир. География эса Ер юзасининг айрим қисмларида бу ҳодисалар қандай шаклни - ландшафтни ҳосил қилишини, тупрклар, сувлар, икlim, ўсимлик, ҳайвонот ва инсон турли ландшафтларда қандай алоқада бўлишини ўрганади. Бир ландшафтнинг иккинчисига таъсири қандай бўлишини аниклади ва умуман Ер юзаси қандай ландшафтлардан тузилганлигини тушунишга, уларни ҳар бирининг мавжудлигини, тарқалишини ва ўзаро таъсир қонуниятларини тушунтириб беришга ҳаракат қиласди.

В.В.Докучаевнинг шогирларидан бири, ўрмоншунос олим, илмий ўрмоншуносликнинг асосчиси Г.Ф.Морозов (1913) ҳам ландшафт ҳақида ўз фикрларини баён қиласди, ҳар қандай ҳудуд ўзининг табиий шароитига қараб ландшафтларга, яъни табиий бирликларга бўлинади деб

ёзди. Унингча, ана шу табий бирликлар бир томондан икlim, иккинчи томондан рельеф, геологик шароит ва учинчи томондан ўсимлик ва ҳайвонот дунёси кесишадиган фокусни ёки "тутунни" ташкил қилади. Г.Ф.Морозовнинг тасаввурда ландшафт умумий тушунчадир.

Геоботаник олим Р.И.Аболин (1914) ҳам ландшафт деганда, Г.Ф.Мороз сингари ҳар ҳил катта-кичикликдаги табий географик комплексларни тушунган. Унинг фикрича, Ернинг комплекс ландшафт кобиги (эпигенема) табий зоналланишга мувофик ҳолда эпизоналарга, улар эса ўз навбатида жойнинг геологик, тектоник ва орографик тузилишига қараб эпигенемаларга, улар эса яна эпитетларга бўлинади. Эпитетлар эса бошқа бўлинмайдиган кичик табий географик бирликлар - эпиморфалардан ташкил топгандир. Бу табий географик районлаштиришнинг ўзига хос таксономик бирликлар тизими эди.

В.Г.Висоцкий, А.А.Борзов, Г.Ф.Морозов ва Р.И.Аболинларнинг табий географик комплекс, ландшафт ҳакида бундай мухим илмий ҳулосаларга келишига асосий сабаб В.В.Докучаев илгари сурган, яъни Ер юзаси ва ундаги тупроклар бир томондан сув, ҳаво, тупроқ ости тоғ жинслари, иккинчи томондан ўсимлик ва ҳайвонот организмларининг биргаликдаги ўзаро тасвирининг бевосита натижасидир деган тоғ эканлиги шубҳасидир.

Ландшафтшунослик фанининг тараккиёт тарихи билан озми-кўпми шугулланган олимларнинг аксарияти ландшафт тушунчасини биринчи бўлиб география фанига киритган ва уни ифодалаб беришга ҳаракат килган киши Л.С.Берг (1876 -1950) эканлигини эътироф этадилар. Дарҳакиат, унинг 1913 йилда ўйлон қилинган "Опыт разделения Сибири и Туркестана на ландшафтные и морфологические области" номли асарида илк маротаба Ер юзасида предмет, ходиса ва жараёнларнинг маълум алоқадорликлари туфайли ҳосил бўлган ҳудудий бирликларни ажратиш зарурлиги ҳакидаги фикр айтилган эди. Кейинроқ Л.С.Берг (1915) географиянинг предмети ва вазифалари ҳакида фикр юритар экан "Географик изланишларнинг мақсади ниҳоят, ҳам табий, ҳам маданий ландшафтларни ўрганиш ва таърифлаб беришдан иборатдир"- деб ёзган эди, шу билан бирга у, яна бир бор ландшафтни таърифлаб беришга ҳаракат килади ва "табий ландшафт рельеф, икlim, ўсимлик ва тупроқ қоплами тавсифлари гармоник (уйғуллашиб кетган) бир бутунни ташкил қилган, Ернинг маълум зонаси бўйлаб типик қайталаниб турадиган областдир"- деб ёзди. Бундан ташқари, у илмий географиянинг асосий вазифаси табий ландшафтни ташкил қилувчи омилларнинг ўзаро тасвири ва алоқадорлигини ўрганишдир деб таъкидлаб ўтади. Бу ландшафт ҳакидаги энг дастлабки илмий таъриф бўлиб, унда ландшафт табний зонанинг бир қисми эканлигига ва табний географиянинг ўрганиш предмети эканлигига ишора қилинади.

Л.С.Бергнинг ландшафтлар, ландшафт зоналари ҳакидаги ушбу ишларининг босилиб чиқиши бошқа рус табиатшунослари, айниқса геоботаник, тупрокшунос, ўрмоншунос олимлар томонидан ландшафт

ҳақидаги ғояга бўлган кизиқишининг ортишига сабаб бўлди. Уларнинг илмий изланишлари билан бевосита йирик масштабли, аниқ дала таддикот ишлари бошланди. Натижада дастлабки ландшафт хариталари тузила бошланди. Бундай изланишлар, албатта амалий мақсадларни кўзлаган ҳолда, айниқса янги ерларни ўзлаштириш мақсадларида амалга оширилди. Бир вактнинг ўзида ландшафт тушунчасининг таърифи ҳам сайдапланга бошлади.

20- йилларнинг ўрталарига келиб, бирин-кетин ландшафт изланишлари натижалари ва улар туфайли юзага келган фикрлар эълон килина бошланди. Ана шундай ишлардан бири Б.Б.Полиновга тегишилди. Унинг 1925 йилда "Природа" журналида босилиб чиқкан "Ландшафтлар ва тупроқ" номли мақолосида ландшафтшуносликнинг бир катор умумий масалалари кўрилган ва шу жумладан, ландшафт тушунчасини аниқлаштиришга ҳам ҳаракат қилинган. Б.Б.Полиновнинг ёзишича, ландшафт деб ер юзасининг шундай бир қисмига айтиладики, унинг ҳудудида иклим, тоф жинслари, рельеф, сув ҳавзалари, ўсимлик, тупроқ ва ҳайвонот дунёсининг маълум таркиби ва ҳусусиятлари, улар орасидаги ўзаро таъсир ва жараёнларнинг бир бутунлигига сабаб бўладиган дараҷада сакланади.

Б.Б.Полинов ландшафтларнинг динамик ҳолатига эътибор бериб, ландшафтларнинг таркибий қисмлари орасидаги ўзаро боғлиқликни мувозанат ҳолатда эмас, балки у доимо ҳаракатда бўлади ҳамда ландшафтнинг эволюциясини, яъни аста-секин муттасил ривожланиб боришни, ҳамда унинг оқибатида бир ландшафт ўрнида бошқаси ҳосил бўлишини уқтириб ўтади.

Табиий географик омилларнинг ландшафтлар эволюциясидаги роли ҳақидаги ғоянинг муаллифи ҳам Б.Б.Полиновдир. Унингча, ландшафтнинг умумий қиёфасини шаклланишида иклим ва жойнинг геологик тузилиши бирламчи омиллар бўлиб ҳисобланади. Колган омиллар эса генетик жиҳатдан ана шу иклим ва геологик шароитта боғлиқдир. Ҳайвонот дунёси эса ландшафтнинг энг тобе элементидир. Тупроқ ландшафтнинг бошка элементларидан катта фарқ қиласди. У ландшафт ҳосил бўлишининг дастлабки дақиқалариданоқ ландшафтнинг ҳосиласи ҳисобланади. Бундан ташқари, Б.Б.Полинов ҳар бир ландшафтда ҳозирги табиий шароитни акс эттирувчи (консерватив) элементлар, ўтган даврлардаги табиий шароитнинг ҳусусиятлари сакланган (реликт) элементлар ва янги, эндигина ништ ураётган, келажакда юзага келадиган табиий шароитдан дарак берувчи (прогрессив) элементлар мавжудлигини таъкидлаб ўтади.

1926 - 1927 йилларда И.В.Ларин (1889 - 1972) ҳам ўзининг ландшафтларни ўрганишга бағишлиланган бир катор илмий мақолаларини эълон қилди. Унинг Урал губернияси ҳамда Каспий бўйи пасттекисликларидаги Чизи Ҷайланлари ландшафтларига тегишили ишларида ўсимлик қоплами билан ландшафт ўргасида жуда катта боғлиқлик мавжудлиги ва

шу билан бирга ландшафтларни ўсимликларга қараб аниклаш методикаси ёритиб берилган. Ушбу илмий ишларда аниқ ландшафт хариталари ва уларга боғлиқ ҳолда ландшафтларнинг батафсил таҳлили ҳам келтирилганд. Бундан ташқари, табиий географик комплексларнинг энг кичиги, бошқа бўлинмайдигани микроландшафт эканлиги ҳақидаги тоя ҳам илгари суръилган.

И.В.Ларин каби, бир қатор ҳудудларнинг ландшафтларини тадқиқ қилиш билан шуғулланганлардан яна бири А.Д.Гожевдир (1929,1930, 1932). У ўз мақолаларида "ландшафт" атамаси ўрнига "ҳудуд типи" атамасини ишлатишни маъқул топган. А.Д.Гожевнинг таърифлашига қараганда ҳудуд типи Ер юзасидаги унча катта бўлмаган, маълум тупрок, ўсимлик ва рельеф шароитига эга, қиёфаси шу жойнинг геологик тузилишига боғлиқ бўлган бирликдир. Унинг бир бутунылиги ўзаро боғлиқ ва ўзаро таъсирдаги табиий омилларнинг мавжудлиги билан белгиланади. А.Д.Гожевнинг ҳудуд типларига мисол қилиб, саванна, чўл, ҷалачўл, дашт, ўрмон, тундра кабиларни көлтириши, унинг "ҳудуд типлари" Л.С.Бергнинг ландшафт зоналарининг ўзгинаси эканлигидан далолат беради.

Шундай қилиб, 30-йилларга келиб Б.Б.Полинов, И.В.Ларин, А.Д.Гожев ва бошқаларнинг айрим-айрим ҳудудларда олиб борган ландшафт изланишлари натижасида бир қатор аниқ ландшафт хариталари тузилди. Р.И.Аболин томонидан 1929 йилда тузилган Козогистоннинг жанубий қисмига тегишили ўрта масштабдаги тупроқ-геоботаник харита ҳам ўзининг мазмуни ва сифати жиҳатидан ҳозирги замон ландшафт хариталаридан қолишимайди. Бу даврга келиб ландшафт тушунчasi кўпгина табиатшунос олимлар томонидан эътироф этилабошланди.

А.Г.Исаченконинг (1991) ёзишига қараганда, 20- йиллар билан 30-йилларнинг чегарасида географлар томонидан фаннинг методологик ва назарий муаммоларига бўлган қизикиш анча ортган. Ландшафтшунослик соҳасидаги назарий изланишлар ва қизгин мунозарааларга Л.С.Бергнинг (1931) ландшафт-географик зоналар ҳақидаги китобининг босилиб чиқиши асосий сабаблардан бири бўлган. Бу йирик илмий асарнинг кириш қисмida ландшафт ҳақидаги таълимот асослари қисқача баён этилган. Унда Л.С.Берг ландшафт тушунчасининг изоҳини тўлдиришга ва аниқлаширишга ҳаракат килган. Шу билан бирга ландшафтларнинг вакт мобайнида ўзгариши ва бу ўзгаришларнинг шакллари ва сабаблари ҳақида бир қатор мухим фикрларни билдирган. Ушбу китобда ёзилишича, географик ландшафт шундай бир ҳодиса ва жараёнларнинг гурухлашганини, ландшафт иклим, сувлар, тупрок, ўсимлик қоплами ва ҳайвонот дунёси, ҳамда маълум даражада инсоннинг хўжаликдаги фаолияти ҳам уйгуналашиб кетган гармоник бир бутунни ташкил килади. Шу билан бирга, у Ернинг маълум табиат зонаси ичида типик қайталаниб туради. Ландшафт тушунчасига берилган ушбу таъриф Л.С.Бергнинг 1936, 1938, 1939 йилларда нашр қилинган ишларида ҳам қайталанади.

Аммо, у кейинчалик 1945 ва 1948 йилларда "ландшафт" атамаси ўрнига "географик аспект" атамасини ишлатишни лозим топади. Шу билан бирга, 30- йилларда бир катор файласуфлар томонидан қаттиқ танқидга сабаб бўлган "гармоник (уйгуналашиб кетган) бир бутунни ташкил қила-ди" деган жумлани ҳам чиқариб ташлайди. Ландшафтнинг янги таъри-фини берар экан, Л.С.Берг: "географик аспект деганди предмет ва ходи-саларнинг шундай мажмуи ёки гурухлашганини тушунамизи, у табиий чегаралар билан чегараланган бўлиб, унинг қисмлари бутунга, бутуни эса қисмларга таъсир этиб туради. Ушбу географик аспектга хос бўлган рельеф, иклим, сувлар, тупрок ва ўсимлик қоплами, ҳайвонот дунёси, ҳамда маълум микдоргача инсоннинг қишлоқ ҳўжаликдаги фаолияти (ва умуман инсоннинг органик дунёдан фойдаланиши) нинг хусусиятлари шу аспект мавжуд бўлган зонада типик қайталаниб туради" деб ёзган эди. Ландшафтларга мисол қилиб ўрмон зонасидаги арчазор, шу зонада-ги қарағайзор, шу зонадаги ботқоқлик, Валдай баландлиги, ўрмон-даштдаги жар ландшафти, Ўрга Сибир яssi тоғлиги кабиларни келтира-ди. Шунинг учун ҳам Л.С.Бергнинг ишларидан ландшафтнинг ҳажми, катта-кичиликни ҳакида, у регионал бирлики, типологик бирли-ми деган саволларга аниқ жавоб тошиш қийин. Унинг жар ландшафтла-ри ёки ботқоқлик ландшафтлари билан бир каторда Ўрга Сибир я-си тоғлиги, қозок бурмали тоғлари каби катта-катта, табиий географик жиҳатдан анчагина мураккаб тузилган ҳудудларни ҳам алоҳида ланд-шафтлар тартиқасида келтириши, ўзининг "ландшафт Ернинг маълум зо-наси бўйлаб типик қайталаниб туради" деган фикрига муглақо зиддир.

Л.С.Берг (1947) географик ландшафтлар биргаликда ландшафт зо-наларини ҳосил қилиши ва шу билан бирга I-даражалик ва II-да-ра-жалик ландшафтларга бўлининшини мисоллар билан келтиради. Унингча, мўътадил иқлимлик чўллар ландшафт зонасиdir, ундаги кумликлар эса I-даражали ландшафт, дўнгумлиар эса II-даражали ландшафт ёки фация хисобланади. Фациялар эса энг кичик табиий географик бирлик сифатида бошқа бўлинмайдиган табиий географик комплекс хисобланади.

Ландшафтларнинг динамик ҳолатда бўлиши Л.С.Бергнинг диккат эъти-боридан четда қолмаган. Унинг фикрича бирон бир ландшафт ҳакида тўлароқ тушунчага эга бўлиш учун у қачон ва қандай шароитда ҳосил бўлган ва кейинчалик қандай кўринишга эга бўлишидан хабардор бўлиш лозим. Ландшафт тараккиётидаги динамик жараёнларни фаслий, тарихий бўлиши ҳамда инсон фаолияти таъсирида ҳам ривожланишини унутмаслик керак.

Табиий географияда Докучаевча генетик бўлининши ва уни Л.С.Берг асарларида ривожлантiriлишини таҳлил килган А.Г.Иса-ченко (1955) Л.С.Бергнинг илмий фаолиятидаги учта асосий йўналишни акратади. Булар: 1) географик зоналар ҳакида таълимот, 2) географик ландшафт ҳакида таълимот ва 3) Ер юзаси табиати (географик мухит) нинг ривожланиши ҳакида таълимотидир.

Л.С.Бергнинг ландшафтлар ва зоналлик ҳақидаги таълимоти кейинчалик жуда кўп ландшафтшунос олимларнинг ишларида давом эттирилди ва ривожлантирилди. Йирик ландшафтшунос олим Н.А.Солнцевнинг таъбири билан айтганда, кимки ландшафт муаммолари билан шугулланар экан, албатта Л.С.Бергнинг илмий ишларига мурожаат қиласди. Чунки у ландшафт ҳақидаги таълимот асосларини яратди ва унинг гоялари асосида ландшафтшунослик ривожлана бошлади.

Ландшафтшуносликнинг тарафдист ҳақида сўз юритилар экан, Л.Г.Раменский (1884-1953) бишдирган фикрлар ҳақида ҳам тўхталиб ўтмасак бўлмайди. Чунки ландшафтнинг морфологик тузилиши ҳақидаги дастлабки фикрлар ва ландшафтшуносликдаги бутун бошлик бир йўналишга асос бўлган тушунча, яъни "ландшафтлар регионал бирликлардир" деган тушунчани илгари сурған киши ана шу Л.Г.Раменскийдир. У ўзининг 1935 йилда эълон килинган маколасида ландшафтшунослик учун дастлабки, энг кичик бирлик бўлиб табиий шароитни жиҳатидан бир хил бўлган энг оддий комплекс - эпифациялар ҳисобланади деб ёзган эди.

Эпифациялар, унинг фикрича, табиятда ўзидан каттарок бўлган микрокомплекслар, яъни табиий участкаларни ҳосил қиласди ва улар ўз навбатида, келиб чиқиши бир хил бўлган микрокомплекслар билан бирга мезокомплексларни, мезокомплекслар эса макрокомплексларни, яъни ландшафтларни ҳосил қиласди. Ландшафтлар бир-биридан микдор ва сифат ўзгаришлари билан фарқ қиласди. Шунинг учун ҳам ҳар бир ландшафт энг кичик табиий район ёки микрорайон бўлиб ҳизмат қилиши мумкин.

Кейинчалик Л.Г.Раменский (1938) мезокомплексларни урочишелар деб атайди ва эпифацияларнинг маълум бир гурӯхи, яъни ўзаро боғлиқ ва алоқадор бўлганлари биргаликда урочишеларни ташкил қилишини таъкидлаб ўтади. Унинг фикрига қараганда ландшафтларни ташкил қилувчи урочишелар намтиқ, иссиқлик ва тури мөддалар алмашинуви орқали ўзаро боғлиқ ва алоқадордир ҳамда бир бутун мөддий тизимдир. Унинг бу мулоҳазалари ландшафтнинг морфологик структурасини очиб беришга қаратилган дастлабки қадам эди.

Шундай қилиб, Л.Г.Раменский ландшафтни регионал бирлик деб таргib қилган ва ландшафтнинг морфологик тузилиши ҳақидаги таълимотни ривожлантирган олимлардан биринчиси эди десак бўлади.

Ландшафт регионал бирликлар деган тушунчанинг тарафдорларидан яна бири, табиий географиянинг назарияси, Ернинг умумий географик қонуниятлари ва географик ландшафт ҳақидаги таълимот бўйича бир қатор илмий асарлар яратган олим С.В.Калесник (1901-1977) ҳисобланади. Унинг фикрича, ҳар бир ландшафт табиий географиянинг асосий бирлигинидир, яъни табиий географик район билан ландшафт иккаласи бир нарсадир. Ландшафтдан кичик бўлган табиий географик комплексларни ўрганиш бошқа фаннинг вазифасидир. С.В.Калесникнинг (1970) фикрича Ю.Бялловичнинг "хора", Л.С.Бергнинг "географик аспект", А.Понон-

маревнинг "элементар ландшафт", С.С.Неуструевнинг "табиий район", В.Б.Сочаванинг "округ", А.Д.Гожевнинг "худуд типи", С.Д.Муравейский-нинг "географик комплекс", В.И.Лидовнинг "табиий комплекс" лари ландшафт атамасининг синонимлариdir. Ландшафт ва уларнинг турли таксономик кийматга эга бўлган гурухлари регионал табиий географиянинг асл объектидир деб хисоблаган С.В.Калесник (1952) табиий география ландшафтларни, уларнинг таркиби, ташки кўрениши, структураси ва ривожланиш конуниятлари жихатидан ўрганади деб ёзди. Унингча, ландшафт Ер юзасининг шундай бир қисми, у бошқа қисмларидан сифат жихатидан фарқ қиласди, табиий чегаралар билан чегаралган бўлади. Ландшафт предмет ва ҳодисаларнинг ўзаро боғланган бир бутун йигиндиси бўлиб, анчагина катта ҳудудда тилик намоён бўлиб туради ва ҳар томонлама Ернинг ландшафт қобиги билан узлуксиз боғлиқдир.

Агар В.В.Докучаев изланишларидан бошлаб то 40- йилларнинг бошларига қадар бўлган даврдаги ландшафтшуносликнинг ривожланиш тарихига қисқача якун ясайдиган бўлсак, куйидагиларни таъкидлашимиз мумкин бўлади:

1) Янги табиий географиянинг, шу жумладан ландшафтшуносликнинг юзага келишига аввало В.В.Докучаевнинг (1893-1899) жонли ва жонсиз табиат орасидаги алоқалар ҳақидаги гояси сабаб бўлди. 20- асрнинг бошларига келиб табиий географик комплекслар ҳақидаги янги бир фаннинг юзага келиши муқаррар бўлиб қолган эди.

2) А.А.Борзов, Г.Ф.Морозов, Л.С.Берг, Р.Н.Аболин, Б.Б.Полинов, Л.Г.Раменский ва бошқаларнинг илмий изланишлари натижасида ландшафт ҳақидаги таълимот шаклана бошлади. Йирик ва ўрта масштаблик ландшафт ҳариталарини яратиш жараёнида каттами-кичикми табиий географик комплекслар мавжуд эканлиги ва уларни ҳосил килувчи компонентлари ҳақиқатдан ҳам бир-бири билан чамбарчас боғлиқ ва ўзаро алоқалор эканлиги маълум бўлди.

3) Нихоят, ландшафтлар ўзидан кичик бўлган табиий географик комплекслар - урочище ва фациялар (микроландшафт ёки элементар ландшафт) дан тузилганлиги, уларнинг ўзаро алоқадорлиги, яъни ландшафтларнинг морфологик тузилиши ҳақидаги тушунча шаклана бошлади.

40-йилларнинг иккинчи ярмида ландшафтларни ўрганишга бўлган кизикиш яна-да кучайди. Бу вақтта келиб табиий географик комплекслар, жумладан ландшафтлар ҳам табиий компонентларнинг ўзаро боғлиқ ва алоқалор бўлган тизими эканлигини ва улар турли таксономик кийматга эга эканлиги ҳақидаги тушунчалар мавжуд бўлиб, географик адабиётда ландшафтшуносликка оид муаммоли илмий - назарий масалалар тез-тез мудокама килина бошланди. Турли ҳудудларда турли масштабдаги ландшафт изланишлари ўтказила бошланди ва тўпланган аниқ маълумотлар асосида ландшафтларни тадқиқ қилиш услублари ишлаб чиқила бош-

ланди. Аммо, хали кўптина камчиликлар ҳам мавжуд бўлиб, улардан энг асосийси ландшафт ҳақидаги таълимотнинг умумий назарияси ишлаб чиқилмаган эди. Ландшафт изланишларининг амалиёт билан боғланиши ҳам хали суст бораётган эди. Ландшафтшуносликнинг назарий асосларини яратиш ва уни ҳалқ ҳўжалигида фойдаланишда ландшафтларни ҳаритага тушириш ишларининг аҳамияти ҳаммага аён бўлиб қолган эди.

Ландшафт тушунчасининг олий ўқув юртлари дарслекларига кириб келиши ва ландшафтшунослик бўйича маҳсус курслар ўқитишнинг бошланши ҳам асосан шу даврга тўғри келади. Жумладан, С.В.Калесникнинг (1947) "Умумий ер билими" дарслигида ландшафт ҳақида анчагина мулоҳазалар билдирилган эди. У ландшафт тушунчасини яна бир бор таърифлар экан, ландшафт географик қобиқнинг маълум бир индивидуал структурага эга бўлган қисми эканлиги, унинг бу структураси географик қобиқнинг структураси билан сабабий боғлиқ эканлигини таъкидлаб ўтади. Муаллифнинг фикрича, ландшафтларнинг тузилишини аниқлаш, таксономик бирликларни ажратиб аниқлаш ландшафтшунослик ва умумий ер билимининг энг муҳим муаммолариданdir.

1948-49 йилларда Н.А.Солнцевнинг бир катор илмий мулоҳазалари зылон қилиниши ландшафтшуносликнинг кейинги тараққиётига кўшилган катта хисса бўлди. Чунки бу вактга келиб табиий географик комплекс - ландшафтнинг табиий компонентлари ўзаро боғлиқ ва алоқадор бўлган бир бутунни ташкил қилиши, унинг турлича таксономик қийматтага эга эканлиги ҳақидаги фикрлар айтилган бўлса ҳам, қайси қийматдаги табиий географик комплексларни ландшафт деб атаси лозим, бу ландшафт бошқа ландшафтлар билан қандай нисбатда бўлади, ландшафтни белгилаб берувчи асосий хусусиятлари қайслар, улар қандай ҳосил бўлади ва қандай ривожланади деган саволларга хали жавоб берилмаган эди. Н.А.Солнцевнинг илмий мақолалари ана шу масалаларни ёритиб беришга қаратилган эди. У ўзининг "Табиий географик ландшафтлар морфологияси ҳақида" (1949) номли мақоласида ландшафт тушунчасига яна-да тўлароқ таъриф беришга ҳаракат килиб "табиий географик ландшафт деганда шундай генетик бир бутун ҳудуд тушунилалики, унда ҳудуднинг геологик тузилиши, рельеф шакллари, ер усти ва ости сувлари, микроклими, тупроқ ҳиллари, фито - ва зооценозларнинг ўзаро боғлиқ бўлган йигинидисининг конуний ва типик қайталаниши кузатиласди" деб ёзди. Шу билан бирга ландшафт, бошқа табиий ҳосилалар сингари, ўз ривожланишида диалектик конунияларга бўйсунади, яъни бир ҳосил бўлганича узлуксиз ривожланади ва ўзгариши. Бу ривожланиши ҳаракатлантирувчи асосий кучлар эса унинг ўзида ҳосил бўладиган ички қарама-каршиликларидир деб таъкидлаб ўтади.

Н.А.Солнцевнинг ушбу мақоласида бир катор йирик илмий-амалий масалалар, шу жумладан ландшафт ҳосил бўлишидаги зарур шароитлар, ландшафтнинг морфологик қисмларини фарқлашнинг муҳимлиги, фация ландшафтнинг энг оддий қисми эканлиги, урочише ландшафтнинг мурак-

каброқ кисми бўлиб, фациялар комплексларидан иборат эканлиги, ландшафтларни ўрганишининг вазифалари каби масалалар таҳлил қилинган эди. Бу олимнинг ландшафтшунослик назариясига қўшган яна бир хиссаси шундан иборат бўлдики, у янги илмий йўналишнинг асосий тушунчаларини ишлаб чиқди, далада олиб бориладиган ландшафт тадқиқот услубини ҳамда дала шароитида тўплланган маълумотлардан амалиётда фойдаланиш йўлларини кўрсатиб берди. Бу борада у ўзига хос илмий мактаб яратди.

Ландшафтлар динамикаси ҳакида ўз фикрларини билдирав экан, Н.А.Солнцев энг асосий масалалардан бири ландшафтнинг ҳар бир компонентини ўрни ва аҳамиятини ҳамда жонли ва жонсиз табиат ўзаро алокодорлигининг аҳамиятини аниклаб олишдан иборат деб хисоблади. Булардан ташқари у ландшафтшуносликка иккита тушунчани, яъни: "ландшафт тури" ва "ландшафтнинг табиий имконияти" тушунчаларини киритди. Ландшафт тури тушунчаси ландшафтнинг умумий зонал ҳусусиятларига эътиборни қараттиради ва географик жарабининг турига боғлиқ, бўлади. Ландшафтнинг табиий имконияти тушунчасида эса ҳар бир ландшафтда мужассам бўлган ички табиий имкониятлари мавжудлиги ва бу имкониятлар инсон аралашуви натижасидагина рўёбга чиқиши мумкинлиги эътиборга олинган.

Н.А.Солнцевнинг юкорида номи тилга олинган мақоласи босилиб чиқкан тўпламда В.Н.Сукачевнинг (1880-1967) ҳам "Географик ландшафт ва биогеоценоз тушунчаларининг нисбати ҳакида" номли мақоласи напр қилинган. Ушбу мақолада муаллиф ўзи тавсия этган биогеоценоз тушунчаси билан ландшафтшуносликда ишлатилиб келинаётган тушунчаларни мазмун жиҳатидан солиштириб кўрар экан, Н.А.Солнцев томонидан ажратилган энг кичик табиий географик комплекс, яъни ландшафтнинг энг кичик морфологик кисми бўлган фация бирлиги биогеоценозга эмас, балки биогеоценоз турига мос келишини таъкидлаб ўтади. Биогеоценозлар тури ўзининг барча муҳим ҳислатлари бўйича бир хил бўлган бир неча биогеоценозларни бирлаштиради. Унингча, "биогеоценоз ва "биогеоценозлар тури" тушунчалари ўсимлик жамоалари (фитоценоз) ва ўсимлик ассоциацияси тушунчаларига мос келади.

1953 йилда А.Г.Исаченконинг "Табиий географиянинг асосий масалалари" номли китобининг босилиб чиқиши ландшафтшунослик ва табиий географиянинг тараққиёти тарихида катта воқеа бўлди. Бу китобда табиий география ва ландшафтшуносликка оид бўлган мунозарали муаммолар маълум маънода танқидий баҳоланди. Ушбу асар ўз вактида долзарб бўлиб турган учта йирик масала, яъни: 1) Ландшафт ҳақидаги таълимот, унинг ривожланиши ва ҳолати; 2) Ландшафтнинг асосий қонуниятлари, ҳамда 3) Географияда микдор кўрсатчиларидан фойдаланиш масалалари кўтарилган ва уларни илмий таҳлил қилишга бағишлиланган эди.

Ландшафт ҳакидағы таълимоттинг ривожланиш тарихи ҳакида сүз юрттан муаллиф XVIII асрнинг биринчи ярмидан (В.Н.Татищевнинг ишларидан) тортиб, тө 1950 йилларгача (Н.А.Солнцевнинг мақолалари-гача) бўлган даврдаги асосий илмий ғояларнинг шаклланишини босқытмабосқич ва майдум тартиб билан таҳдид қилишга эриша олган.

Ландшафт ҳакидағы таълимоттинг таҳдидига якун ясар экан, А.Г.Исаченко: "географик ландшафт географиянинг асосий бирлиги, районлаштиришнинг бирлигидир, яъни элементар табиий географик комплекснинг ўзгинаси эканлигини ҳамма зътироф этмоқда деб ҳисоблаш керак. Ландшафт ва географик район можиятан синонимлардир. Ундан катта-роқ табиий географик районлар (область, провинция, ўлкалар, зоналар ва х.к.) ландшафт (табиий географик) районлаштиришнинг таксономик бирликлари деб қаралмоги лозим"- деб ёзди.

Ландшафтнинг қонуниятларига бағишланган қисмидаги муаллиф ландшафтнинг таркиби, тузилиши, унинг шақлланишидаги асосий омиллар, ландшафтнинг ривожланиши, ландшафтларнинг табақаланишидаги асосий географик қонуниятлар, табиий географик комплекслар ва уларни районлаштириш, ландшафтлар таснифи каби бир қатор долзарб мавзу-ларга тўхталиб ўтади.

Китобнинг охирги, учинчи қисмидаги эса табиий географик комплексларни тадқиқ қилишда сифат тавсифлари билан бир вактда микдор кўрсаттичларидан фойдаланиш ва бунинг аҳамияти каби масалалар кўтарилган. Бу борада А.Г.Исаченко: "ландшафт - сифат тушунчасидир. Шунинг учун ландшафтларни ўзаро таққослаш үларнинг сифат тавсифларига асослангандир. Аммо ландшафтнинг барча табиий компонентлари-даги ҳаракатдаги моддага ҳос бўлган майдум хусусиятлар (механик ҳаракат, модданинг массаси, модда ва энергиянинг алмашиниши ва х.к.) мавжуд бўлиб, ана шу умумий хусусиятлар даражасида алоҳида компо-нентларни ҳам, ландшафтларни ҳам ўзаро таққослиш мумкин бўлади", деган холосага келади.

А.Г.Исаченконинг фикрича, ландшафт географик қобикнинг генетик жihatдан ўзига ҳос бўлган шундай бир қисмидирки, у зонал ва азонал жihatдан бир турлиги билан тавсифланади ва ўзига ҳос тузилиши ҳамда ўзига ҳос морфологик таркибга эгадир. Унингча, ландшафт табиий гео-график районлаштиришнинг энг асосий бирлиги бўлиб, зонал хусусиятлари бўйича ҳам, азонал хусусиятлари бўйича ҳам бир бутундир ва бошқа бўлинмайди. Ландшафт, агар ўзидан кичик табиий географик комплексларга бўлинса, у ўзининг зонал ёки азонал хусусиятларини йўқотиб кўяди.

А.Г.Исаченконинг ушбу асари ҳакида батафсилроқ тўхталгани-мизнинг сабаби, у ландшафтшунослик ва табиий географиянинг муам-моларига бағишланган ва майдум бир тартиб билан тузилган илмий асарлардан биринчиси эди. 1950-1960 йиллардаги география мутахас-сислиги бўйича юкори курс талабалари, аспирантлар ва ёш олимлар

ушбу асардан кенг фойдаланишган. Бу асарда кўтарилиган айрим фикр ва мулоҳазалар шу кунларда ҳам ўз аҳамиятийни йўқотмаган.

Ландшафтшунослик ва табиий географик районлаштириш бўйича босилиб чиккан биринччи ўкув кўлланмасининг муаллифи ҳам А.Г.Исаченко дир. Унинг 1965 йили нашр килинган "Ландшафтшунослик асослари ва табиий географик районлаштириши" номли дарслик кўлланмаси кейинчалик қайта ишланган ва тўлдирилиган ҳолда 1991 йили "Ландшафтшунослик ва табиий географик районлаштириш" номи билан дарслик сифатида босмадан чиқарилди.

А.Г.Исаченко томонидан битилган бу дарслик шу тоифадаги ишларнинг ичидаги ўзининг кенг қамровлилиги ва анча пухта ишланганлиги билан ажralиб туради. Муаллиф ландшафтшуносликнинг предмети ҳакида фикр юритар экан "ландшафтшунослик-табиий географиянинг бир қисмидир, шунинг учун унинг табиий географиянинг предметидан фарқ қиласидаги алоҳида предмети бўлиши мумкин эмас"- деб ёзади. Унингча, геотизим тушунчаси барча табиий географик комплексларни - географик қобиқдан тортиб, то унинг элементар структуравий қисмларигача қамраб олади. Шундай қилиб "геотизим" тушунчаси, ҳам умумий табиий географиянинг, ҳам ландшафтшуносликнинг объектларини бирлаштиради, бу билан табиий географиянинг иккала тармоғининг бирлигини бўрттириб беради.

Ландшафтшунослик фанининг тараққиётiga салмоқли ҳисса кўшган таникли олимлардан яна бири Ф.Н.Милковдир. У кейинги, қарийб 40-45 йил мобайнида ландшафтшуносликда ўзига хос йўналишнинг, яъни "ландшафт - умумий тушунчадир" деган ғояга асосланган йўналишнинг шаклланишига катта ҳисса кўшган ва кенг тарғибот қилган табиий географлардандир.

Ф.Н.Милковнинг фикрича ландшафт тушунчаси икlim, тупрок, ўсимлик ёки рельеф каби умумий тушунчадир, ва бу худуднинг катта ёки кичиклигидан қатъий назар татбиқ қилиниши мумкин. Масалан, ўрмон ландшафтлари, тоғлар ландшафтлари, кум ландшафти, ботқоқликлар ландшафти каби. У ўзининг ландшафт ҳакидаги таълимот ва географик зоналлик масалаларига бағишланган монографиясида ландшафт тушунчасига шундай таъриф беради, яъни: "табиий географик ландшафт табиий элементларнинг мураккаб табиий географик жараён туфайли ўзаро боғлиқ ва алокадор бўлган мажмуидан иборатдир ва кўз ўнгимизда тарихан шаклланган, узлуксиз ривожланишида ва кишилик жамияти таъсирида бўлган у ёки бу киёфадаги худудий гурухлашмалар кўрининшида намоби бўлади. Унингча, ландшафтшунослик катта-кичиклиги жиҳатидан чекланмаган ва ер юзасида объектив мавжуд бўлган барча ландшафтларни, жумладан Ернинг ландшафт сферасини ҳам ўрганадиган фандир.

Иккинчи жаҳон урушидан кейинги йиллар тарихида ландшафтшуносликка бўлган қизиқиш, ландшафтларни ўрганишига бўлган эътиборнинг кучайиши 1960-70 йилларга тўғри келади. Бу вактда ландшафтшу-

носликка оид илмий ишлар, китоблар, тўпламлар кўплаб нашрдан чиқарила бошланди. Ландшафтшунослик масалалари география жамияти съездларида ва ландшафтшунослик муаммоларига бағишланган илмий анжуманларда кенг муҳокама килина бошланди, муҳокамаларга олиб чиқилган масалаларнинг аксарияти, ландшафтшуносликнинг назарий масалалари, ландшафт тадқикотлар методикаси ва амалий ландшафтшунослик мавзуларига бағишланган эди.

60- йилларнинг ўрталаридан бошлаб кишилик жамиятининг атроф-мухитга бўлган таъсири ортиб кетганлиги табиий бойликлардан фойдаланишдаги хўжасизлик катта майдонларда ўрмонларнинг киркилиб кетиши, унумли ерлардан, сувдан оқилона фойдаланмаслик, сув ҳавзалари, тупрок, ҳавонинг жадал суръатлар билан ифлосланиши орқали тезда сезила бошлади, баязан ўзининг салбий оқибатлари билан эътиборни жалб қила бошлади. Энди у ёки бу ҳайвон ёки ўсимлик турини саклаб колишигина эмас, балки инсоннинг ўзи яшаб турган муҳити хисобланган ландшафтларни бир бутун ҳолида муҳофаза килиш, тиклаш ва яхшилаш муаммоси долзарб бўлиб қолди. Ана шундай мураккаб ҳамда кўп меҳнат ва маблағ талаб киладиган муаммони ҳал этишнинг илмий асосларини яратишда ландшафтшуносликнинг аҳамияти катта эканлиги маълум бўлиб қолган эди. Натижада ландшафтшунослар олдида фақат ландшафтларни аниқлаш эмас, балки ҳаритага тушириш ва уларни таърифлаб бериш ҳамда уларни ҳалқ хўжалигининг турли тармоқларини ривожлантириш нуктаи назаридан баҳолаш, ландшафтларни кейинги ривожланиши инсоннинг ҳалқ хўжалигидаги фаолияти таъсирида қайси йўналишда боришини ва ўзгаришини олдиндан айтиб бериш (прогнозлаш) зарурияти туғилди. Бундай масалаларни ижобий ҳал этиш учун ландшафтшунослик ўзининг анъанавий услубларидан ташқари геокимёвий, геофизикавий ва экологик усусларидан фойдаланишга мажбур бўла бошлади. Ландшафтшуносларни ландшафтларда рўй берадиган модда, энергия алмашиниши, ландшафтларни имкониятларини ўрганиш кизиктира бошлади. Бундай масалаларни ўрганиш ландшафтларни бевосита жойида, табиий географик ёки ландшафт стационарлари ташкил қилиб ўрганишни тақозо этади. Чунки ландшафтлардаги биомасса ва унинг маҳсулдорлиги, модданинг биологик айланиши ва биогеоциклни, сувнинг ҳаракати ва айланишини, модда ва энергиянинг ландшафт компонентлари орасида, ландшафтнинг морфологик қисмлари орасида, ҳамда бир ландшафт билан кўшни ландшафтлар орасида кўчуб юриши ва тақсимланиши каби масалаларни ўрганиш шундай стационарлар ташкил қилиш заруриятини келтириб чиқаради.

Табиий географик ва ландшафт стационарларида тўплланган аниқ маълумотлар таҳлили натижасида анчагина назарий хулосалар юзага келади. Улардан энг асосийси ландшафт ёки бошқа табиий географик комплекслар, жумладан географик қобиқни ҳам геотизим деб қараш бўлди. Шу билан бирга ландшафтшуносликда функционал-динамик ландшафтшунослик шакллана бошлади.

Табиий географик ёки ландшафт стационарида олиб борилган кузашшлар натижаси ва тўпланган маълумотлар асосида у ёки бу ландшафтни факат маконда эмас, балки замонда ҳам ўзгариб туришини тадқик килиш, математика ва математик статистика тадқикот усусларидан фойдаланиш ва тадбиқ килиш имкониятлари туғилади.

Ландшафтшунослик ёки табиий географиянинг ривожланиш тарихи билан шугулланган тадқиқотчиларнинг кўпчилиги фаннинг тараққиёт тарихини маълум босқичларга ёки даврларга бўлиб ўрганишга ҳаракат килганлар. Жумладан, рус географиясида табиий худудий комплекслар ҳақидаги тушунчаларнинг ривожланиши мавзууда маҳсус изланишлар олиб борган Н.Г. Сухова (1981) тўртта даврни ажратади, яъни;

I. XIX асрнинг 80- йилларидан XX асрнинг 10- йилларигача бўлган давр. Бу табиий географик комплекс гоясининг туғилиш давридир.

II. 20-30 йиллар даври. Бу давр ландшафт табиий географик комплекс эканлиги ҳақидаги тушунчанинг оммалашув давридир.

III. 40- йиллардан 60- йилларнинг бошигача бўлган давр. Бу ландшафт ҳақидаги таълимотнинг назарий асослари ишлаб чиқилган давр хисобланади.

IV. 60- йиллар бошидан 80- йилларгача бўлган давр, яъни табиий географик комплекслар геотизимлар эканлиги ҳақидаги тушунчанинг ишлаб чиқилиши ва тарқалиш даври.

Ландшафтшуносликнинг тараққиёт тарихи билан шугулланган В.С.Преображенский (1988) ҳам асосан уч даврни тавсифлашга ҳаракат қилган: 1) ландшафт ҳақидаги асосий гоянинг (концепциянинг) туғилиш даври (XIX асрнинг 80- йилларидан XIX асрнинг 40- йилларигача); 2) ландшафт ҳақидаги таълимотнинг циклланиш даври (1945-65 йиллар); 3) ландшафтшуносликнинг авж олиш даври (1965 йилдан бошлаб). Ушбу даврлар яна бир қанча босқичларга бўлинган. Аммо, муаллифнинг ўзи бундай бўлишни анчагина шартли эканлигини тан олади. В.С.Преображенский бу давр ёки босқичларнинг чегарасини аниқлашда фанда рўй берган мухим ва йирик воқеаларни ҳам ҳисобга олганлигини таъкидлайди. Бундай мухим ёки йирик воқеалар деганда у кўпчиликда кизиқиш ўйгота олган анжуманлар ёки йирикрок илмий асар ва дарсларнинг нашрдан чиқканлигини тушунган. Агар масалага бу жиҳатдан ёндашадиган бўлсан, 1950- йилларнинг охирида Тошкет Давлат Университети табиий география кафедрасининг олимлари Л.Н.Бабушкин ва Н.А.Когай томонидан Ўзбекистон худудини қишлоқ хўжалиги мақсадларида табиий географик районлаштириш мавзууда илмий тадқикот ишларининг бошлаб юборилиши ҳам Ўзбекистонда ландшафтшуносликнинг тараққиёт тарихидаги мухим воқеалардан эди. Чунки шу мавзуда ўтказилган бир қатор илмий анжуманларда табиий географик районлаштиришнинг асосий методи типологик бирликларини таҳлил қилиш натижасида табиий географик районларни аниқлаш эканлиги такидлаб ўтилган эди. Натижада, тарихда биринчи маротаба Ўзбекистоннинг ландшафт харидан

таси яратилди ва 1964 йилда нашрдан чиқди. Худди шу йили ушбу муаллифларнинг "Ўзбекистонни табиий географик районлаштириш" деган монографияси ҳам босилиб чиқиб, унда ландшафтларнинг кискача тавсифлари ҳам берилган эди. Шу ерда яна бир нарсани такидлаб ўтмоқчимизки, Л.Н. Бабушкин билан Н.А. Когайнинг илмий ҳамкорлиги 15 йилдан ортиқ вақт давом этиб, ниҳоятда самарали бўлди. Улар ҳаммуаллифликда жуда кўп илмий мақолалар, монографиялар ва ўкув кўлланмалари яратдилар.

Ўзбекистонлик географлар орасида ландшафтшунослик масалаларига бўлган қизиқиши 1960-1970- йилларда янада авж олди. Бу вактда бир қатор ёш ҳамюртларимиз Москва, Санкт-Петербург, Киев, Воронеж, Львов, Козон каби шаҳарларга бориб аспирантурада таҳсил олдилар, диссертация ёзиб, ҳимоя қилиб қайтдилар. П.Гуломов, М.Умаров, Ю.Султонов, А.Сайдов, С.Нишинов, А.Абдулқосимов, Л.Алибеков, Т.Аллаберганов, Т.Жумабоев, А.Рафиқов, М.Кузибоев, Ш.Эргешовлар шулар жумласидандир. Уларнинг илмий йўналишлари, Ўзбекистон ландшафтшунослигига кўшган ҳиссалари ҳақида Ю.Султоновнинг (1974) китобидан умумий тасаввурга эга бўлиш мумкин. Ушбу тадқиқотчи-ларнинг кўпчилиги ҳудудий ландшафтшунослик йўналишида иш олиб борганликларини Ўзбекистондаги география ҳамда экология тарихи билан шугуулланган Р.У.Рахимбеков (1995) ҳам таъкидлаб ўтган. кўшимча тарзда шуни эслатиб ўтиш мумкинки, юкорида номлари санаб ўтилган табиий географларимиз Ландшафт тушунчасини изоҳлашда якдил эмаслар. Бунинг сабаби уларнинг турли илмий мактаблар намоёндалари раҳбарлигига таҳсил олганликларидандир.

## ЛАНДШАФТ ВА УНИНГ ИЧКИ ТУЗИЛИШИ

### Ландшафт ҳақидаги тушунчалар

Ландшафт сўзи аслида немисча бўлиб, (Land - ер ва schaft - ўзаро алокадорлик ва боғлиқликни акс эттирувчи суффикс), умумадабий тилда манзара, жойнинг кўриниши деган маънони англатади. Ландшафт атамаси географияга даставвал деярли бир вактда А.А.Борзов, Л.С.Берг, И.М.Крашенинников, Л.Ф.Морозовларнинг илмий ишлари орқали табиий географик комплекс сўзининг синоними сифатида кириб келди. Кейинчалик ландшафт тушунчасини чукурлаштириш ва унинг търифидни мукаммаллаштириш жараёнида табиий географлар уч гурухга бўлиниб кетишиди.

Биринчи гурух табиий географларнинг фикрича ландшафт ҳам худди рельеф, иклим, тупроқ, ўсимлик тушунчалари каби умумий тушунчадир. Бу ҳолда ландшафт атамаси хоҳлаган кўламдаги табиий географик комплексларга нисбатан, уларнинг катта кичиклигидан қатъий назар ишлатилиши мумкин. Бу тушунча тарафдорлари (Ф.Н.Милков, Д.Л.Арманд,

Ю.К.Ефремов, В.И.Прокаев кабилар) фикрича ландшафт бизнинг кўз ўнгимизда тарихий шаклланган ва узлуксиз ривожланишда бўлган у ёки бу географик комплекс киёфасида намоён бўлган ўзаро боғлик ва алоқадор бўлган нарса, ҳодисаларнинг йиғиндисиdir.

Ландшафтга берилган ушбу таърифдан кўриниб турибеки, ландшафт ҳам, табии географик комплекс ҳам иккаласи бир нарсадир. Табии худудий комплекс сўзи аник ифодага эгалигига қарамай, атама сифатида нокулай. Шунинг учун табии худудий комплекс сўзининг маъносини англатадиган, аммо қисқагина ва ишлатишида кулай бўлган ландшафт атамасидан фойдалантган маъкулдир. Бу ҳолда "ландшафт қобиги" атамаси "географик қобик" атамасининг синоними сифатида ишлатилмоқда.

Иккичи гурух географлар таъкидлашича, ландшафт маълум бир худудни эгаллаган, ўзига хос хусусиятга эга бўлган регионал бирлиқдир. Масалан, Н.А.Солнцев ландшафтни асосий географик бирлик деб қарайди ва геологик тузилиши, рельеф шакллари, ер ости ва усти сувлари, микроклимат, тупроқ ҳиллари, фито ва зооценозлари ўзаро боғлик бўлган биримларни қонуний ва типик қайталанинг турадиган генетик жиҳатдан бир бутун худудни ландшафт деб атайди.

Ландшафтнинг таърифини бошқачароқ ва қискароқ қилиб А.Г.Исаченко (1991) куйидагича таърифлайди: "Ландшафт - маҳаллий кўламда геотизимларнинг ўзига хос йиғиндисидан иборат бўлиб, ўзининг зонал ва азонал белгилари бўйича бир бутун ҳамда генетик жиҳатдан яхлит геотизимдир". А.Г.Исаченко фикрича ландшафт ўзидан кичик геотизимлар йиғиндисидан иборат бўлиши билан бир вақтда ўзидан катта ва мураккаброқ тузилган геотизмнинг бир қисми бўлиб хизмат қиласи. Шунинг учун ландшафтларнинг ҳосил бўлишини географик қобикнинг ривожланиши ва табакаланишининг натижаси деб қараш керак. Ундан ташқари ландшафт табии географик комплексларнинг таксономик тизимида шундай бир погонани эгалайдики, у ўзининг азонал ва зонал хусусиятлари бўйича бир бутундир. Демак, табии географик район районлаштиришишнинг энг кичик ва асосий бирлигидир. А.Г.Исаченко фикрича ландшафт ва табии географик район иккаласи бир нарсадир. Бу ҳолда ландшафт бир контурлидир. Ер юзасида бир ландшафт бир марта учрайди.

Учинчи гурух географлар ландшафт - типологик бирлиқдир деган тушунча тарафдорлариidir. Улар ландшафтларнинг нисбатан бир ҳиллиги тушунчасига асосланадилар. Бунда ландшафт маълум характердаги худуд ёки жой деб қаралади. Бундан ташқари ландшафт табии компонентлар (геологик тузилиши, рельеф, тупроқ, ўсимлик ва ҳ.к.) нинг диалектик бирлиги, мажмуаси деб, ҳамда нисбатан бир ҳил бўлган табии географик комплекс деб қаралади. Ландшафтлар уларнинг худудий тарқалишидан қатъий назар, хусусиятларига қараб аниқланади.

Ландшафтга нисбатан бундай кўз қарашнинг фаол тарбиботчи-си бўлган Н.А.Гвоздецкийнинг (1973) айтишича, ландшафт - табии

географик комплекснинг тури, кичик тури, хиллар. Масалан, геоморфологияда рельеф тури, тупроқшунослиқда тупрок тури, хили тушунчалари кайси маънода ишлатилса, табиий географияда ҳам шундай маънода ишлатилиши керак. Масалан, дашт тупролари дейилгандек, дашт ландшафтлари деб айтиш мумкин. Ландшафт типологик бирлик сифатида катта-катта майдонларни ҳам ёки кичик жойни ҳам эгаллаши мумкин. Бир хилдаги ёки бир турдаги ландшафт маълум ҳудудда кайтакайта учраши, яъни кўп контурули бўлиши мумкин. У ёки бу ландшафтнинг тарқалиш ареали худди у ёки бу тупрок ёки рельеф турининг тарқалиш ареали каби узук-юлук бўлиши мумкин. Ана шундай ландшафтларнинг маълум бир йигиниди табиий географик районларни ташкил килади. Н.А.Гвоздецкий фикрича табиий географик регионал бирликлар ва ландшафт типологик бирликлари икки хил тизимдаги бирликлардир. Улар географик қобиқининг табиий географик табақаланишини ўрганишшаги икки хил ёндашишнинг натижасидир.

Ландшафтлар регионал бирлик деб қаралганда улар орасидаги ҳар хилликка кўпроқ эътибор берилса, типологик бирлик деб қаралганда унинг нисбатан бир хиллигига эътибор берилади.

Ландшафт тушунчасига нисбатан юзага келган бу уч хил кўз қарашни ландшафтшунослиқда ҳосил бўлган уч йўналиш деса ҳам бўлади.

Ландшафтшунослиқка бағишланган кўпгина илмий асарлар, дарслар ва кўулланмаларда асосан юқорида баён этилган уч хил тушунча ҳакида сўз юритилади. Аммо уларнинг кайси бири ҳакиқатга яқин, кайси бири тўғри деган саволга жавоб беришда муаллифлар у ёки бу гурухга қўшилиб кетадилар. Биз ҳам ана шу саволга жавоб излаш жараёнида йирик ландшафтшунос олим, Москва давлат университетининг профессори В.А.Николаев илмий изланишларининг натижаларига кўпроқ эътибор беришга ҳаракат килдик. Бу олимнинг 1979 йили босилиб чиқкан "Регионал ландшафтшунослик муаммолари" деган китоби унинг қарийиб 20 йилдан ортиқроқ вақтни ўз ичига олган илмий изланишларининг самарасидир. Бу изланишлар асосида В.А.Николаевнинг Қозогистон даштларида олиб борган ландшафтларни аниклаш, харитага тушириш, таърифлаб бериш, ландшафтларнинг тузилиши, динамикаси, ривожланиши, ёши кабиларни аниклаш ҳамда ландшафтларни хўжалик нуқтаи назаридан баҳолаш, уларнинг ривожланишини олдиндан айтиб бериш каби масалаларни ҳал қилиш максадида тўплаган жуда катта ҳажмдаги илмий маълумотлар ётади.

В.А.Николаевнинг фикрича ландшафтни факат ўзига хос ҳусусиятга эга бўлган регионал бирлик деб қараш ҳам, ёки уни факат типологик бирлик деб қараш ҳам бараварига бир ёқламалиқка олиб келади. Ваҳоланки, Н.А.Гвоздецкийга ўҳшаб, ландшафтни типологик бирлик деб тушуниш ҳар бир конкрет ландшафтни таҳлил қилишдан келиб чиқиши керак. Ҳар бир ландшафт - табиий географик жиҳатдан ўзига хос, аммо бир вақтнинг ўзида у қандайдир бир типологик умумийликнинг бир

қисмидир. Ҳудди шунга ўхшаш фикрни биз Н.А.Солцевнинг шогирдлари Г.Н.Анненская ва бошқалар (1962) ишіда ҳам учратамиз. Уларнинг ёзищича ландшафт ҳам, унинг морфологик қисмлари ҳам бошқа ҳар қандай күламдаги табиий географиялык комплекслар каби ҳам регионал, ҳам типологиялык йўналишида ўрганилиши мумкин. Бу борада А.Г.Исаченко (1991) ўз фикрини қўйидагича билдиради. Ҳодисаларни турларга ажратиш, уларни ўрганишдаги типологиялык ёндашиб ҳар қандай илмий излашишнинг, жумладан ландшафт изланишларининг ҳам зарурий шартларидан биридир. Аммо тур тушунчасига ўтгунга қадар маътум майдорда муайян объексларни ўрганиш керак. Чунки ландшафт тури табиатда объектив мавжуд бўлган кўплаб муайян мавжуд ландшафтларни илмий умумлаштириш орқалигина аниқланади.

Ландшафтшунослик изланишларида алоҳида билан умумийликнинг бирлиги ва қарама-қаршиларини эътироф этишимиз керак. Алоҳида муайян ландшафт ҳакидаги маътумотларсиз умумлаштириш мумкин эмас. Шундай килиб, Ер юзасида объектив мавжуд бўлган ландшафтларни маътум белгиларига караб умумлаштириш, яъни ҳил, тур, синф кабиларга бирлаштириш мумкин экан.

Юкорида келтирилган фикрларга холоса қилиб айтганда ландшафт генетик жиҳатдан бир бутун бўлган геотизимдир. У бир ҳил геологик тузилиши, битта рельеф тури, бир ҳил иқлими ҳамда фақат шу ландшафтга хос бўлган, динамик жиҳатдан боғлиқ бўлган урочишлар йигинидисидан иборатdir. Ландшафт бир ҳил жиҳатдан қараганда зона, провинция, округ, район каби регионал геотизимларни ташкил қилувчи энг оддий геотизимдир. У географик қобижнинг энг оддий ва энг кичик тўқимаси (бирлиги) бўлса, иккинчи жиҳатдан ўзидан кичик бўлган урочиш, фация каби қисмлар ва оддий геотизимлар боғламидан хосил бўлган мураккаб кўп ярусли ва динамик геотизимдир. Ландшафт кўшини ландшафтлар билан модда ва энергия алмашиниши орқали доимо ўзаро таъсирида бўлиб турадиган очик геотизимдир.

### Ландшафтнинг компонентлари ва ландшафт хосил қилувчи омиллар

Ландшафтлар ҳам барча катта-кичик геотизимлар каби агрегат ҳолати нисбатан бир ҳил бўлган моддий қисмлар - компонентлардан ташкил топгандир. Компонент атамаси лотинча "componens" сўзидан олинган бўлиб, таркибий қисм деган маънени англатади.

Умуман олганда географик адабиётда компонент тушунчаси анчаги на эркин талқин килинганд. Баъзан табиий компонентларга кум, тупрок, муз, яшил барглар, сув юзаси кабилар киритилса, баъзан эса инсон томонидан бунёд этилган техник иншоотлар, шаҳарлар, экин майдонлари ҳам компонент хисобланади. Масалан Д.Л.Арманд (1975) агрегат таркиби бир ҳил бўлган қисмларни, ҳаёт бор йўқлигини хисобга олган ҳолда

табиат компонентлари деб хисоблайди. У табиат компонентларига турли газлар, суюклилар, төг жинслари, ўсимлик, қор ва муз, ҳатто техник иншоотларни ҳам киритади.

Ф.Н.Милков (1990) ландшафтнинг компонентларига төг жинслари, ер ости ва усти сувлари, ҳаво, тупрок, ўсимлик ва ҳайвонот дунёсини киритади.

И.М.Забелин фикрича эса (1978) төг жинслари, сув, ҳаво, тупрок, ўсимлик ва ҳайвонотдан ташкари бактериялар, замбурурглар ва ҳатто күёш радиацияси ҳам ландшафтнинг компоненти саналиши керак.

А.А.Григорев (1966), С.В.Калесник (1970), А.А.Крауэлс (1979) кабилар компонент деганда Ернинг моддий таркиби нисбатан бир хил бўлган алоҳида сфераларини тушунадилар.

К.И.Геренчук ва бошқалар (1984) асосий компонентлар (төг жинслари, ҳаво, сув, ўсимлик, ҳайвонларни) ва иккимачи ёки ҳосила компонентлар (тупрок, муз, музлоқ, төг жинслари)ни ажратадилар.

В.И.Прокасев (1967) табиий компонент деганда, алоҳида моддий тизимлар ва уларга ҳос бўлган шакллар ва ҳолатларни тушунади. Бу шакл ва ҳолатлар ушбу моддий тизимларнинг бошқа моддий тизимлар билан күёш радиацияси орқали ёки Ернинг ички энергияси, ёки уларнинг иккави таъсири шароитида ҳосил бўлади. Муаллиф компонентларга төг жинслари (уларнинг моддий таркиби ва ётқизилиш шароитлари) рельеф (ёки геологик төг жинслари ва рельеф), ҳудуднинг об-ҳаво ва иклимини белгилаб берувчи ҳаво массалари ва уларга ҳос бўлган гидротермик ҳолатлар (бошқача килиб айтганда иклим), сувлар, тупроклар, ўсимлик ва ҳайвонот дунёси кабиларни киритади. Унингча, ҳар бир компонент моддий таркиби билан унинг турлича намоён бўлишининг бир бутунлиги, яъни мазмун билан шаклнинг бир бутунлигидир.

А.В.Павлов (1984) ва Э.Несс (1974) ларнинг фикрига кўра литосфера, гидросфера, атмосфера, биосфералар географик қобикнинг компонентларидир. Төг жинслари, тупрок, сув, ҳаво, ўсимлик ва ҳайвонот дунёси эса ландшафтнинг компонентларидир.

Шунга ўхшаш таърифни биз "Охрана ландшафтов" (1982) номли изоҳли луғатда ҳам кўрамиз. Унда ландшафтнинг компонентига географик қобикнинг литосфера, гидросфера, атмосфера ва биосфераларининг (ландшафт чегарасидаги) қисмлари киради деб кўрсатилган. Ландшафтнинг компонентлари бир-бiri билан ўзаро алоқада бўлиб, бирининг ўзгариши қолганларининг ҳам ўзгаришига олиб келади. Луғат муаллифлари компонентларни иккига: табиий ва антропоген компонентларга бўлишган. Биринчисига төг жинслари, ҳаво, ер ости ва усти сувлари, тупрок, ўсимлик, ҳайвонот дунёсини киритсалар, иккинчисига турли иншоотлар, кишлек хўжалиги майдонлари кабиларни киритадилар.

Юқорида келтирилган фикрлардан, кўриниб турибдики, ландшафтнинг компонентлари деганда асосан унинг таркибий қисмлари, яъни төг жинслари, ҳаво, сувлар, ўсимлик ва ҳайвоноти тушунилади. Уларнинг

компонент эканлигини деярли барча муаллифлар эътироф этадилар. Аммо бози илмий асарларда икким, рельеф, тупрок кабиларни ҳам компонентлар қаторига кўшиб юбориш ҳоллари учрайди. Булар ландшафтларнинг хосил бўлиши ва мавжудлигига қанчалик мухим бўлмасин барибир компонент ҳисобланмаслиги керак. Чунки рельеф тоғ жинсларининг хусусияти бўлса, икким ҳавонинг хусусиятидир. Улар ландшафт хосил қилувчи омиллардандир, аниқроғи уларнинг ҳар бири мальум омиллар мажмудидан иборатдир.

Ландшафтларнинг тупроқлари эса икким ва рельефга боғлик ҳолда тоғ жинсларининг ҳаво, сув ва органик ҳаёт таъсирида ўзгаришидан юзага келган ҳамда моддий таркиби тоғ жинслари таркибидан фарқли бўлган мураккаб табиий ҳосиладир. Тупроқ катлами ландшафт ҳосил бўлиши нуктаи назаридан компонент ёки омил сифатида эмас, балки ландшафтларнинг марказий, мухим бир структуравий қисми сифатида каралмоги аҳамиятлидир. Ландшафтнинг тупроғи тупроқ ости геологик катламларидан ўзининг таркиби, тузилиши ва бошқа бир қатор хусусиятлари бўйича кескин фарқ қиласди. У турли хил кристал ва коллоидлар шаклидаги минераллардан, тоғ жинслари бўлакларидан, сувли эритмалар, газлар ва органик моддалардан таркиб топган ўзига хос бир тизимдир. Айнан ана шу тупроқ катламида компонентларни бир-бири билан боғлаб турувчи модда ва энергия оқимлари тўқнашади ва ўзаро фаол таъсирида бўлади.

Ландшафтнинг ҳаво компоненти атмосферанинг ер юзасига яқин бўлган (200-300 м қалинликдаги) энг қўйи катламларини ўз ичига олади ва зичлик, босим, ҳарорат бўйича юкори катламлардан фарқ қиласди. Атмосфера массасининг 85% дан ортиғи ана шу ландшафтлар ҳавосига тўғри келади.

Ҳаво ландшафтнинг энг ҳаракатчан ва тез аралашувчан компонентларидан биридир. Унда ландшафтнинг иклими шаклланади. Ҳарорат ва намлиқ ўзгаришлари, ёғин-сочин ҳосил бўлиши, шамоллар ва айрим синоптик жараёнлар ана шу ҳаво катламида рўй беради. Бундан ташқари ландшафтда ва унинг турли компонентларида рўй берадиган барча физикавий, кимёвий ва биологик жараёнларда ҳавонинг иштироқи бор. Ҳаво ландшафтдаги ва ландшафтлараро модда, энергия ҳаракатлари ва ўзгаришларидан иштироқ этиб, фаол восита ҳисобланади.

Ландшафтнинг сув компоненти ҳам ҳаво компоненти каби ҳаракатчан ва аралашувчандир. Сув ҳам ҳаво каби бошқа компонентлар (тоғ жинслари, ҳаво, ўсимлик ва ҳайвонот) таркибига кириб борган. Шу билан бирга у нафакат компонентлараро балки ландшафтлараро ҳам модда ва энергия алмашиниш жараённица фаол ташувчи восита ҳамдир. Шунинг учун сувнинг компонент сифатидаги ёки ўзига хос модда сифатидаги тавсифидан кўра унинг омил сифатидаги, яъни оқим ҳосил қилиб иш бажарувчи сифатидаги тавсифи аҳамиятлирокдир. Сувнинг оқим ҳосил қилиши табиий географик тизимларга, шу жумладан ланд-

шаштларга хос бўлган учта йирик жараён: нураш жараёни, органик дунёнинг ривожланиш жараёни ҳамда тупроқ хосил бўлиш жараёнига бевосита таъсир кўрсатади.

Ландшафтнинг ҳавоси ҳам, сувлари ҳам ундаги жонли компонентларнинг мавжудлиги ва ўз маҳсус фаолиятини бажариши учун зарурый шарт-шароитлардан дандир. Бу компонентлардан айниқса ўсимлик қоплами тизим ташкил қиливчи муҳим компонент ҳисобланади. У ландшафтнинг ташкил киёфасини акс этдириши билан бир вактда ландшафтнинг рельефи, иклими ва тупроқ ҳусусиятларини шаклланishiда, ҳайвонот турлари ва уларнинг географик тарқалишида ҳал қиливчи аҳамиятта эгадир.

Ландшафтнинг ўсимликлари ландшафтда рўй берадиган кўшлаб кимёвий, физикавий ва биологик жараёниларнинг асоси ҳисобланган бирламчи органик модданинг шакллантирувчисидир. Ўсимликларнинг ўсиши, модда ва энергияни қабул қилиши, ўзида жамлаши ва ажратиб чиқариши жараёнида ландшафтнинг бошқа компонентларига таъсир қилиб, уларнинг таркиби ва ҳусусиятларини ўзгартиради. Ҳавонинг ҳаракати, намлиги, ҳарорати, газ таркиби ва бошқа ҳусусиятларига тегиши бўлган микдор кўрсаткичлари кўпичча ўсимлик қопламининг тавсифларига боғлиқ бўлади.

Ўсимликларнинг ўсиши ва ривожланишидаги физиологик жараёнилар ва уларнинг ландшафт ҳосил бўлиши, мавжудлигидаги иштироки ҳам аҳамиятлиdir. Масалан, факат биргина фотосинтез жараёнининг ўзида ўсимликлар ҳаводаги карбонат ангиридан нафас олади, ҳавога кислород чиқаради, күёш нурлари энергияси ёрдамида тупроқдан сув ва турли минерал моддалар олади. Улардан эса органик бирималар ҳосил қилали. Ҳаво-ўсимлик-тупроқ орасида рўй берадиган ўзига хос модда ва энергия алмашиниш жараёни ландшафтнинг қайси табиат зонасида ва қандай рельеф шароитида жойлашганлигига боғлиқ ҳолда турли жадалликка эга бўлади.

У ёки бу ҳудуднинг ландшафтларини ўрганишга бағишлиланган илмий ишларнинг аксариятида ландшафтнинг ҳайвонот компонентига ниҳоятда кам эътибор берилганлигини гувоҳи бўламиз. Одатда, бундай ишларда ландшафтда учрайдиган ҳайвонларнинг номлари санаб ўтилади ҳолос. Ландшафтлар ҳайвонотини табиий географик таҳлил қилиш масалалари мутлако ишланмаган деса бўлади. Айниқса ландшафтнинг ички ва ташкил ўзаро таъсир ва алоқадорликларини ўрганишда ҳайвонотнинг ролини аниклаш қанчалик муҳим бўлмасин, тадқиқотчиларнинг эътиборидан четда қолаберган. Бу борада, балки экология, биогеоценология фанлари ишлаб чиқкан методлардан унумлироқ фойдаланиш кўзлаган натижаларни берар. Чунки ландшафтларда бўладиган модда ва энергия алмашиниш жараёнида (яъни ландшафт метаболизмидан) тирик организмларнинг роли ўсимликларнинг ролидан кам бўлмаса керак.

Ландшафтнинг ҳайвонот компоненти ундаги ўсимлик ҳосил килган бирламчи органик моддани ўзгартирувчи ҳамда ландшафтнинг морфологик

қисмлариаро ва ландшафтлараро модда ва энергия ташувчидир. Унинг тупроқ ҳосил бўлиши, тупроқ унумдорлигини шаклланиши, ўсимликларнинг уруғ ва меваларини тарқалиши каби бир қатор жараёнларда иштироки ва аҳамияти каттадир. Бу жарабёнларда қайси ҳайвон тури қандай иштирок этишини билдишда уларнинг табатдаги ҳаётий фаолиятига қараб гурухларга ажратиб олиш яхши натижа бериши мумкин. Сабаби бундай гурухлардаги организмларнинг сони, озиқланиш усуллари, ўсиши ва кўпайиш тезлиги, ҳаёт тарзи ва х. турличадир. Масалан, ўсимлик билан озиқланадиган ҳайвонлар ва фитофаглар жонсиз органик модда билан озиқланадиган сапрофагларга қараганда бошқачароқ характерга эга бўлган ишларни бажаради. Шунингдек, тупроқ таркибида яшайдиган организмлар билан ер юзасида яшайдиган организмлар ҳам ландшафтда турли хил ва турли микёсдаги фаолиятта эгадир.

Бинобарин, ландшафтдаги ҳар бир организм шу ландшафт муҳитига айнан мослашган бўлади. Агар организмнинг яшаш шароитида бирон бир ўзгариш рўй берса бу шу организмни ўзгаришига олиб келади ва ўз навбатида ўсимлик ва ҳайвонот компоненти ўзини ўзи равожлантириш ҳолатига эга бўлганини учун маълум миқдорда атроф-муҳитта ҳам таъсир этиб туради. Шунинг учун ҳам ландшафтлардаги төғ жинслари ва рельеф, иклим ва сувларнинг хусусиятларига қараб тупроқ, ўсимлик ва ҳайвонот ҳақида умумий тасаввур ҳосил килиш мумкин бўлади.

Ландшафтларнинг ташкил топиши ва ривожланишида санаб ўтилган компонетларнинг қайси бири етакчи, қайси бири иккичи даражали аҳамиятта эга деган саводнинг жавоби ҳам муносаралидир. Табиий географлар ўртасида бирламчи ва иккиласми, етакчи ва етакчи бўлмаган, кучли ёки кучсиз компонетларни аниқлашга уриниш бор. Масалан Н.А.Солнцев (1960) тузган компонентлар тизимида геоматик компонентлар (геологик төғ жинслари ва рельеф) кучли ёки етакчи, гидро-иклими компонентлар (сув, ҳаво) эса иккиласми даражали, биотик компонентлар (ўсимлик ва ҳайвонот) учламчи даражали ёки кучсиз хисобланади.

Бу борада, шунга ўхшаш фикрларни биз П.Н.Гуломовнинг (1985) ўкув кўлланмасида ҳам учратамиз. Муаллифнинг ёзишича, инсон томонидан ўзгартирилган ландшафтларда одатда иккиласми компонентлар кўпроқ ўзгариб, бирламчи компонентлар деярли ўзгармайди, уларни айрим элементларигина ўзаради. П.Н.Гуломов ландшафтларнинг компонентларини ташки таъсирларга берилувчанини ёки баркарорлигига қараб, шартли равища бирламчи ва иккиласми компонентларга ажратиш мумкинлигини ўзди. Унингча бирламчи компонентларга ландшафтнинг геологик негизи, макрорельефи ва иклими киради. Ландшафтнинг ўсимлиги, ҳайвонот дунёси, сувлари ва маълум даражада тупроқ қоплами эса ландшафтларнинг иккиласми компонентлари хисобланади.

Табиий географик комплексларнинг шаклланиши ва ривожланишида иштирок этадиган оминаларнинг ўзаро тенг эмаслиги ҳақидаги фикрни

биз дастлаб А.А.Григоревнинг (1946) ишида учратамиз. У табии географик омилларнинг энг кучлисини "харакатлантирувчи кучлар" деб атайди. Унинг фикрича харакатлантирувчи кучлар табии географик комплекснинг кўламига боғлик ҳолда ўзгариб туради. Масалан, географик минтақаларда иклим ҳодисалари харакатлантирувчи, материкларда - геоморфологик, секторларда - яна иклим, зона ва кичик зоналарда - яна геоморфологик ва ниҳоят ландшафтларда - гидрологик, аэрогоеморфологик ва фитогеографик ҳодисалар харакатлантирувчи кучлар ҳисобланади. Бунга қўшимча килиб А.А.Григорев айтадики, ҳар бир алоҳида ҳолатда қайси бир компонент энг кучли ўзгаришни бошидан кечираётган бўлса, ўша компонент харакатлантирувчи куч ҳисобланади. Д.Л.Арманд (1975) компонентларнинг етакчи ва етакчи эмаслиги ҳакида сўз юритар экан, ҳар қандай компонент ва унинг ҳусусияти бошқа компонентларга таъсир кўрсата олса, у ландшафт ташкил қилувчи омил ҳисобланади. Қайси бир омил бошқа компонентларга кучли таъсир кўрсата олса-ю ва уларнинг таъсирида ўзи камрок ўзгарса уни етакчи омил деб аташ мумкин, деб ёзди.

В.Б.Сочава (1974) ҳам геотизимларнинг энергетика ва динамикаси-ни белгилаб берувчи энг харакатчан ва тез ўзгарувчан компонентлари иссиқлик, намлик ва биота кабиларни "критик компонентлар" деб атайди. Табии географик шароитта боғлик ҳолда турли хил компонентлар критик компонентларга айланиши мумкин.

Геотизимларнинг ташкил топиши ва ривожланишидаги у ёки бу компонентнинг тутган ўрни ва бунда қайси компонент етакчи ва қайсинаси иккинчи даражалилги мунозарали масала эканлиги юқорида келтирилган фикрлардан кўриниб турибди. Бу борада Н.И.Михайлов (1985) биоиклими омиллар ҳам, геологик-геоморфологик омиллар ҳам табии географик комплексларнинг табақаланишида доимий ва зарур ҳисобланади, ҳамда табии географик комплекслар жуда кўп омилларнинг ўзаро алокадорлиги ва ўзаро таъсирининг натижасидир деб ёзди. Ўнинг фикрича геологик-геоморфологик омилларни етакчи деб ҳисоблаш ҳам, ёки биоиклими омилларни етакчи деб ҳисоблаш ҳам бир ёқламаликка олиб келади.

Инсон томонидан ўзгаририлган ландшафтларга бағишланган адабиётда ҳам ландшафтларнинг ўзгаришида у ёки бу компонентнинг аҳамияти ҳакида турли хил фикрлар билдирилган. Масалан, В.И.Прокасев (1983) ҳудудларнинг табии географик бўлиннишидаги антропоген омилнинг аҳамиятини ҳисобга олиш ҳакида сўз юритар экан фактат геологик-геоморфологик асоси инсон томонидан ўзгаририлган геокомплексларнинг антропоген геокомплекс деб аташ мумкин. Ландшафтнинг айрим компонентлари инсон томонидан ўзгаририлган бўлса-ю, аммо геологик-геоморфологик заминни ўзгармай қолган бўлса, бундай ландшафт инсон таъсири тўхтатилган тақдирда ўзининг аввалги табии ҳолатига қайтади деб ёзди.

Ф.Н.Милков (1978) эса табиий ландшафтни антропоген ландшафтуга айлантириш учун унинг хоҳлаган бир компонентини ўзгартериш кифоядир деб ҳисоблайди. Бу фикрнинг асосида компонентларнинг ландшафт ташкил қилувчи омил сифатидаги аҳамияти тенгдир деган таасурот ётади. Бир вактлар В.В.Докучаев (1948), Л.С.Берг (1947) лар ҳам компонентларни тенг аҳамиятли деб ҳисоблаганлар.

А.М.Рябчиков (1972), Е.В.Миланова (1973), Л.И.Куракова (1976), Н.А.Гвоздецкий (1978) кабилар ҳам ландшафтларни тубдан ўзгартериш учун уларнинг барча компонентларини ўзгартриб ўтириш шарт эмас, улардан фақат биринигина ўзгартериш кифояки, тизимдаги ўзаро таъсиrlар мувозанати бузилиб, янги ландшафт ҳосил бўлади деган хуносага келадилар.

Ушбу масалада А.А.Крауклис (1979) билдирган фикрлар ҳам эътиборга лойикдир. Унинг ёзишича геотизимларнинг мавжудлигига ва ривожланишида унинг таркибий қисмларининг барчасини аҳамияти каттадир. Қайси компонент етакчи ва қайси компонент етакчи эмаслигини аниқлашдан кўра геотизимларнинг ўз ҳолатини саклашда қайси компонент қай тарзда иштирок этишини аниқлаш аҳамиятироқдир. А.А.Крауклиснинг ўзи эса компонентларни геотизимда бажарадиган ўзига хос вазифасига қараб уч гуруҳга бўлади:

1) суст компонентлар (тоғ жинслари ва рельеф). Улар геотизимларнинг ўзаги деб ҳисобланади.

2) ҳаракатчан компонентлар (ассосан ҳаво ва сувлар) геотизимларнинг ички қисмларини бир-бири билан ва ташки мухит, жумладан кўши геотизимлар билан боғловчи компонентлар ҳисобланади.

3) фаол компонентлар (ассосан биота) геотизимларнинг ўзини ўзи бошқариб туриши, тикланиб, маромланиб туришида энг мухим омил ҳисобланадиган компонентлардир.

Ландшафт ташкил топиши ва ривожланишида у ёки бу компонент етакчи ўринни эгаллайди деган фикрга А.Г.Исаченко (1991) ҳам танқидий кўз билан қарайди. Айниска фаол бўлмаган ёки консерватив ҳисобланган литоген компонентни етакчи деб ҳисоблашни мантиқан нотўри деб ҳисоблайди. Унинг фикрича ландшафтнинг компонентлари ҳаммаси тенг қийматли ва бир-бирига иисбатан баравар белгиловчи аҳамиятга эгадир. Компонентлар орасида шунчалик яқин ва ўзаро алоқадорлик мавжудки, уларнинг ҳар бири ички ўзаро алоқадорликлар ҳамда ландшафтга бўлган ташки омиллар таъсирининг ҳосиласидир. Шунинг учун А.Г.Исаченко на иқлим, на ландшафтнинг замини етакчи омил бўла олади, улар ташки омиллар билан геотизим компонентларининг мураккаб ўзаро таъсирининг ҳосиласидир, деб ёзади. Шу билан бирга А.Г.Исаченко ландшафтшуносликда "омил" тушунчаси кенг ва кўпинча нотўри ишлатилгаётганлигини айтади. Унинг фикрича компонент ва омил иккалasi иккι хил нарсадир. Лекин географик адабиётда компонентларнинг ўзини омил деб қараш, ёки компонентнинг айрим

хусусиятларини омил деб караш холлари кўп учрайди. Масалан, Н.А.Солнцев компонентларнинг айрим хусусиятлари ёки хусусиятларининг йигинидисини омил деб айтади. Г.Т.Миллер ва В.Петлин (1985) табиий-худудий комплексларнинг компонентлари деб факат моддий тизимларни тушунадилар. Уларнинг функционал иши эса омил саналади. Яъни сув компонент бўлса, сув тартиби - омиллар.

Омил сўзи лотинча factor - яратувчи, ишлаб чиқарувчи маъносини англатади. Омил деб қандайдир бир жараённинг унинг хусусиятини белгилаб берувчи харакатлантирувчи кучига, сабабига айтилади.

В.С.Преображенский ва бошқалар (1982) омиларнинг уч хилини: 1) уларнинг жадаллигига қараб етакчи ва етакчи бўлмаган, 2) йўналишига қараб ташки ва ички, 3) келиб чиқишига қараб табиий ва антропоген каби хилларини ажратадилар. Бу ҳолда биз ландшафтда рўй берадиган барча ўзаро таъсириларни ҳам омил деб хисоблашимиизга тўғри келади.

Ландшафтларнинг ҳосил бўлиши, мавжудлиги ва ривожланиши энг аввало унинг компонентлари (тоғ жинслари, ҳавоси, сувлари, ўсимлиги ва ҳайвонотлари)нинг ўзаро таъсири ва алоқадорлигининг натижасидир. Ландшафтларнинг турли компонентлари турлича характерга эгадир. Уларнинг ҳар бири ўзига ҳос қонуниятлар асосида ривожланади, уларнинг ҳар бири ўзига ҳос ўзгариш кучи ва жадаллигига эга. Ландшафтларнинг худудий табакаланиши хусусиятлари эса турли ҳил омиллар билан белгиланган. Худудий табакаланишга сабаб бўладиган географик жараёнлар учта асосий омил таъсирида рўй беради. Булар күёш энергияси, Ернинг қаъридан таъсир этадиган кучлар ва гравитация энергиясидир. Бу омиларнинг ҳар бирининг ўз вазифаси бор ва ҳар бири ҳар ҳил аҳамиятта эгадир. Уларнинг ичida кўп томонлама ва муҳим аҳамиятта эга бўлган омил-куёш энергиясидир. Бу омил Ернинг шаклига боғлик ҳолда ландшафтларнинг зонал хусусиятларини белгилайди.

Кўёш энергияси ландшафтда рўй берадиган барча айланма харакатларда ва оқимларда иштирок этади. Унсурларнинг радиоактив парчаланиши оқибатида ҳосил бўладиган Ернинг ички энергияси асосан тектоник жараёнларда акс этади. Тектоник жараёнлар ўз навбатида гравитация энергиясини ўзгартириб, ландшафтларнинг ўз вазифасини бажаршига ҳам таъсир этади. Гравитация энергияси эса деярли доимо модданинг бир жойдан иккичин жойга кўчиш жараёнига таъсир этиб туради. Ҳуллас, ҳар бир энергетик омил ўзига яраша вазифани бажаради. Ландшафтларнинг ташкил топнишида сув ҳам катта аҳамиятта эгадир. Намликтин алмашиниш жараёни - атмосферага намликтин кириб келиши, унинг ҳаво массалари билан кўчиб юриши, ёғин-сочин, оқим ҳосил бўлиши, бугланиши ва сувнинг турли фаслларда турлича агрегат ҳолатда бўлиши ландшафтларни яшишида кўп турли вазифаларни бажаради.

Ландшафтларнинг ҳосил бўлиши ва турли морфологик қисмларга бўлининишида геологик-геоморфологик омилларнинг ҳам аҳамияти каттадир. Булар тоғ жинсларининг таркиби, уларнинг ётиш тартиби, янги тектоник харакатларнинг жадаллиги, рельеф кабилардир.

Ландшафтнинг органик дунёсини асосан ўсимлик, ҳайвонот ва микроорганизмлар ташкил қиласди. Уларнинг йигиндиси, яъни тирик модда ландшафт ташкил қилувчи энг фаол омил ҳисобланади. Ландшафтдаги модданинг биологияларни жараённида органик модда ўзидан энергия ажратиб, органик бирикмаларнинг минералланиши рўй беради. ҳозирги ҳаёт асосан модданинг биологияларни шаклида бўлиб, кимёвий унсурларнинг кўчиб юришининг энг асосий хусусиятларини белгилайди.

Ландшафтларнинг барча компонентлари ва уларнинг хусусиятлари узлуксиз ривожланиб, ўзгариб туради. Агар улардан бири, масалан, иклим ўзгариб, янги сифат ҳосил қиласиган бўлса, қолган компонентлар ҳам (ўсимлик, ҳайвонот, сувлар ва х.к.) шунга мослашиб олиши керак бўлади. Буларнинг ҳаммаси, албатта турли жадаллик билан ва кўпичча узок муддат давомида рўй бериши мумкин. Шу билан бирга энг аввал ўзгаришни бошидан кечирган компонент котиб қолмасдан, ривожланишда давом этаверади. Маълум давр ўтгандан кейин компонентлар орасида яна қарама-қаршиликлар юзага чиқиб, биринчи ўзгарган компонентта нисбатан қолганлари мослашишга ҳаракат қиласди.

### Ландшафтларнинг морфологик қисмлари ва ички алокадорликлари

Муайян бир ландшафтни тадқиқ қилишда, уни дала шароитида аниклаб, ҳаритага туширишда унинг морфологик тузилишини ўрганиш, билиш катта аҳамиятта эгадир. Ландшафтшунослик фанининг энг муҳим назарий қисмлардан бири ҳам ландшафтларнинг морфологик тузилиши ҳақидаги таълимотидир. Бу таълимотнинг юзага келиши ландшафтшунослик фани тараккиётидаги энг муҳим воқеалардан биридир. Ландшафтларнинг морфологияси ландшафтларнинг ички ҳудудий бўлинишини ўрганиди. Унинг асосий вазифаларидан бири ландшафтларнинг морфологик қисмларини аниклаш, уларнинг ҳар бирини таърифлаб, уларнинг катта-кичиклик мавқенини ва таксономик кўламини аниклаш, уларнинг ҳар бирини таърифлаб, таснифлашдан иборатдир. Ландшафтлар морфологик қисмларининг ўзаро нисбати ва улар орасидаги модда ва энергия алмашинишини ўрганиш ҳам ландшафтлар морфологиясининг вазифасига киради.

Ландшафтлар ўзидан кичик бўлган табиий ҳудудий комплекслардан тузилган деган гояни дастлаб илгари сурган киши Л.Г.Раменский (1935, 1938) бўлиб, унинг фикрича ландшафтшунослик ўрганиши керак бўлган энг кичик бирлик эпифиция бўлиши керак. Ҳар бир эпифиция ўзидан каттароқ бўлган комплекснинг шундай бир қисми, у бир хил экологик тартиб, бир хил ўсимлик ва ҳайвонот (биоценоз) билан, ҳамда ҳосил бўлиш ва кейинги ривожланиш имконияти ўхшашлиги билан тасифланади. Эпифициялар бир-биридан рельефда тутган ўрни, геологик асоси, микроклими, гидрологик хусусиятлари билан фарқланади ва

ўзидан каттароқ бўлган бирликлар табиий урочишларнинг таркибий кисмлари бўлиб хизмат қиласи. Ушбу ғояни яна-да ривожлантирган ҳамда ландшафтларнинг морфологик тузилиши ҳақидаги таълимотни илмий асослаб берган олим Н.А.Солнцев (1949) хисобланади.

Н.А.Солнцев ва унинг издошлиарининг кўп йиллик илмий изла-нишлари натижасида асосан текислик ландшафтларининг таркиби-га кирувчи барча табиий комплекслар аникланиб, уларни харитага ту-шириш усуллари ишлаб чикилди.


Ландшафтларнинг бирламчи ва энг кичик морфологик кисмини географик адабиётда турлича ном билан аталганларини кўриш мумкин. Масалан, эпиморфа (Р.И.Аболин, 1914), элементар ландшафт (Б.Б.Полинов, 1915), микроландшафт (И.В.Ларин, 1926), эпифация (Л.Г.Раменский, 1938), биогеоценоз (В.Н.Сукачев, 1948) ва фация (Л.С.Берг, 1945; Н.А.Солнцев, 1949). Бу атамалардан ландшафтшунослар томонидан эътироф этилиб, фойдаланиб келинаётгани фациядир.

"Фация" атамаси ландшафтшунослика Л.Г.Раменский (1935) ва Л.С.Берг (1945) томонидан киритилиб, лотинча facies, яъни ташки киёфа маъносини англатади. Немис олимлари (Neef, 1963; Haaze, 1971) кўпроқ "top" атамасидан фойдаланадилар. Бу атама topos, яъни жой деган маънони англатиб, фация атамасини тўлдиради.

Фация дала шароитида аниклаб, харитага тушириб олиш уччалик кийин бўлмаган, нисбатан оддий тузилган энг кичик геотизимдир. Шунинг учун фацияни баъзан "географик молекула"га, ландшафтлар "атомлари"га, ёки "тирик организмдаги хўжайра"га ўхшатишади. Фациялар бошқа табиий худудий комплексларга бўлинмайди. Бўлинган тақдирда ҳам улар табиий худудий комплекснинг элементларигагина бўлинishi мумкин.


Махсус адабиётда учрайдиган "Элементар ландшафт", "биогеоценоз тури", "ландшафтнинг элементар бўлаги" қаби атамалар ҳам фациянинг синонимлариидир. М.А.Глазовская (1988) ҳам фацияни "Энг оддий (элементар) ландшафт-геокимёвий тизим" деб атайди ва унинг ички тузилишини б-расмдагидек тасаввур қиласи.

Хар бир фация худудида устки тоғ жинсларнинг литологик таркиби бир хил, рельеф характеристи ва намланиши бир хил бўлиб, микроклимда ва тупрокларида тафовут бўлмаслиги ҳамда битта биоценоз билан тавсифланиши керак. Яъни ландшафтнинг морфологик бирлиги сифатида ажратиладиган фациянинг энг асосий хусусияти шундаки, уни ҳосил қылувчи компонентларнга хос бўлган белгилари (улар албатта ўзаро алоқадор ва боғлиқ эканлигини назарда тутган ҳолда) бир хиллиги билан тавсифланади.



Тизимнинг блоклари:  
А - атмосфера, Т - тупроқ, Еус -  
ер усти сувлари, Гс - грунт сувла-  
ри, Тж - тоғ жинслари  
(литологик асос).

Модданинг: 1 - газ ҳолати,  
2 - суюклик ҳолати,  
3 - каттик ҳолати,  
4 - тирик модда,  
5 - модда миграция  
окимларининг  
йўналиши



6- расм. Энг оддий геохимёвий ландшафт тизими  
(М.А.Глазовская, 1988 бўйича)

Фациялар геотизимлар ичida энг очиги ҳисобланади ва факат кўшни фациялар билан ўзаро боғликлиги ва алоқадорлиги шароитидагина шаклланади, ривожланади ва динамикада бўлади. Уларнинг динамик ҳолати бошқа геотизимлардагидан кучлироқ бўлади. Шунинг учун ландшафтнинг табиий компонентлари ва морфологик қисмлари орасида рўй берадиган модда ва энергия алмашиниши жараёнини фақат фациялар миқёсидагина эмас, балки ландшафт доирасида бир-бiri билан узвий боғлик бўлган фациялар тизими миқёсида ўрганган маъкул.

Фацияларнинг ўзига хос ҳусусиятларидан яна бири шундаки, ў ўзидан катта бўлган бошқа геотизимларга нисбатан ташки кучлар таъсирига берилувчан ва тез ўзгарувчан бўлади. Бунинг сабаби шундаки, фация доирасида унинг компонентлари орасидаги алоқадорлик ва боғликлик бошқа геотизимлардагидан кўра мўртрок, тез шикастланувчан, ташки омиллар таъсирига чидамсизроқ эканлигидадир. Шунинг учун ҳам инсоннинг хўжаликдаги фаолиятини геотизимларга таъсири ва унинг ўзига хос оқибатлари даставвал фациялар миқёсида рўй беради. Жумладан, бундай ўзгаришлар фацияларнинг энг ҳаракатчан, ўзгаришга мойилроқ бўлган биотик компонентларида кўзга ташланади ва кейинчалик уларнинг бошқа ҳусусиятлари; микроклими, намланиши, иссиқлик тартиби кабилларни ўзгаришга олиб келади. Геологик-геоморфологик шарт-шароитлари кўпинча ўзгармай қолади. Шу сабабли фацияларга бўладиган инсон таъсири тўхтатилса, ўзарган фациялар яна ўзининг аввалиги ҳолатига қайтишга ҳаракат килади.

Фациялар одатда йирик миқёсдаги ландшафт хариталаридагина акс эттирилиши мумкин. Аммо ландшафттарнинг морфологик тузилишини қайси миқёсда ўрганидишидан катъий назар, барибир фацияларни тадқиқ қилишга алоҳида эътибор берипши керак. Чунки ҳар қандай ландшафтнинг пайдо бўлиши, яшапи ва ривожланишида фацияларнинг ва уларда рўй берадиган модда ва энергия алмашинишини билдишнинг ахамияти каттадир.

Фациялар табиятда сон жиҳатидан жуда кўп бўлганлиги учун уларнинг ҳар бирини алоҳида-алоҳида ҳамда мукаммал тадқиқ қилишнинг иложи бўлмай қолади. Натижада уларни тасниф қўлиш заруриятни туғилади.

Фациялар таснифи билан шуғулланганлардан бири Б.Б.Полиновдир (1956). У кимёвий унсурларнинг миграцияси шарт-шароитларини таҳлилишга асослаган ҳолда фацияларнинг учта асосий турини ажратади. Булар: элювиал, супераквал, субаквал фациялардир. (7- расм).



7- расм. Фация (элементар ландшафт)ларнинг асосий турлари  
(Б.Б.Полинов, 1956 бўйича).

Элювиал фациялар асосан рельефнинг дўнг жойларига, атрофдан кўтарилиб турган сувайиргич ерларга тўғри келади. Бундай фацияларда тупроқ ҳосил бўлиш жараёни, ўсимликлар ҳаётни, модданинг фацияга кириб келиши асосан атмосфера орқали бўлиб, ер ости сувларининг иштирокисиз ўтади. Модданинг фациядан чиқиб кетиши эса атмосферадан тушган ёғин-сочиннинг транспирацияси, инфильтрацияси ва оким ҳосил қилиши орқали бўлади. Натижада бундай фацияларда модданинг кириб келишига нисбатан чиқиб кетиши кўпроқ бўлади, яъни модда алмашинишида нисбий баланс юзага келади.

Супераквал фациялар асосан ер ости сувлари ер юзасига яқин жойлашган пасткам ерларда ҳосил бўлади. Бундай фацияларда модданинг кириб келиши факат атмосфера орқали эмас, ер ости сувлари орқали, ҳамда

теварак атрофидаги рельефи баландроқ жойлардаги фациялардан ҳам оқар сувлар орқали кириб келиши мумкин. Шунинг учун супераквал фацияларда модданинг чиқиб кетишидан кириб келиши ва тўпланиш жараёни устун туради.

Субаквал фациялар асосан рельефнинг пастқам жойларида сув тўпланиб колиши натижасида ҳосил бўлган катта-кичик сув ҳавзаларининг остида шаклланади. Бундай фацияларда ҳам модданинг келиши кетишидан устун бўлади. Субаквал фацияларда ўсимлик ва ҳайвонларнинг алоҳида ўзига ҳос яшаш шакллари кузатилади. Сув ҳавзаларида теварак-атрофидаги баланд жойлардан ювилиб келган кимёвий унсурлар ичидага энг ҳаракатчанларининг устуслиги кузатилади.

Б.Б.Полинов томонидан ишлаб чиқилган бу таснифнинг кўриниши турии ландшафтлар шароитида ишлатилиши мумкин бўлган умумий кўришишдагидек бўлиб, ҳар бир ўзига ҳос маҳаллий шароитда оралиқ фация турлари билан тўлдирилиши ва аниқлаштирилиши мумкин. Масалан, М.А.Глазовская (1964) ёнбағирларнинг юкори кисмида трансалловиал, ёнбағирларнинг куйи кисмида элювиал-аккумуляция, пастқам, аммо ер ости сувлари чукур бўлган жойларда аккумулятив-элювиал фацияларни ажратишни ҳамда супераквал фацияларни супераквал ва транссупераквал фацияларга, субаквал фацияларни эса аквал ва трансаквал фацияларга ажратишни таклиф этади.

Ландшафтларнинг морфологик кисмлари ичидаги энг асосийларидан яна бири урочишидир. Урочише бир мезорельефга жойлашган табиий худудий комплекс бўлиб, генетик ва динамик жиҳатдан узвий боғлик бўлган фациялар тизимидан иборатdir. Ландшафтларнинг алоҳида урочишеларга бўлиннишида унинг литоген асоси - рельеф ҳамда тоф жинсларининг литологик тузилиши асосий аҳамиятга эгаdir.

Урочишелар ландшафтда эгаллаган майдони ва тарқалишига қараб асосий (ёки ҳукмрон) ҳамда иккинчи даражали урочишеларга бўлинади. Асосий урочишелар ландшафтларнинг морфологик структурасини белгилаб берини билан бирга кенг кўламда тарқалганилиги билан, иккинчи даражали урочишелар эса тарқалиш кўлами камлиги билан тавсифланади.

Урочишелар ўзининг ички тузилишига қараб оддий ва мураккаб бўлиши мумкин. Оддий урочишеларда мезорельефнинг ҳар бир кисми факат битта фация билан банд бўлади. Мураккаб урочишелар таркибида эса мезорельефнинг бир кисмида фациялар тизими ёки урочищечча (подурочише) жойлашган бўлади.

Урочищечча оралиқ бирлик бўлиб, асосан мезорельефнинг бир кисмида жойлашган фациялар тўйинли моддалар, намлик ва иссиқлик таксимланишидаги жараёнларнинг умумийлиги билан бир-бирига боғликдир. Масалан, урочищечалар бир урочищенинг ичидаги турлича экспозицияга эга бўлган ҳолларда ажратилиши мумкин.

Урочишелар ҳам фациялар ёки ландшафтлар каби ер юзасида кенг тарқалганилиги сабабли уларни ҳам маълум гурухларга ёки синфларга бирлаштириш, яъни тасниф қилишига тўғри келади. Урочишеларнинг дастлабки таснифини Ю.Н.Цесельчук (1963) бажарган. Тўрт погоналик

бу тасниф тур-кичик тур-хил-кичик хил кўринишида бўлиб, энг катта бирлик сифатида урочише тури ажралиши кераклигини кўрсатади.

Урочише турлари мезорельеф шаклларининг келиб чикиши, динамикаси ҳамда механик ва биокимёвий ривожланиши йўналишидаги ўхшашликлар асосида ажратилади. Кейинги бирлик - кичик тур ҳам шу асосида, аммо яна-да аниклаштирилган ҳолда ажратилади.

Урочишеларнинг кейинги тасниф бирлиги - хиллар. Хиллар асосан урочишеларни ташкил қилувчи туб фацияларнинг тупрок-ўсимлик қопламидаги ўхшашликларга асосан аникланади. Кичик хиллар эса урочишелардаги тупрок-ўсимлик қопламишининг шаклларинишидаги азонал (зонал бўлмаган) омиллардаги ўхшашликлар асосида аникланади.

Урочишелар таснифининг яна-да мукаммалроқ кўринищдагисини А.А.Видина (1973) тавсия этган. У Ўрта рус баландлигининг гарбий ёнбағридан оқиб тушадиган икки дарё (Витебета ва Нурага) ҳавзаларида жойлашган 950 та урочише ва урочищечаларни аниклаб ҳаритага туширган ва тасниф қилган. У бажарган урочишелар таснифи б та жадвал кўринишида бўлиб, уларда урочише ва урочищечалар энг аввал морфогенетик жиҳатдан тутган ўрнига кўра 5 та катта гурухга, кейин геоморфологик белгилар асосида 48 та вариантга ва тупрок ҳосил қилувчи она жинсларнинг хусусиятлари асосида яна 50 та вариантга бўлиб ташланган. Мазкур тасниф асосан урочише ва урочищечаларнинг муҳим хусусиятларни белгилаб берадиган геологик, геоморфологик, гидрологик ва тупрок омилларини ҳисобга олган ҳолда тузилган бўлиб, айrim ҳоллардагина геоботаник омилига эътибор берилган.

А.Г.Исаденко (1965) фикрича урочишеларнинг тасниф қилаётган вактда уларнинг зонал ва провинциал хусусиятлари ҳисобга олинниши ва ҳар бир тур ёки хилга мос бўлган фациялар мажмуасига эътибор бериш керак бўлади.

Умуман олганда урочишелар таснифи худди фациялар таснифи каби пухта ва ҳар томонлама мукаммал ишлаб чиқилмаган. Бунинг асосий сабаби ландшафтларнинг морфологик қисмларини ҳаритага тушириш тажрибаси ҳам кам эканлигидади.

Ландшафтларнинг морфологик қисмлари ичидаги энг каттаси жой (местность) деб аталади. Жой деганда маълум ландшафт учун ҳос бўлган урочишелар йигинидисининг аллоҳида варианти тушинилади.

Географик адабиётда "жой тури" деган атама ҳам тез-тез учраб туради (Ф.Н.Милков, 1956). Жой турлари ландшафтларнинг морфологик қисми ҳисобланмайди-ку, аммо у ҳам хўжаликда фойдаланиши нуқтаи назаридан қараганда нисбатан бир хил бўлган йирик табиий ҳудудий комплексдир ва урочишеларнинг мажмуудан иборатдир. Юкорида баён этилган морфологик бирликлар асосан текислик ўлкаларнинг ландшафтлари мисолида ўрганилган бирликлар бўлиб, тоғлик ўлкалар ландшафтларига тадбик этилганда, баъзан кўшимча оралик бирликларни ажратишга тўғри келади. Масалан, Лъвовлик ландшафтшунос Г.П.Миллер (1974) Карпат тоғлари ландшафтларининг морфологик бирликлари тизимига сектор-жой-стрия-мураккаб урочише-оддий урочище-урочищеч-звено-

фация каби бирликларни киритади. Бундай кўп погонали морфологик бирликлар тизими маҳаллий аҳамиятга эга бўлиб, бошқа ўлкаларда яна бошқачароқ кўрининча бўлиши мумкин.

Шундай қилиб ландшафт ўзидан кичик бўлган комплекслардан, яъни морфологик қисмлардан ташкил топган мураккаб табиий ҳудудий комплексdir. Ландшафтнинг ҳар бир морфологик қисми ҳам ўзига хос хусусиятга эга бўлган комплекс деб қаралиши билан бирга, улар айрим ўхшаш белгиларга асосланган ҳолда гасириф қилиниши мумкин, яъни типологик бирлик сифатида қаралиши мумкин.

Ландшафтнинг морфологик қисмлари орасидаги алоқадорлик тавсифи ландшафтнинг горизонтал ёки морфологик тузилиши уни бошқа тоифадаги табиий ҳудудий комплекслардан ажратиб олишда ишончли белги бўлиб хизмат қиласди ва ландшафтларни чегаралаб олишда аниқ мезон бўла олади.

Ҳар қандай ландшафтнинг морфологик тузилишини тарихий шаклланган тизим деб қараш керак бўлади. Шунинг учун ландшафтнинг морфологик тузилишини ўрганиш генетик қоидага асосланиши лозим. Бунда ҳар бир табиий ҳудудий бирлик тарихан шаклланган деб қаралиши ва унинг ривожланиши конунгиятлари ҳам аникланиши керак.

Шундай қилиб, ландшафтлар бошқа ҳар қандай геотизимлар сингари компонентлардан, яъни таркибий қисмлардан тузулгандир. Шу билан бирга улар кичикроқ бўлган геотизимлар, яъни морфологик қисмлар мажмудидан иборатdir. Ландшафтлар очик геотизим бўлганилиги учун улар маълум мухитда шаклланади, мавжуд бўлади, ён-атрофдаги қўшини ландшафтлар билан ҳам ўзаро таъсир ва алоқада бўлади, яъни ҳар бир ландшафт ўзидан катта бўлган геотизимнинг бир қисмидir.

Юқорида биз ландшафтларнинг қандай таркибий қисмлар-компонентлар ва морфологик қисмлардан тузилганини кўрдик. Аммо ландшафтнинг компонентлари ва морфологик қисмларининг маконда жойлашиш тартибини аниглаш билан ландшафтнинг ички тузилишини ва асосий хусусиятини белгилаб олишимиз кийин. Ландшафтнинг ички тузилишини таҳлил қилиш ландшафт тадқиқотларининг энг муҳим ва мураккаб босқичларидан биридир.

Ландшафтнинг ички тузилиши деганда биз фақат унинг компонентлари ва морфологик қисмларининг жойлашиш тартибинигина эмас, балки улар орасида муттасил рўй бериб турадиган ўзаро таъсир ва алоқадорликни ҳам тушунамиз. Ҳар бир ландшафтдаги ўзаро таъсир ва алоқадорликларни ўрганиш орқали ландшафтга хос бўлган асосий хусусиятларини ҳам билиш мумкин бўлади.

Ландшафтда рўй берадиган ўзаро таъсир ва алоқадорликларнинг икки хили мавжудидир. Улардан биринчиси вертикал йўналишдаги ўзаро таъсир ва алоқадорликлар бўлиб, асосан ландшафтнинг компонентлари орасида модда ва энергия алмашиниши оқибатада юзага келади.

Ландшафтдаги модда ва энергиянинг вертикал алмашинишига мисол қилиб сув юзасидан бўладиган буғланишни - сув буғларининг конденсацияланиши - ёғин ёғиши кабиларни айтиш мумкин. Бунда нафақат сув


ёки сув буғлари, балки турли хил моддалар ва кимёвий унсурлар ҳам бир компонентдан иккинчисига, ундан учинчисига ўтиб туриши мумкин.

Иккинчи хил ўзаро таъсир ва алоқадорликлар горизонтал йўналишда рўй берадиган алоқадорликлар бўлиб, ландшафтнинг морфологик қисмлари орасида модда ва энергия алмашиниши орқали ҳосил бўлади.

Горизонтал йўналишда рўй берадиган алоқалар мавжудлигининг омилиларидан бири ландшафтларнинг ва унинг морфологик қисмлари нинг ёнма-ён, кўшини бўлиб жойлашганлигидир.

Горизонтал алоқаларга модда ва энергиянинг иклимий айланиб юриши, айниқса иссиқлик ва намликтин гўчишини белгилаб берувчи ҳаво массаларининг ҳаракати кўпроқ таъсир этади.

Яна бир муҳим омил экзоген жарабёнлардир. Бу жараёнлар ҳар хил ландшафтда ҳар хил куч билан, ҳар кил жадаллик билан кечади. Гравитация ҳам қурумлар, сурilmалар, кор кўчкилари ҳосил бўлишида, оқар сувларнинг иши унга боғлик ҳолда кўчуб юриши, бир жойдан иккинчи жойга ўтиб тўпланишига сабаб бўлади. Ландшафтларнинг таркибий қисмлари орасида ва морфологик қисмлари орасида бўладиган алоқадорликлар ҳақида энг умумий тасаввур ҳосил килиш учун кўйидаги ландшафт моделларини кўриш мумкин (8- расм).



8- расм. Ландшафтларнинг бир тизимли (I) ва кўп тизимли (II) моделлари (В.С.Преображенский, 1966 бўйича).

**K<sub>1</sub>** компонентлар ва улар орасидаги алоқалар


**A, B** уроцишлар ва улар орасидаги алоқалар

**a<sub>1</sub>** фациялар ва улар орасидаги алоқалар

$\Rightarrow$  ландшафтларнинг ташки мухит билан алоқаси

Ландшафтда рўй берадиган ўзаро таъсир ва алоқадорликлар модельларда акс этганидек кўпинча икки томонлама бўлиб, жуда оддий кўрингани билан аслида эса мураккаб ва динамик жараёнларнинг йигинидисидан иборатдир. Бу жараёнлар маконда ҳам, замонда ҳам жуда ўзгарувчандир. Модда ва энергиянинг вертикал йўналишда ҳам горизонтал йўналишда алмашиниб туриш жараёни ҳам ўзаро таъсир ва алоқададир. Масалан, ландшафтта кириб келаётган күёшнинг иссиқлик энергияси горизонтал ҳаракатдаги ҳаво массаларининг энергияси билан, вертикал йўналишда кириб келаётган атмосфера ёғинларининг ер ости ва устки сувлар билан ўзаро таъсир ва алоқада бўлишини инкор этиши кийин.

Ландшафтда рўй берадиган вертикал ва горизонтал алоқаларнинг ўзаро таъсирда бўлишини ландшафтнинг вертикал кесмасида кўриш мумкин (9- расм). Бундай икки хил алоқадорликлар бир вактнинг ўзида рўй беради. Вертикал йўналишда ҳаракатланаётган модда ва энергиянинг маълум бир кисми горизонтал йўналишда ҳаракатланаётган модда ва энергияга кўшилиб кетиши ва аксинча бўлиши табиийдир. Икки хил йўналишда ҳаракатда бўлган модда ва энергиянинг ўзаро кўшилиб, аралашиб кетиши натижасида турли хил алоқадорликлар ҳосил бўлади. Уларни таҳдил қила билиш атроф-мухитнинг ифлосланиши ва унинг оддни олиш масалаларини ҳал килишда катта аҳамиятга эгадир.



9- расм. Ландшафтдаги вертикал ва горизонтал алоқаларнинг умумий кўрининиши.

Бир компонентдан иккинчисига йўналган доимий, аниқ ва нисбатан барқарор бўлган алоқалар тўғри алоқалар дейилади. Бундай алоқаларга тектоник структуралар билан рельеф орасидаги, рельеф билан иклим, иклим билан сувлар орасидаги алоқаларни мисол тариқасида келтириш мумкин. Иклим омииллари, жумладан атмосфера ёғинлари, дарёларнинг

тўйиниши, сув режимини ва бошқа кўргина оқим кўрсаткичларини белгилайди. Сув оқимининг тупроқ ҳосил бўлиш жараёнида тутган ўрни ҳам маълум. Тупроқ билан ўсимлик, ўсимлик билан ҳайвонот орасидаги алоқалар ҳам тўғри алоқаларга киради.

Ландшафтнинг компонентлари орасидаги, турли омиллар билан жараёnlар орасидаги боғлиқлик ва алоқадорликни айрим моделларини биз С.Д.Муравейский (1948), А.П.Гальцов (1964), Г.Рихтер (1968), Д.Л.Арманд (1975) кабиларнинг ишларида учратамиз. Бундай моделларнинг кўпчилиги шуни акс эттиради, модда ва энергиянинг вертикал йўналишда кўчиб юриши табиатдаги моддаларнинг айланма харакатини бошқариб туради. Яна бир нарсани эслатиб ўтиш керакки, органик моддаларнинг айланма харакатида органик моддаларнинг ҳосил бўлиши ва парчаланишидан ташқари, яъни унинг минераллашиши ёки чириндига айлананишидан ташқари озиқа занжирлари ҳам иштирок этади. Шунинг учун ҳам табиатда чиқинди деган нарсанинг ўзи бўлмайди ва органик моддаларнинг айланма харакатини табиатдаги нисбий мувозанатга мисол тариқасида келтирса бўлади. Аммо бундай нисбий мувозанат чекланган вақт давомидагина мавжуд бўлиб, барibir табии жараёnlарнинг сўнгти натижаси ландшафтдаги қайта тиклаймайдиган ўзгаришлар эканлигидан далолат беради. Ана шу суст давом этадиган ўзгаришлар ландшафтнинг табиий ривожланишининг асоси хисобланади.

Юқорида эслатиб ўтилган моделлар ландшафтдаги алоқаларнинг кўпинча жуда мураккаб ва серкирра эканлигидан далолат беради, шу билан бирга ландшафтларнинг ташкил топиши, шаклланиши, мавжудлиги ва табакаланиши муаммоларини ҳал этиш учун хали кўп илмий изланишлар ўтказиш зарурлигини тақазо этади.

Ландшафтларнинг морфологик қисмлари орасида ҳам ўзаро таъсир ва алоқадорликлар, яъни модда ва энергия алмашиниб туриши мавжуд бўлиб, улар иккинчи хил, яъни тескари алоқаларга киради. Ландшафтларда кўпроқ ана шундай алоқалар хукмронлик қиласди.

Тескари алоқалар ландшафтнинг ташқарисидан таъсир этадиган кучларга ёки "туртки"ларга қаршилик кўрсата олиш хусусияти борлигини белгилайди ва уларнинг ўзини ўзи бошқариб туришида, барқарорлик ҳолатини саклаб туришга шароит яратиб туради, ландшафтнинг ташкил кучлар таъсирига чидамлилигини таъминлаб туради.

Тескари алоқаларнинг ўзи ижобий ва салбий бўлиши мумкин. Ижобий тескари алоқалар ташкил кучлар ландшафтга қайси йўналишда таъсир этса, ўша йўналишда таъсир кўламини кучайтириб боради ва занжирсимон реакцияга сабаб бўлади. Оқибатда ландшафтда кескин, қор кўчкискига ўхшаш ўзгаришлар рўй бериши мумкин. Ижобий тескари алоқалар муттасил ҳаракатда бўлмайди ва чексиз ўзгариб туриш ҳолатига эга бўлмаган элементлар билан чеклангандир.

Салбий тескари алоқалар ландшафтнинг асосий морфологик қисмларининг барчасига тааллуқли бўлиб, уларнинг бирортасида ўзгариш бўлади-

ган бўлса унга қарши "ишлайди" ва яна ландшафтда барқарорлик ҳолатни тиклашга ҳаракат килади. Шунинг учун ҳам ландшафту ташқаридан доимо модда ва энергия келиб турашига қарамай у ўзининг нисбатан барқарорлигини саклаб турла олади.

Ландшафтлар вертикал йўналишда ҳам, горизонтал йўналишда ҳам очик геотизимлар хисобланади. Чунки муайян бир ландшафт атрофмұхит билан, ён-веридаги қўшни ландшафтлар билан ҳам доимо модда ва энергия алмашиниб туради. Ҳар бир ландшафтда рўй берадиган модда ва энергиянинг сарфи унга кириб келаётган модда ва энергияга тенглашишга ҳаракат килади. Ландшафтта ёки унинг морфологик қисмларидан бирига кириб келаётган модда ва энергия оқими ландшафт ёки унинг морфологик қисми томонидан турли хил акс таъсир жараёнини келтириб чиқаради.

Ландшафтларнинг ичидаги рўй берадиган ўзаро таъсир ва алоқаларни бирма-бир аниклаб, бир тартибга солиб олишининг ўзи ниҳоятда мураккаб ишлайди. Ландшафтда олиб борилган бир ёки икки марта кузатишларнинг натижасига таяниб бундай таъсир ва алоқалар ҳақида фикр юритишининг ўзи нотўғри бўлади. Бунинг учун жуда кўп ва оммавий кузатишларнинг натижалари, уларнинг чукур тахлиси зарур бўлади.

Юқорида келтирилган фикрлардан кўриниб турибдики, ландшафтнинг таркиби қисмлари орасида ҳам, морфологик қисмлари орасида ҳам, қўшни ландшафтлар билан ҳам ўзаро таъсир ва алоқадорликлар мавжуд бўлиб, улар макон ва замонда ўзгарувчанди.

Ландшафтнинг структурасини белгилаб берувчи ўзаро таъсир ва алоқадорликлар бир томонлама ва икки томонлама, тўғри ва тескари, салбий ва ижобий, қисқа ва узоқ муддатли бўлиши мумкин. Уларнинг ҳар бири ўзига хос мураккаб жараёнлар бўлиб, турли хил оқибатларга сабаб бўлади.

Ландшафтнинг ички тузилиши деган тушунчага ландшафтнинг компонентлари ва морфологик қисмларнинг маконда жойлашиш тартиби ва улар орасидаги ўзаро таъсир ва алоқадорликлардан ташқари ландшафтнинг замондаги (вактдаги) маълум ва конуний ҳолатлари мажмунини ҳам киритиш керак бўлади. Бундай ҳолатлар мажмунини эътироф этиш ландшафтнинг замонда ўзгарувчан ва динамик геотизим эканлигини эътироф этишади.

Ландшафтнинг у ёки бу ҳолати аниқ вақт чегарасига эга эмас. Кўпинча аникланган ландшафт ҳолатларининг узун ёки қисқалиги шу ҳолатларга хос бўлган бир ёки бир нечта табиий жараёнларнинг мавжудлик вақтига мос келади.

Ландшафтларда аникланиси мумкин бўлган бундай ҳолатлар турли вақт бўлакларини камраб олади. Баъзи ҳолатларнинг давомийлиги маълум қоидалар бўйича белгиланган бўлса, баъзи ҳолатларнинг давомийлиги тасодифий бўлиши мумкин. Масалан, ландшафтларнинг кундузги ва тунги, фаслий ва йиллик ҳолатлари Ернинг ҳаракатларига боғлиқ ҳолда уларнинг давомийлиги аниқ белгиланганади.

Ландшафтлардаги айрим ҳолатлар эса бунинг аксича тасодиғий бўлиши, уларнинг давомийлиги ҳам тасодиғий жараён кўринишсида бўлади. Масалан, шамолли, булутли, ёғин-сочинли, совук ҳароратли ёки иссик ҳароратли ҳолатлар каби.

Ландшафтларнинг ички тузилишини аниқлаш ва таҳдил килишда белгиланиши ахамиятли бўлган ландшафтнинг ҳолатлари, ландшафтларнинг динамикасини, ривожланишини ва яшашини ўрганиш учун ҳам муҳимдир.

## ЛАНДШАФТЛАРНИНГ ДИНАМИКАСИ, РИВОЖЛАНИШИ ВА БАРҚАРОРЛИГИ

Ландшафтнинг таркибий кисмлари ҳисобланган компонентлар орасида ҳам, унинг морфологик кисмлари орасида ҳам муттасил модда ва энергия алмашиниб туриши унинг ички тузилиши ниҳоятда мураккаб эканлигини кўрсатиш билан бирга ландшафт қотиб қолмаган, доимо ўзгариб, ривожланиб турадиган, ўзига хос маҳсус фаолиятда бўлиб турадиган моддий тизим эканлигидан далолат беради. Ҳар бир муайян ландшафт ўз ичидаги рўй берадиган ҳамда ташқаридан таъсир этиб турадиган турли жарайёнлар ва омиллар таъсирида турли ўзгаришларга учрайди, яшайди ва ривожланади. Шу билан бирга ҳар бир ландшафт бир бутундир, унинг таркиби ҳам, ички тузилиши ҳам етарли даражада доимий ва ташки кучлар, жумладан инсоннинг ҳўжаликдаги фаолияти таъсирига нисбатан чидамлидир. Ҳар бир ландшафтда ўзини ўзи бошқариб, ўзини ўзи ривожлантириб туриш ҳусусиятлари мавжуддир. Ҳар бир ландшафтга ўз ривожланишини барқарорлаштириб турувчи динамика хосдир.

Ландшафтнинг динамикаси ва ривожланиши тушунчалари ҳакида ҳанузгача муҳим бир фикрга келинмаган. География адабиётларида бир сўз ўрнига иккincinnisinи ишлатиб ёки чалкаштириб юбориш ҳоллари учраб туради. Аслида эса ландшафтдаги рўй берадиган барча ўзгаришларни ҳам динамика деб бўлмайди.

Ландшафтнинг динамикаси тушунчасига А.А.Крауклис (1979) кискача килиб қўйидагича таъриф беради: динамика - бу ички ва ташки кучлар таъсирида ландшафт ҳолатининг ўзгаришидир.

Ф.Н.Милков (1990) фикрича динамика ландшафтшуносликнинг марказий масалаларидан биридир. Ландшафт динамикаси - бу ландшафтнинг ўз вазифасини бажариши, ҳудуди ва ички тузилиши билан боғлиқ бўлган ўзгаришларидир. Ландшафтдаги динамик ўзгаришлар турли-туман бўлганлиги учун Ф.Н.Милков уларнинг турлари ва хилларини аниқлашга уриниб кўради. Унинг фикрича хоролигик динамика (ландшафт чегарасининг ўзгариши билан боғлиқ), ички тузилиши билан боғлиқ бўлган динамика (ландшафтнинг морфологик кисмлари ва улар орасидаги алоқаларнинг ўзгариши билан боғлиқ), замонавий динамика (ландшафт-

нинг вақт билан бөлгик бўлган ўзгаришлари) ҳамда йўналган динамика ёки ривожланиш динамикаси (ландшафтнинг бир томонлама йўналган ўзгаришлари) кабиларни ажратиш мумкин. Булар ўз навбатида яна генетик хилларга бўлиниди.

Г.Рихтер (1983) эса табиий жараёнларнинг динамикаси деб фақат жараёнлар жадаллигининг фаслларда ўзгаришини тушунади. Бундай ўзгаришлар асосан ҳаво ҳарорати, ёғин-сочин ва буланишнинг йил давомида ўзгариши билан боғликдир.

Ландшафт динамикаси деган тушунча кеңг маъноли, серкирра ва ландшафтшуносликдаги асосий тушунчалардан бири эканлигини А.Г.Исаченко (1991) ҳам эътироф этади. Унинг фикрича ландшафтнинг ички тузилишини қайта шаклланишига олиб кела олмайдиган ва тизимнинг такрорланиш хусусиятига эга бўлган ўзгаришларни динамика деб атаса бўлади. Масалан, ландшафтда бир кечакундуз давомида, йил (фасллар) давомида кечадиган туркумга хос бўлган ўзгаришларни ландшафтнинг динамикаси деса бўлади. Агар ташки кучлар, жумладан инсон таъсири натижасида ҳам ландшафтда қандайдир ўзгаришлар рўй берган бўлса, унинг қайта тикланиш жараёнидаги ҳолатларнинг ўзгариши ҳам динамикадир. Ландшафтдаги динамик ўзгаришларнинг мавжудлиги ландшафт ташки кучлар таъсирида ўзгаририлган тақдирда ҳам маълум вақт давомида у яна ўзининг аввалги ҳолатига қайтиш хусусиятига эга эканлигидан, ташки кучларга нисбатан чидамлилик хусусияти борлигидан далолат беради.

"Охрана ландшафтов" изоҳли луғатида динамика атамаси грекча "dynamis" сўзидан олинганилиги ва куч деган маънони англитиши ҳамда ландшафт динамикаси деганда бир инвариантга бўйсунган ўзгарувчан ҳолатлар ҳаракати тушунилади. Ландшафтнинг динамикасига ландшафтнинг маълум структураси мавжуд бўлиб турган вақт мобайнидагина рўй бериши мумкин бўлган ўзгаришларнитина киритиш мумкин. Агар ички ва ташки жараёнлар таъсирида ландшафтнинг ички тузилишига путур етса ва у ўзгарса бундай ўзгаришларни В.Б.Сочава эволюцион ўзгариш деб атайди. Бошқачарок килиб айтганда ландшафтдаги динамик ўзгариш бир инвариант доирасида бўлганлиги учун ландшафтнинг тубдан сифат ўзгаришига олиб келмайди. Эволюцион ўзгаришлар эса ландшафтнинг ички тузилишини ўзгаришига, бир ландшафтнинг ўрнига бошқасини ҳосил бўлишига сабаб бўлади. Бундай ўзгаришлар кўпинча геологик вақтни ўз ичига олади.

В.Б.Сочава геотизимларнинг динамикаси ва эволюцион ўзгаришлари ҳақида фикр юритар экан инвариант тушунчасидан фойдаланиши лозим топди. Инвариант сўзи лотинча бўлиб, ўзгартмайдиган деган маънони англатади. Инвариант тушунчаси асосида у ёки бу геотизимнинг ўзгариш вақти давомида ўзгармай қолган ҳолатлар йигиндиси ҳақидаги тасаввур ётади, яъни геотизимларнинг ташки кучлар таъсирида ўзгариш жараёнидаги ўзгармай қоладиган хусусияtlари инвариант хисобланади. Ландшафтнинг инвариантни унинг морфологик қисмлари учун ҳам умумийдир.

Ландшафтларнинг инвариант хусусиятларини аниқлаб олиш ва ўрганиш табиат муҳофазаси билан, маданий ландшафтларни барпо қилиш билан боғлик бўлган илмий ва амалий муаммоларни ҳал этишда муҳим аҳамиятта эгадир. Чунки ландшафтнинг инвариантини аниқламай туриб унинг ўзгариш даражасини, унинг ички тузилиши бузилиб кетиш хавфи қай даражада экантигини билиш қийин бўлади.

Ландшафт динамикаси тушунчаси билан ландшафтнинг ички тузилиши деган тушунча асосида модда ва энергия алмашиниши ётганлиги учун уларни ўзаро алоқадор тушунчалар деса бўлади. Шунинг учун ландшафтнинг ички тузилиши ҳакида ҳам, динамика ҳакида ҳам сўз юритганда албатта ландшафтнинг ҳолати деган тушунчага дуч келамиз. Ландшафтнинг динамикаси ландшафтнинг ҳолатини ўзгариши билан белгиланади.

И.И.Мамай (1982)нинг таърифлашича ландшафтнинг ҳолати деб, ландшафт ички тузилишининг озми-кўпми узок вақт давомида сакланадиган хусусиятларига айтилади.

Умуман ландшафтларда турли ҳолатларнинг алмашиб туриши ҳакидағи фикрларни ландшафтшуносликка асос соглан олимларнинг дастлабки йилларда юзага келган илмий ишларида ҳам учратамиз. Масалан, Л.С.Берг (1931) ландшафтда бўладиган ўзгаришларнинг икки хили мавжудлигини кўрсатиб ўтади: тақрорланадиган ва тақрорланмайдиган. Тақрорланадиган ўзгаришларга асосан фасиллар алмашиниши билан боғлик бўлган ўзгаришларни киритади. Бундай ўзгаришлар ландшафтда мавжуд бўлган ички тартибга айтилар бирор янгилик кирита олмайди. Тақрорланадиган ўзгаришларга ҳалокатли тавсифдаги зилзила, катта ёғинлар, довул, сув тошкени каби ўзгаришларни ҳам кўшади. Чунки ландшафтлар бундай ўзгаришдан кейин яна олдинги ҳолатига қайтишга ҳаракат қиласди.

Тақрорланмайдиган ўзгаришларда ландшафтлар ўзининг аввали ҳолатини тиклай олмайди ва ўзгаришлар бир томонлама маълум йўналишида бўлади.

Ю.П.Бяллович (1947) ландшафтларда рўй берадиган ҳолатларни тасниф киласар экан, уларнинг уч хилини ажратади: 1) метсоэнергетик омиллар қўзғотадиган ҳолатлар алмашиниши (бир лаҳзалик ёки дақиқалик ҳолатлардан тортиб бир йиллик ва кўп йиллик ҳолатларгача); 2) ҳолатларнинг даврий алмашиниши (ўсимликларнинг табиий динамикаси ва антропоген омиллар билан боғлик); 3) циклларнинг тақрорланмайдиган алмашиниши (экзоген ва эндоген) кабиллар.

Н.Л.Беруҷашвили (1990) табиий ҳудудий комплекснинг ҳолати деганда вақтнинг қандайдир бир оралиғида табиий ҳудудий комплексни таърифловчи томонларнинг маълум нисбатини тушунади. Унинг фикрича шу вақт оралиғида табиий комплексга кириб келадиган таъсир (куёш радиацияси, ёғин-сочин ва ҳ.к.) табиий комплексдан чиқадиган таъсирлар (оким, гравиген оким кабиллар)га айланади.

Табиий комплексларнинг ҳолатлари ўзининг давомийлигига қараб учга бўлинади:

1. Қисқача вактлик ҳолатлар - давомийлiği бир суткагача бўлиб, ҳаво массалари ва уларнинг ўзгариши билан боғлиқ бўлади.

2. Ўртача вактлик ҳолатлар - давомийлiği бир суткадан бир йилгача давом этадиган ҳолатлар, асосан йил фаслларидағи ҳолатларни ўз ичига олади. Об-ҳаво билан боғлиқ бўлган ва фасллардаги ўзгаришлар билан боғлиқ бўлган суткалик ҳолатлар - стекслар ҳам шу хилга киради.

3. Узоқ муддатлик ҳолатлар - давомийлiği бир йилдан кўпроқ вактни ўз ичига олиб, одатда кўп йиллик иклим даврлари ёки ўсимлик қопла-мининг сукцессияси билан боғлиқ бўлади.

Хуллас, ландшафтнинг ҳолати деган тушунча мураккаб ва йирик илмий тушунча бўлиб, унинг кўп томонлари етарли ва пухта ишлаб чиқилмаган ва ҳали кўп илмий тадқиқот изланишларини талаб қиласди. Ландшафтлар динамикаси ва ривожланишини ўрганишда бу тушунчани тўғри талқин қилиш катта аҳамиятга эгадир.

Ландшафтнинг динамикаси ҳакида сўз борар экан, унинг кўпроқ ташки смилларга боғлиқ эканлигини ҳамда маромли тавсифга эга эканлигини эслатиб ўтиш лозим. Масалан, бир кечакундузда ёки йил давомидаги (фасллар алмашиниши) бўладиган маромли ўзгаришлар Ернинг ўз ўки атрофида ва қўёш атрофидаги айланма ҳаракати билан боғлиқ бўлса, II йиллик маромли ўзгаришлар эса қўёш фаоллиги билан боғлиқдир. Қуёш фаоллиги Ерда магнит майдонини тўлқинланишига ва атмосферада ҳавонинг айланнишига таъсир этиб улар орқали ҳарорат ва намгарчиликни ўзгаришига сабаб бўлади.

Махсус адабиётда (Е.Брикнер, 1890; А.В.Шнитников, 1957) узок муддатли маромлар 80-90 йиллик, 1850 йиллик ва жуда узок муддатли (40-50 минг йиллик, 40-60 млн.йиллик ёки 200-500 млн.йиллик) бўлиши мумкинлиги қайд этилган. 1850 йиллик маромлар қўёш, ой ва Ернинг бир-бира гисбатан жойлашишига боғлиқ ҳолда сув қалқиши кучларининг ўзгариши ҳамда дунё миқёсида иклим ўзгаришлари билан боғлиқдир. Жуда узок муддатли маромларнинг келиб чиқиши ва шаклланишининг табиати яхши ўрганилмаган ва исбот талаб қиласдиган томонлари кўп.

Умуман олганда ландшафтларда рўй берадиган маромли ўзгаришларни вактда чеклаб олишининг ўзи мураккаб масаладир ва нисбийдир. Географик қобиқка ёки бошқа йирик геотизимларга хос бўлган маромли ўзгаришлар ҳар бир ландшафтдаги маромли ўзгаришларга вакт мобайнида мос келмаслиги мумкин. Бундай вактдаги номутаносиблик ландшафтнинг компонентлари орасида ҳам, унинг морфологик қисмлари орасида ҳам мавжуддир. Чунки уларнинг ҳар бири ўзига хос конунийлар асосида ҳаракатда бўлади ва ташки кучлардан турлича таъсирланади.

Тўсатдан бўладиган, ҳалокатли тавсифдаги таъсирлар ҳам ўз таъсир майдонининг кўламига боғлиқ ҳолда турли геотизимларда турлича ўзгаришларга сабаб бўлади. Геотизим қанчалик кичик бўлса ва таъсир кучининг эпицентринга яқин бўлса, шунчалик кўпроқ ўзгариши ва у яна ўзининг олдинги ҳолатига қайтиши учун нисбатан кўпроқ вакт кетиши мумкин.

Ландшафтнинг динамикаси деган тушунча билан ландшафтнинг ривожланиши деган тушунча орасида алокадорлик, боғланиш бор. Ландшафтларда бўлиб турадиган озми-кўпми динамик ўзгаришлар йигилиб бориб ландшафтларда тубдан бўладиган эволюцион ўзгаришларга сабаб бўлади ва ландшафтлар ривожланишининг маълум босқичларини ҳосил қиласди.

Моддий дунёнинг ривожланиши материалистик диалектиканинг энг муҳим категорияларидан бири ҳисобланади. Файласуфларнинг эътироф этишича ривожланиши моддий дунёни тушунишнинг энг асосий тамоилилардан биридир ва устивор илмий аҳамиятга эгадир.

Ривожланиш тушунчаси табиий географияга, жумладан, ландшафтшуносликка ҳам бирдай тегишилдири.

А.Г.Исаченко (1991) ёзганидек ландшафтнинг ўзгаришини такрорланадиган ва тақрорланмайдиган қилиб бўлишнинг ўзида шартлиллик мавжуд. Чунки ҳар бир табиий географик жараён даврий тавсифга эга ва албатта, ландшафтда ўзининг изини қолдиради. Шу маънода А.И.Перелман (1966) ёзганини эслаш кифоя. Унинг фикрича модданинг ҳар қандай айланма ҳаракати берк даврни ташкил қилмайди. Натижада ландшафт ўзининг аввалги ҳолатига кайтмайди ва қандайдир янги хусусиятларга эга бўлади.

Ҳар бир цикл, ҳатто у киска муддатли (масалан, бир йиллик) бўлган тақдирда ҳам қандайдир тақрорланмайди ва баззан тез илғаб олиш кийин бўлган ўзгаришларни қолдиради. Масалан, атмосфера ёғинлари натижасида ёнбагирларда ҳосил бўладиган сув оқими тоғ жинсларни устки қисмидаи, тупроқдан маълум микдорда минерал ва органик моддани юваб кетади. Пастқам жойларда эса унинг акси, яъни ён-атрофдан ювилиб келган турли моддаларни тўпланиши рўй беради. Бундай жараёнлар бир томонлама йўналган бўлиб, маромли тарзда кўпайиб, камайиб, жадаллашиб ё сустлашиб туриши мумкин.

Ландшафт ҳолатларининг ўзгариш даврини чулғам тарздаги ривожланишининг битта ҳалқаси деб тасаввур қиласа бўлади.

Фалсафий манбаларда: "Ҳаракат - бу модданинг мавжудлик усулидир", "Дучёда ҳаракатланувчи моддадан бўлак ҳеч нарса йўқ", "Жисмларнинг ўзаро таъсири - бу ҳаракатдир", "Ҳаракат - бу умуман ўзгаришдир", "Модданинг ҳаракат шаклларини билсак - моддани билган бўламиз", "Ҳар қандай ҳаракатнинг ички импульси қарама-қаршиликлар ва уларнинг курашидир", "Ҳаракат оммавий ва абсолют ҳарактерга эга, ҳеч қачон ва ҳеч қаерда абсолют ҳаракатсизлик ва мувозанат бўлиши мумкин эмас, ҳаракатсизлик ва мувозанат ҳаракатнинг бир лаҳзаси холос", "Алоҳида ҳаракат мувозанатга интилади, ҳаракатлар биргаликда эса уни яна яксон киласди", "Жисмларнинг нисбатан ҳаракатсизликда бўлиши ва вақтинча мувозанатлик ҳолатларнинг бўлиши материя табакаланишининг ва шу билан бирга ҳаётнинг энг муҳим шарт-шароитларидан биридир" каби жумлалар тез-тез учраб, бир-бирини тўлдириб туради. Ушбу фикрларнинг десярли ҳаммаси ландшафтнинг хусусиятига тааллуқлайдир.

С.В.Калесник (1955) фикрича ландшафт қобигининг ривожланиш манбани бўлиб, ундаги кўплаб қарама-карши йўналишларнинг тўкнашуви ҳисобланади. Энг асосий қарама-каршилик ландшафт қобигининг ички ҳусусиятлари, яъни зоналлик ва азоналлик орасидаги қарама-каршиликдир. Бошқача қилиб айтганда эндоген ва экзоген жараёнлар қарама-каршилигидир, ер юзасига таъсир этувчи қўёш радиацияси ва тектоника орасидаги қарама-каршиликдир.

А.А.Григорев (1966) географик қобиқнинг энг асосий ҳусусияти деб "ўзаро узлуксиз болгик бўлган қарама-карши жараёнлар мадданинг кириб келиши ва сарф бўлиши, мадданинг ассимиляцияси ва диссимиляцияси кабиларнинг бирлиги"ни тушинади.

Ландшафтнинг ривожланишидаги асосий сабаб ва ҳаракатлантирувчи кучлар ҳакида юкоридаги келтирилган фикрлардан ҳам умумий тасаввур ҳосил қиласа бўлади. Аммо ландшафтнинг ўзгариши ҳакида гап боргандা кўпинча ташки кучларнинг таъсирни ҳисобга олиниб, ландшафтнинг ичидаги рўй берадиган қарама-каршиликлар кураши, сон ўзгаришларнинг сифат ўзгаришларига ўтиши, яъни ландшафтнинг ўз-ўзидан ривожланиш ҳусусиятига камроқ эътибор берилади.

Ландшафтнинг ўз-ўзидан ривожланишга қобил эканлигининг асл моҳияти шундан иборатки, унинг компонентлари орасидаги ўзаро таъсир ва алоқадорликлар туфайли компонентлар бир-бирига мослашиб олишга ва ландшафтда мувозанат ҳолатини юзага чиқаришга интилади.

Ландшафтдаги ҳар бир компонент узлуксиз ривожланишда ва ўзгаришлади, агар улардан бирининг ҳусусияти (масалан, иклим) ўзгариб, янги сифатга эга бўлса, колган компонентлар ёки уларнинг ҳусусияти (масалан, ўсимлик, тупрок) унга мослашиб олишга ҳаракат килади. Бундай жараён турли компонентларда турлича жадаллик билан кечади ва базъзан анча вақтни ўз ичига олади. Аммо биринчи бўлиб ўзгарган компонент бу вақт давомида эса яна ривожланишда ва ўзгаришда бўлади. Колган компонентлар яна унга мослашиб ҳаракат килаверади. Демак, ландшафтдаги ички мувозанат вақтнча ва нисбий бўлиши мумкин.

Ландшафтнинг компонентлари ичидаги энг фаол ҳисобланганни биота (ўсимлик ва ҳайвонот)дир. У доимо биотик бўлмаган компонентлар билан қарама-каршиликдадир ва атроф-мухитта мослашишга ҳаракат килади. Натижада бир бутун ландшафтни қайта созлашга олиб келади.

Ҳаракат билан мувозанат узлуксиз ўзгарувчан алоқадорликдадир. Ландшафтдаги мувозанат ландшафтдаги ҳаракат билан ҳаракатсизлик орасидаги мувозанат шароитидагина сақланиши мумкин. Лекин бундай мувозанат нисбий ва вақтнчаликдир.

Ландшафтнинг ичидаги компонентларнинг ўзаро таъсир ва қарама-каршиликлари ландшафтни суст, бир маромда ва кескин ўзгаришларсиз ривожланишига сабаб бўлса, ташқаридан бўладиган таъсир ва алоқадорликлар бу жараённи тезлаштириши ёки кескин ўзгартириб юбориши мумкин.

Ландшафтнинг ривожланиши унинг ички тузилишига хос бўлган белгиларини янги структура белгилари томонидан сикиб чиқариш демакдир. Бу жараён ландшафтда сифат ўзгаришларини ҳосил қилиб, янги ландшафтни барпо бўлишига олиб келади. Аммо бир ландшафтнинг ўзида бир вақтда ҳозирги кунга хос белгилар билан ёнма-ён узоқ ўтмишда шаклланган белгилар ҳам учраши мумкин. Бундан ташкари ҳозирги вақтда ландшафтда учрайдиган айрим ҳодиса ва жараёнларни билиш учун ландшафтнинг тарихини, ёшини билиш зарур бўлади. Шу маънода Б.Б.Полиновнинг (1946) фикри ўтиборга лойик. Унинг ёзишича ландшафт мувозанатдаги тизим эмас. У тўхтосиз ўзгариб туради. Баъзан бу ўзгаришлар қиска муддатли бўлиб бир автод ҳаётি давомида кузатилиши мумкин (масалан, ўрмоннинг ботқокланиши, кўлларни ўсимлик босиб кетиши, кум уюмларининг кўчиши ва х.к.), баъзан эса узоқ муддатда рўй бериб, геологик даврлар миқёсида ўлчаниши мумкин. Аммо бу ўзгаришлар доимо бўлиб туради. Агар шундай бўлса ландшафт ҳакидаги таълимот ландшафтдаги ҳозирги вақтда атроф-муҳит билан озми-кўпми мувозанатда бўлиб тўрган элементлардан ташкари эски (олдинги даврлардан мерос бўлиб қолган) ҳамда янги (прогрессив) унсурларни ҳам фарклай билиши ва ўрганиши лозим. Шундай қилиб, Б.Б.Полинов ландшафтда уч хил унсур бўлиши мумкинлигини айтади: 1) реликт (қадим замонлардан мерос бўлиб қолган ва ландшафтнинг ўтмишни очиб берувчи); 2) консерватив (ҳозирги вақтга мослашган ва ландшафтнинг ҳозирги ички тузилишини белтиловчи); 3) прогрессив (ландшафтдаги энг ёш ва ландшафтнинг келажакда қай йўналишида ривожланишини билишга асос бўла оладиган).

Ландшафтда рўй бериши мумкин бўлган ўзгаришлар даставвал энг кичик морфологик қисмлар - фацияларда кўзга ташланади. Кейинчалик у ёки бу уроцише ўзгариши мумкин. Аммо бутун бир ландшафтнинг ички тузилиши ўзгариши учун анчагина узоқ вақт керак бўлади.

Ландшафт тараққиёти ёки ривожланишининг назарий масалаларидан яна бири ландшафтнинг ёши масаласидир.

Умуман олганда турли катта-кичик геотизимларнинг ёшини аниқлаш борасида озми-кўпми илмий ишлар килинган ва геотизимнинг кўлами қанчалик катта бўлса, у шунчалик олдинроқ пайдо бўлган деган хуноса мавжуд. Аммо уларнинг ёшини қайси вақтдан бошлаб ҳисоблаш керак деган масала ҳали мунозаралидир. Айрим табиий географлар ландшафтнинг геологик-геоморфология асоси қачон шаклланган бўлса унинг ёшини ўша вақтдан бошлаш керак дейиншса, айримлар геотизим майдони қачон муз босищдан ёки денгиз босищдан озод бўлган бўлса ўша вақтдан бошлаб ҳисоблашни таклиф қиладилар. Бу ҳолда ландшафтларнинг ёши юз минглаб ёки миллионлаб йилларни ўз ичига олиб, геологик даврлар билан ўлчаниши мумкин. Аммо Орол денгизи атрофида гидек яқинда (кейинги бир неча йил мобайнида) денгиздан озод бўлган жойларнинг ландшафтлари бундан мустасно. Чунки бундай ерлардаги ландшафтлар эндигина шаклланаяпти.

Ландшафтнинг ёшини қайси вактдан бошлаб ҳисоблаш ҳақидаги яна бир фикр анчагина маъқул кўринади. Унинг мазмуни шундан иборатки, ландшафтнинг ёши унинг ҳозирги ички тузилиши қачон шаклланган бўлса ўша вактдан бошланиши керак. Аммо ландшафтнинг турили компонентлари турлича ривожланганини учун ва ривожланиши жадаллиги турлича бўлганлиги учун ҳамда ландшафтлар ҳақида тарихий маълумотлар (геологик ёки иклим маълумотларига нисбатан) жуда кам бўлганлиги учун унинг ички тузилиши қачон ҳозирги кўринишда ривожлана бошлаганини аниқлаб олиш амри маҳоддир. Бундан ташқари ландшафтдаги бир ички тузилма ўrniga янги ички тузилма ҳосил бўлиш жараёни узок муддатни ўз ичига олиши мумкин.

Шунинг учун геотизимларнинг, жумладан ландшафтларнинг ҳам ҳосил бўлиш вактини ҳозирги табиий географик шароитнинг асосий хусусиятлари шакллана бошлаган вактдан бошлаб ҳисоблаган маъқул. Масалан, Туров табиий географик провинцияси, яъни Ўзбекистон Республикаси жойлашган йирик геотизимнинг ҳозирги табиий шароитнинг шаклланиши олигоцен - тўртламчи давр мобайнода давом этди (Н.А.Когай, 1969). Аммо олигоцен - тўртламчи давр ёшидаги Туров провинциясида жойлашган ундан кичикрок бўлган геотизимлар - табиий географик округлар эса турли хил келиб чиқиши тарихига ва ёшга эгадир. Буларнинг ичиди энг ёши куйи Амударё табиий географик округи бўлиб (юкори тўртламчи ва ҳозирги давр), Каироғи Кизилкум табиий географик округидир (ёши плиоцен - тўртламчи давр). Яна-да кичикрок геотизимлар - табиий географик районлар ва ландшафтларнинг ёшига келадиган бўлсак, энди факат олигоцен денгизини қайтиб кетиши ва курук ҳамда иссик иклим хукумролигини эмас, балки неотектоник ҳарататлар ва улар билан боғлик ҳолда рельефнинг, сувларнинг ишини ўзгариши, иклимининг табакаланиши кабиларни ҳам тахлили керак бўлади. Булар эса ўз навбатида тупроқ, ўсимлик ва ҳайвонотнинг табакаланишига сабаб бўлади. Масалан, Э.Д.Мамедов (1980) Кизилкум чўли табиатининг плейстоцен давридаги ҳолатини ўрганар экан, чўллардаги табиий шароитнинг ривожланиши мураккаб маромий тавсифга эга бўлганлиги ва бунда иклим етакчи рол ўйнаганини қайд этади. Унинг фикрича Кизилкум арид иклими олигоцентдан то ҳозирги вактгача бир ҳилда бўлмаган ва бир неча марта намгарчилик фазалари бўлган.

Қозогистон даштилари табиий ландшафтларнинг кўпчилиги голоцен ёшига ва айрим ландшафтлар эса кеч плейстоцен ёшига эга эканлигини аниқлаган В.А.Николаев (1979) ландшафтларнинг энг тез ўзгарувчан компонентлари: тупроқ, ўсимлик ва ҳайвонот дунёси ҳозирги киёфага кейинги 8-12 минг йил ичиди эга бўлганлигини айтади. Шу билан бирга Урал ва Олтой оралигидаги ландшафт, хукумрон урочищелар ва айрим компонентлар ёшини бир вактда акс эттириш мумкин бўлган жадвалини мисол келтиради.

В.А.Николаев фикрича Иртишёни куруқ дашт ландшафти ўрта плейстоцендан бошлаб 250-300 минг йил мобайнида яралган, аммо унинг ички тузилишига хос бўлган асосий хусусиятлар эса кейинги 10-20 минг йилда шакланган. Кўриниб турибдики, ландшафтнинг ёшини аниклаш жараёнида иккита нарсага эътибор бериш керак. Биринчиси ҳозирги ландшафтнинг олдинги ички тузилиши асосида шакланган бирламчи унсурларнинг ёши ва иккинчиси том маънода ҳозирги ландшафтнинг ёши. Хуллас, ландшафтнинг ёшини аниқ қилиб 1,2-10 йил фарки билан айтиб бериш амри маҳоддир. Аммо ландшафтлардан оқилона фойдаланиш ва ландшафтлар келажакда қандай кўринишда бўлишини олдиндан айтиб бериш учун унинг ёшини аниклашдан кўра кўпроқ унинг ривожланишидаги баркарор ва муайян йўналиш хусусиятларини (жумладан, инсон таъсирини ҳисобга олган ҳолда ҳам) аниклаб олиш мухимроқдир.

Ландшафтлар ривожланишининг муайян йўналишини (тенденциясини) аниклаб олиш ландшафтларни ҳалқ ҳўжалитининг у ёки бу тарморини ривожлантириш нуктаи-назаридан баҳолаш ҳамда истиқболни белгилаш учун мухим шарт-шароитлардан бирийdir.

Кейинги 15-20 йил ичиде табиатшунослик фанларида мувозанат баркарорлиги, ўсимлик ёки ҳайвон тури баркарорлиги, биоценоз, экотизим ёки геотизим баркарорлиги каби атамалар тез-тез ишлатиладиган бўлиб қолди. Ландшафтшуносликда ҳам ландшафтларнинг баркарорлиги деган тушунча ишлатилмокда ва ландшафтларнинг баркарорлитини ўрганиш ва аниклаш масалалари ландшафтшуносларнинг эътиборини ўзига жалб қилмокда. Бунинг энг асосий сабабларидан бири табиат билан инсон ўртасидаги муносабатларнинг кескинлашувидир. Кучли техника воситалари билан қуролланган инсон ландшафтларни кенг миқёсда ўзгартира бошлади. Табиий ландшафтлар ўрнида яйги, антропоген ландшафтлар барпо бўла бошлади. Ландшафт билан инсон ўртасида рўй берадиган ўзаро таъсир ва алоқадорликлар ҳақида, инсон таъсирида ландшафтларнинг ўзгариши ва бу ўзгаришларни олдиндан башпорат қилиш ҳақида, умуман ландшафтлар тараққиёти ҳақида гап боргандা ландшафтлар баркарорлигини билиш ва ландшафтларнинг бу хусусиятларини ҳисобга олиш ахмиятлидир.

Хар қандай муайян бир ландшафт маълум бир ландшафтлар гурухида ёки бир каттароқ геотизим таркибида мавжуддир ва "яшайди". ўзи мавжуд бўлган табиий мухитга мослашган бўлади ва шу мухитда баркарор ҳисобланади. Ташки мухитнинг ўзгариши ландшафтларнинг ҳам ўзгаришига олиб келади. Ландшафтларнинг ўзгариши баъзан бошқа ташки омиллар, масалан инсоннинг ҳўжаликдаги фаолияти таъсирида ҳам юз бериши мумкин. Бундай ўзгаришларнинг қанчалик жадал ёки суст бўлиши ташки омилнинг таъсир кучига ва ландшафтнинг баркарорлик даражасига боғлиқдир. Шунинг учун ҳам ландшафтлардан оқилона фойдаланиш, уларни ифлосланиш ва бузилишдан муҳофаза қилиш тадбир-

ларини ишлаб чиқишида ландшафтларнинг барқарорлигини билиш катта амалий аҳамият касб этади.

Умуман олганда, барқарорлик табиатда барча предмет ва ходисаларга хос хусусият бўлиб, умумилмий ва фалсафий тушунчадир. Бу тушунча ландшафтлар динамикаси ва тараққиёти ҳақидаги таълимотда фундаментал тушунчалардан биро ҳисобланади.

"Барқарорлик" атамаси В.С.Преображенскийнинг (1986) ёзишича географияга математика ёки физикадан эмас, балки техникадан кириб келган.

Ландшафтларнинг барқарорлиги деганда, кўпинча уларнинг турли хил ташки таъсирларга бардошлилик ва ҷидамлилик хусусияти тушунилади. "Охрана ландшафтов" (1982) номли лугатда ҳам таҳминан шундай изоҳ берилган ва ландшафтларнинг ўзгариб турувчи мухитда ўзининг маҳсус фаолияти ва ички тузилишини саклай олиш хусусияти унинг барқарорлиги дейилади.

Н.Р.Реймерс (1990) тузган социал-иктисодий-экологик лугатда ҳам экологик барқарорлик деганда, экотизимларнинг ташки омиллар таъсирида ўз структурасини ва функционал хусусиятини саклай олиш қобилияти тушунилади.

М.Д.Гродзинский (1987) барқарорлик атамасининг турли хил манбаларда келтирилган 15 га яқин изоҳларини таҳдил қиласар экан, геотизимлар барқарорлигининг учта умумий шаклини белгилайди. Булар:

1) Геотизимларнинг ташки омиллар таъсири бўлиб туришига қарамай ўз ҳолатини саклаш хусусияти (инертлик);

2) Ташки омил таъсирида геотизимларнинг аввалги ҳолатига қайтиш хусусияти (тикланишилилк);

3) Геотизимларнинг бир инвариант доирасида бир неча ҳолатларга эга эканлиги ва бир ҳолатдан иккинчи ҳолатта ўтиш қобилияти (пластилик) дан иборатдир.

С.А. Ракита (1980) маҳсус адабиётда келтирилган геотизимлар барқарорлигининг турли изоҳлари ландшафт барқарорлигининг турли жабхаларини акс эттириши мумкинлигини ёзади. Унинг фикрича барқарорлик деганда ландшафтларнинг бевосита ўлчанадиган хусусияти ёки томонларини тушинаслаш керак. Барқарорлик мураккаб сифат категориясидир. Унинг серқирраллилиги ландшафтлардаги ўзаро алоқалар ва жараёнларнинг мураккаблиги билан боғлиқдир. Шунинг учун барқарорликни ўрганиш ва баҳолашда турлича ёндошиш мумкинлиги табиийдир.

Ушбу муаллиф Колима дарёси юқори оқимидағи геотизимларнинг барқарорлигини баҳолаш учун кўп йиллик музлоқ ерларнинг иссиқлик ва механик таъсирларга барқарорлигини, фитоценозлар барқарорлигини, ўсимликларнинг ўзини-ўзи тиклай олиши, моддаларнинг геокимёвий айланиши, ландшафтларнинг ифлюсланишдан ўзини тозалай олиш қобилияти кабиларни биринчи навбатда ўрганиб, баҳолаб олиш лозимлитетини таъкидлайди.

Барқарорлик тушунчасининг энг муҳим изоҳларидан бирини "Природа, техника, геотехнические системы" номли китобда учратамиз. Унда барқарорлик тушунчасига табиий тизимларнинг ташки таъсиirlарга қаршилик кўрсата олиши билан бир қаторда ташки таъсиirlар натижасида бузилган бўлса, унинг қайта тикланиш қобилияти ҳам киритилган. Бошқа манбалардаги, масалан Ю.А.Веденин ва б.(1973), К.Н.Дяконов (1974), В.Н.Куликов (1976) кабилар келтирган изоҳлар ҳам мазмун жиҳатидан шунга якиндир. Уларни умумлаштириб бир хуносага келинадиган бўлса, ландшафтларнинг барқарорлиги деганда ташки табиий ёки антропоген омиллар таъсирига нисбатан ўз структурасини, яъни ички алоқадорликлар характерини саклаган ҳолда бардош бера олиш ва шу билан бирга ташки таъсиirlар натижасида ўзгарган ёки бузилган бўлса аввалги ҳолатини қайта тиклай олиш хусусиятлари тушунилади.

Геотизимлар ёки ландшафтларнинг барқарорлиги ҳакида адабиётда берилган изоҳларнинг таҳлили яна шуни кўрсатадики, ландшафтлар барқарорлиги деганда, уларнинг икки хил хусусиятлари, яъни: 1) Ландшафтларнинг ташки омиллар таъсирига қарамай ўз функциясини бажариш қобилиятини саклаб туриши ва 2) ташки омиллар таъсири тугагач ландшафтларнинг яна аввалги структурасига қайтиш хусусиятлари чалкаштириб ёки кўшиб юборилаётги. Шу маънода ландшафтларнинг геокимёвий барқарорлиги ҳакида сўз юритган Н.П.Солнцеванинг (1982) фикрлари эътиборга лойикдир. Унинг фикрича, табиий тизимларнинг барқарорлиги бир хил барқарорлик ҳисобланса, тизимларнинг ўз нормал функциясини бажариш қобилияти иккинчи хил барқарорликка киради. Ушбу муаллиф барқарорликни табиий тизимларнинг замонда ўз функциялари тавсифини белгиловчи ўзига хос хусусиятлари деб карайди. Н.П.Солнцеванинг ёзишича ландшафтларнинг морфологик, геокимёвий, геофизикавий хусусиятларини бевосита ўлчаш мумкин бўлган ҳолда, ландшафтларнинг барқарорлигини бевосита ўлчаш имконияти бўлмас экан. Чунки ландшафтларнинг барқарорлик хусусияти, одатда факат уларга бирор ташки омили таъсири этгандан сўнгтина намоён бўлар экан.

Ландшафтларнинг динамикаси ва ривожланишига таъсири этадиган табиий омиллар, компонентлар орасида муттасил рўй бериб турадиган ўзаро таъсири ва алоқадорликлар ландшафтларнинг нисбатан мувозанатда бўлиб туришига, уларнинг барқарорлигига хизмат килади. Бу ўзаро таъсири ва алоқадорликлар ландшафтларда сарф бўлаётган модда ва энергияни уларга кириб келаётган модда ва энергияга тенглаштириб туришга ҳаракат килади. Бу ландшафтларнинг ўзини-ўзи бошқариб, созлаб турувчи табиий тизим эканлигидан далолат беради. Ташки табиий омиллардан факат тез ва катта куч билан бўладиган ҳодисаларгина (вулқон отилиши, кучли тектоник силкиништар, қор кўчиши, сел кетиши, музлик босиши, денгиз қайтиши, ёғинлар каби) ландшафт барқарорлигини издан чиқариши ёки бузиши мумкин.

Ландшафтлар барқарорлигининг бузилиши асосан антропоген (техноген) омилларнинг таъсирида рўй бериб, бу тушунчанинг юзага келиши

ҳам кейинги йилларда ана шу омилларнинг таъсир даражаси ортиб кетганиligининг оқибатидир.

Ландшафтлар геокимёси соҳасида таникли бўлган олма М.А.Глазовская (1988) ҳам барқарорлик деганда табии тизимларнинг ўз функцияларини бажариш таърифини саклаш имкониятидир деб тушуниади. Унинг фикрича табии тизимларнинг техноген омиллар таъсирига нисбатан барқарорлиги биринчидан ташки омиллар таъсириниң тавсифи билан белгиланса, иккинчидан табии тизимларнинг ўзига хос бўлган хусусиятлари (масалан, тизимларнинг геокимёвий структураси, ўз функциясини бажариш тавсифи) билан белгиланади. Бунда барқарорлик ландшафтларга ташки омиллар таъсирида кириб қолган моддаларнинг эриши, чириши, тарқалиши ва чиқиб кетиши каби шароитлар билан ҳам белгиланади.

Ландшафтларга таъсир кўрсатиши мумкин бўлган техноген омилларнинг натижаси, шу жумладан айрим кимёвий моддаларнинг ортиқча тўпланиб қолиши ёки таркибининг сунъий ўзгариши ва ҳоказолар ландшафт табиати учун ёт хисобланади ва ландшафтларнинг барқарорлити ўзига хос хусусият касб этган бўлади. Шунинг учун ландшафтларнинг барқарорлигини тадқиқ қилиш жараённада ҳар бир омилнинг муайян таъсир натижаси алоҳида таҳтил қилиниши лозим бўлади.

Ландшафтларнинг ўзи турли-туман бўлганилиги каби, уларга таъсир этиши мумкин бўлган омилларнинг таъсири ҳам турли-тумандир. Буни фақат геокимёвий нұқтаи назардан тузилган техноген омиллар таснифидан ҳам кўриш мумкин (10- расм).




10- расм. Техноген таъсирлар таснифи  
(Н.П.Солидева, 1976 бўйича).

Ландшафтларнинг барқароригини ўрганишда компонентларнинг ўзидаги барқарорликни, ландшафт ташкил этувчи омилларнинг барқарорлигини билишининг аҳамияти каттадир. Компонентлардан бирор тасаввурнинг барқарорлиги кучсиз бўлса ландшафт ҳам шунчалик бекарор ва ташки кучлар таъсирига берилувчан бўлади ёки ландшафтларнинг барқарорлиги унинг компонентларининг ҳамда компонентлар орасидаги алоқадорликларнинг барқарорлиги билан белгиланади деб айтиш мумкин. Аммо турли компонентларнинг турлича барқарорликка эга бўлиши табиййидир.

А.Г.Емелянов (1982) ландшафтларнинг ҳавоси, ер ости ҳамда устки сувлар тавсифини энг тез ўзгарувчан ва энг бекарор деб ҳисоблайди. Улар энг ҳаракатчан компонентлар сифатида ландшафтларда модда ва энергия алмашинишида ўзига хос каналларни ташкил қиласкан. Тупроқ, ўсимлик, ҳайвоноти ва айрим ҳолларда микро ва мезозельф шакллари (масалан, сув омборлари қирғокларидаги аккумуляция билан боғлик бўлган рельеф шакллари) барқарорлиги жиҳатидан ўргача мавқега эга экан. Ландшафтларнинг тоғ жинслари ва рельеф шакллари энг барқарор компонентлар ҳисобланади. Шунинг учун А.Г.Емелянов ландшафтни турли тезликда ўзгәрадиган ва ўзаро алоқада бўлган компонентлар тизимидан иборатдир деб ҳисоблайди ва куйидаги чизмани келтиради (11- расм).

### Ўзгириш жадаллигининг ортиб бориши



11- расм. Ландшафт компонентларининг барқарорлиги  
(А.Г.Емелянов, 1982 бўйича)

Ушбу муаллифнинг фикрича ландшафтларнинг динамикаси компонентлар динамикасидан, ландшафтлар барқарорлиги эса компонентлар барқарорлигидан ҳосил бўлади.

А.Максадов (1990) Фаргона водийсининг тупроқ-экологик шароитини антропоген таъсиirlар натижасида ўзгиришини ўрганар экан, И.С.Зоннинг (1981) фикрларига мос ҳолда, биоген компонентларни тез ўзгарувчан ва барқарорлиги кучсиз деб ҳисоблайди. Гидроклиматий компонентларни ўргача барқарорликка эга ва тоғ жинслари билан рельеф эса энг барқарор деб ҳисоблайди.

Тоғ жинслари ва рельефнинг айрим компонентларга нисбатан кам ўзгарувчан ва энг барқарор эканлиги ҳақидаги фикрларни бошқа кўпгина ландшафтшуносларнинг ишларидаги ҳам кўришимиз мумкин. Бундай фикрлар асосан Н.А.Солнцев томонидан илгари сурилган ва ландшафт

компонентларининг ўзаро тенг кучли эмаслиги, уларнинг ҳосил бўлишида олдинма-кейинлилик мавжудлиги ҳақидаги ғояга таянгандир.

Н.А.Солнцев (1949, 1960, 1973) ўзининг бир қатор маколаларида табиатнинг жонли ва жонсиз компонентлари ҳақида сўз юритар экан ландшафтларнинг компонентларни асосий ва асосий бўлмаган, етакчи ва етакчи бўлмаган компонентларга ажратиш мумкинлигини ёзди. Унингча, ландшафтларнинг шаклланишида жонсиз компонентлар (Ер пўсти, ҳаво, сувлар) энг курдатли омил бўлиб, ландшафтларнинг асосини ташкил қилади. Жонли компонентлар (ўсимлик, ҳайвонот) эса замонда тез ўзгарувчан ва нисбатан кучсиздир.

Кейинчалик Н.А.Солнцев (1984) ландшафтларнинг барқарорлиги муаммосига тўхталар экан, компонентлар барқарорликлари жиҳатидан ҳам ўзаро тенг эмаслигини ва уларнинг барқарорлик даражаси Ер пўстидан (энг барқароридан) ҳайвонот дунёсига (энг бекарори) томон пасайиб боришини таъкидлайди.

Ландшафт компонентларининг турлича барқарорликка эга эканлиги ҳақида гап борганда, барқарорлик ландшафтларнинг динамикаси ва ривожланиши билан боғлиқ эканлигини унутмаслик керак. Шу маънода В.Б.Сочаванинг (1974) ландшафтлар динамикаси ва эволюцияси ҳақида гиайим фикр ва мuloҳазалари эътиборга лойикдир. Унингча ландшафтларнинг гиайим компонентлари ўз ривожланиши (динамикаси) жараённада турли даражада ва турли жадаликдаги ўзгаришларга мойил бўлар экан. Компонентларнинг энг ҳаракатчан ва тез ўзгарувчаларини В.Б.Сочава геотизимлар структурасидаги "критик компонентлар" деб атайди. Улар ландшафтлар динамикасида ҳал қилувчи аҳамиятга эга бўлар экан. Муаллиф иссиқлик, намлик ва биотани ландшафтнинг ана шундай ҳал қилувчи компонентларига киритади.

В.Б.Сочава ландшафтлар динамикаси ҳақида сўз юритар экан, ландшафтлардаги динамик ўзгаришларини озми-кўпми сусайтириб туришга ҳаракат қиласидиган, ландшафтларни барқарорлаштириб турадиган жараёнлар ҳам мавжуд эканлигини таъкидлайди. Унинг фикрича "жонли" компонентлар факат "критик" компоненттина бўлиб қолмай, балки ландшафтларни барқарорлаштириб турадиган энг муҳим омил ҳам экан.

В.Б.Сочава илмий мактабига мансуб ландшафтшунослардан бири А.А.Крауклис (1979) ҳам ландшафт компонентларининг аҳамияти ҳақида фикр юритар экан, ландшафтларнинг мавжудлиги ва ривожланишида компонентларнинг барчасини маълум аҳамияти борлигини зътироф этиши билан бирга уларнинг қайси бири "етакчи" ёки "етакчи эмаслигини" аниқлашдан кўра ландшафтларнинг ўз ҳолатини саклаб, барқарорлашиб туришида қайси компонент қай даражада иштирок этишини аниқлаш мухимроқдир деган холосага келади.

Унинг фикрича биота бошқа компонентлар билан ўзаро алокада ва ўзаро таъсирида бўлиб ландшафтларнинг маромлашиб туришида энг асосий ички омил бўлиб хизмат қиласиди.

Моддалар алмашиниши жараёнида ноорганик модданинг иштирок этиши ва биомассани ҳосил бўлиши, қуёш энергиясининг ўзгариши ва органик модда тўлғаниши, сувларнинг катта қисмини ўсимликлар орқали атмосферага ўтиши ва қолаверса, ландшафтларнинг худудий табакаланишида биотанинг аҳамиятини эътиборга олган А.Г.Исаченко (1991) ҳам биотанинг ҳозирги ландшафтларда энг фаол компонент эканлигини эътироф этади, ҳамда ландшафтнинг қаттиқ заминини (геоло-геоморфологик омилини) суст ва фаол бўлмаганини учун "боз омил" ёки "етакчи омил" деб ҳисоблашни мантикан нотўри деб ҳисоблади.

Ландшафтларнинг бирорта компонентига кўрсатилган кучли таъсир унинг бошқа компонентларида ҳам "акс садо" бериши амалда исботланган. Ундан ташқари бир ландшафтнинг ўзгартирилиши бошқа, қўшни ландшафтларнинг ўзгаришига сабаб бўлиши мумкинлиги ҳам маълум. Масалан, Туркистон ҳудуди учун характерли бўлган воҳа ландшафтлари ҳосил бўлиши биланоқ ён-атрофдаги табиий ландшафтлар билан ўзаро мураккаб таъсир ва алоқага киришар экан ва натижада ўзига ҳос бўлган воҳаёни ландшафтлари шакллана бошлар экан (А.Абдулқосимов, 1977, 1980). Бунинг асосида ландшафтларда муттасис рўй бериб турадиган вертикал ва горизонтал алокадорликлар, яъни ландшафт компонентлари орасидаги ҳамда ландшафтнинг морфологик қисмлари орасидаги модда ва энергия алмашиниши ётади. Ана шу ўзаро таъсир ва алокадорликларнинг барқарорлиги ҳам ландшафтларнинг барқарорлигини кўп жиҳатдан белтилаб беради. Алокадорликларнинг барқарорлиги эса ўз навбатида ландшафтларнинг структураси билан, унинг оддий ёки мураккаб тузилганлиги билан боғлиқдир. Ландшафтлар қанчалик мураккаб тузилган бўлса, уларнинг "жонли" компонентларининг ранг-баранглиги, хилларининг таркиби, ўзаро нисбатлари ва ҳолатлари, ўзини-ўзи саклаш, тикланиш қобилияти ва ҳоказолар ландшафтнинг барқарорлик даржасини аниqlашда муҳим кўрсаткичлар вазифасини ўташи мумкин.

Ландшафтларнинг барқарорлигини унинг ранг-баранглигига боғликлигини ландшафт билан фациянинг структурасини солиштириш орқали яккот кўриш мумкин. Фациялар энг кичик геотизимлар сифатида одатда, ландшафтларга нисбатан анча оддий тузилган бўлиб, уларнинг барқарорлиги ҳам ландшафтлар барқарорлигига нисбатан анча кучсиз ҳисобланади.

Ландшафтларнинг барқарорлигини ўрганишда улар қайси муҳитда (масалан, қайси табият зонасида) шаклланганлиги ҳам албатта эътиборда бўлиши керак. Бунда ўша муҳитдаги ҳал қилувчи омиллардан иссиқлик ва намликтин оптималь нисбатда бўлиши, яъни меъёрида бўлиши алоҳида аҳамият касб этади. Улардан бирининг ёки иккенинг етишмовчилиги ландшафт барқарорлигини издан чиқариши ёки кучсизлантириши мумкин. Ҳатто, ландшафтлардаги барқарорликни таъминлаб турувчи компонент - ўсимлик ҳамда унга боғлик ҳолда ҳайвонот барқарорлиги ҳам айнан шу омил-иссиқлик ва намлиқ омили билан белгиланади.

Ўзбекистоннинг чўл ландшафтларида бу нарса айниқса сезиларлидир. Иккими нисбатан юмшоқ бўлган мўътадил ўлкалардагига нисбатан чўл ландшафтларининг барқарорлиги анча кучсизланган бўлади. Чунки, чўл ландшафтларида намлик омили чеклангандир. Бундай ҳолатни биз иккими "каттиқ" совук бўлган худудларда ҳам (масалан, тундра зонасида) кўришимиз мумкин. Аммо бу ерда энди намлик эмас, балки исиклик чекланган бўлади. Исиклик ёки намлик омилиниң чекланганини ўз навбатида "хонли" компонентларнинг фаоллигини, турли-туманлилигини чеклаб кўяди ҳамда компонентлар орасидаги алоқадорликни ниҳоятда "нозик" ва "мўрт" бўлишига олиб келади. Чўл ёки тундра ландшафтлари ўрмон ландшафтларига нисбатан ташки таъсирга бери-лувчан, барқарорлиги кучсиз ва тез ўзгарувчан бўлади. Бундай ландшафтлар инсон таъсирида ўзгартирилган бўлса, улар яна ўзининг ҳолатига қайтиши учун козлаб, ҳатто минглаб йиллар керак бўлади. Ушбу фикрларга мос ҳолда мулоҳаза юритиш учун, Кизилкум чўли билан тундра зонаси ва киёслashi учун нам экваториал ўрмонларга тегишли бўлган турли манбалардан олинган баъзи кўрсаткичларни келтирамиз (5- жадвал).

#### 5- жадвал

Турли ландшафт зоналарида иккимиз ва фитомасса кўрсаткичларининг таъсимиланниши (турли маълумотлар бўйича)

Ландшафт зоналари	Иккимиз радиалц баланс (ккал)	+10 дан юкори темпсратурулар ийғинлиси	Иккимиз ёғин микдори мм.	Иккимиз мумкин бўлган була-ниш мм	Намлик коэффициенти.	Иккимиз була-ниш мм.	Фитомасса т/га.	Иккимиз фитомасса т/га.
Тундра	15-16	500	350	200-250	<1.5	100-250	27	2.3
Чўл, Кизилкум	43-44	4000-4500	120	1700-1800	0.1	100	3.-3.5	1-1.5
Нам экваториал ўрмон	63-64	9100-9600	1700-2000	800-1200	2-3	900-1200	650	40

Ушбу маълумотлар экологик нуқтаи назардан таҳлил қилинса эътиборга лойик мулоҳазаларга олиб келиши мумкин.

Ландшафтларнинг табиий ўсимлиги ва ҳайвонот дунёси кун сайин ортиб бораётган инсон талабларини озиқ сифатида қондира олмаслиги сир эмас. Шунинг учун ҳам инсон озиқ-овқат муаммосини қишлоқ ҳўжалиги орқали ҳал қилишга ҳаракат қилади.

У ландшафтлардаги ўсимлик ва ҳайвонот хилма-хиллитетини йўқотиб, унинг ўрнига 1-2 хил ўсимлик ва ҳайвон хилини сунъий танлаш йўли билан кўпайтиришига ҳаракат килади. Бу эса ўз навбатида ўсимликлар билан ҳайвонот дунёси структурасининг соддалашишига ва улар орасида мавжуд бўлган ўзаро таъсир ва алокадорликларнинг кескин бузилишига, экологик "занжирнинг" парчаланишига сабаб бўлади. Натижада ландшафтларда етиштирилаётган кишлоп ҳўжалик экинларига ёт бўлган бетона ўтлар ва зааркунанда ҳашоратларнинг кўпайиб кетиши, тупроқ унумдорлигини пасайиб кетиши юз беради ва турли ҳил минерал ўғитлар, кимёвий заҳарлар моддалар ишлатишига тўғри келади. Бунинг оқибатида эса ландшафтлардаги одатдаги биокимёвий циклга ёт бўлган кимёвий моддалар кириб колиши, тўпланиши ва натижада ландшафтларнинг ифлосланиш ёки заҳарланиш ҳоллари рўй бериши мумкин.

Демак, ландшафтларнинг барқарорлигини таъминловчи омиллар ҳакида гап боргандা, ландшафт биокомпонентларининг ранг-баранглигига алоҳида эътибор бериш лозим бўлади. Аммо, бу биотик компонентлар бирламчи роль ўйнайди, дёған гап эмас. Бу ҳакда В.Б.Сочаванинг ўзи ҳам аввал эслатиб ўтилган "критик" компонентлардан эффектив радиация, сув ва биота кабиларининг бирортасига ҳам "етакчи" деб қарашга ҳожат йўқ деб айтади. Унингча, уларнинг барчаси тенг аҳамиятлидир. Агар бирортасининг аҳамиятини бўрттириб кўрсатиш лозим бўлса, унда эффектив радиация кўрсатилиши керак. Чунки, у ландшафт энергетикасининг асоси ҳисобланади. Кейин эса ландшафтда рўй берадиган барча табиий географик жараёнларнинг муҳим шароити ҳисобланган сувлар ва биотик компонентлар кўрсатилиши мумкин.

Ўсимлик ва ҳайвонот тарқиби, хиллари ва ўзаро нисбатлари, ҳолатлари, ўзини-ўзи тиклаш, саклаш қобилияти ландшафтларнинг барқарорлигини аниқлашада, ландшафтларга ўтказиладиган антропоген таъсирларнинг меъёрини аниқлашада ёки ландшафтларни ўзгартиришининг энг яхши вариантини аниқлашада муҳим кўрсаткич вазифасини ўтаси мумкин.

Ландшафтларнинг барқарорлиги муаммоси бўйича эълон қилинган илмий ишларнинг сони анчагина бўлишига қарамай унинг назарий, методологик ва методик масалалари деярли ишланмаган. Ландшафтларнинг барқарорлигини ўрганишнинг методик масалалари ҳакида сўз юритган В.С.Преображенский (1986) барқарорликни ўрганиш учун: 1) у ёки бу ташки омил (айниқса, техноген омил) таъсири жадаллитетининг ўзариши асосида ландшафтлар ҳолатини сон ва сифат ўзгаришларини аниклаб ва таърифлаб бериш; 2) ландшафтнинг (ёки тизимнинг) бир ҳолатдан бошка бир ҳолатга ўтишини фарқ кила билиш; 3) ташки таъсир жадаллитетини ўлчай билиш; 4) ландшафтлар ҳолатининг ўзгаришини ландшафтларга тушадиган таъсир юки билан нисбатлай билиш кераклигини ёзади.

Ландшафтларнинг барқарорлиги ҳақида гал боргандада инсон фаолияти таъсирида ўзғариши мумкин бўлган табиий ландшафтлар барқарорлигининг мезони ўз моҳияти бўйича қарама-жарши тавсифга эга бўлади. Масалан, ҳайдалтан сени яна ўт босиши, олдинги ўсимлик қошлами яна тикланиши табиий ландшафтнинг барқарорлиги белгиси бўлиб хизмат қиласа, худди шу кўрсаткичнинг ўзи ҳосил қилинган антропоген ландшафтнинг бекарорлик даражасини акс эттириши мумкин.

Антропоген ландшафтнинг барқарорлиги асосан социал-иктисодий мезонлар билан белгиланиб, ландшафтнинг табиатидан келиб чиқадиган илмий мезонларга зид бўлиши мумкин.

Мантиқан олганда, ландшафтларнинг барқарорлиги унинг компонентлари барқарорлиги билан белгиланиши керак, аммо ландшафтларнинг барқарорлиги компонентлар барқарорлигининг оддий йигинидиси бўлиб қолмасдан, балки ундан мураккаброк бир ҳодисадир. Ландшафтларнинг барқарорлигини аниқлаш масаласи илмий жиҳатдан ҳали кўп маҳнат ва тадқиқот ишларини бажаришини талаб киладиган масалалардан эканлиги айниқса антропоген ландшафтларни ўрганиш вақтида намоён бўлади. Бундай масалани бирор бир техник иншоат, масалан, сув омбори ёки бирор канал, бирор йирик завод ёки ўзлаштирилган экин майдони мисолида тадқиқ қилиш самарали бўлиши мумкин.

Алоҳида инженер-техник иншоатлар ва уларнинг ён-атрофидаги ландшафтларга таъсирини тадқиқ қилиш инсон билан табиат орасидаги алоқадорликларни, инсон фаолияти таъсирида ландшафтлар, шу жумладан антропоген ландшафтларда рўй берадиган турли хил ҳодиса ва жарёйларни ўрганиш учун намуна бўлиши мумкин.

Масалан, Байкал-Амур темир йўл курилиши ва ишга туширилиши оқибатида атроф-мухитда бўладиган ўзғаришларни башорат қилинча В.В.Воробьев ва А.Т.Напрасниковлар (1980) БАМ ён-атрофидаги табиат комплексларини барқарорлигини-бекарор, кучсиз барқарор, ўртача барқарор ва барқарор кўринишида таснифлашга ҳаракат қилишган. Бунда темир йўл зонасида жойлашган баланд тог сийрак ўрмонлари ландшафти техноген таъсирига нисбатан бекарор деб, ўртача баландликдаги ўрмон ландшафтлари кучсиз барқарор деб, жанубий тайга зонал ландшафтлари эса барқарор хисобланган. Аммо ушбу тасниф ҳам муайян сон кўрсаткичлари билан асосланмаган ва кейинчалик бажарилиши мумкин бўлган чукурроқ изланишларга факат умумий асос бўлиб хизмат қилиши мумкин.

## ЛАНДШАФТНИНГ МАХСУС ФАОЛИЯТИ

Олдинги бобларда айтиб ўтганимиздек, ландшафт ички тузилишининг шаклланишида, унинг динамикасида, эволюцион ўзғаришларида ва ривожланишида модда ва энергия алмашиниш жараёни энг муҳим шарт-шароитлардан биридир. Бу жараён ландшафтнинг "яшаши"нинг ёки

максус фаолиятининг асосини ташкил килади. Ландшафтнинг максус фаолияти деганда А.Г.Исаченко (1991) ландшафтга рўй берадиган модда ва энергиянинг кўчаб юриши, алмашиниши ва ўзгариши каби барча жараёнларнинг мажмусини тушунади.

Ландшафтнинг максус фаолияти асосида учта йирик табиий жараён ётади. Булар: 1) энергия оқими ва унинг ўзгариши; 2) намликтин айланниши; 3) модданинг биокимёвий айланнишидир. Куйида ана шу жараёнларни бирма-бир кўриб ўтамиз.

### Энергия оқими ва унинг ўзгариши


Ландшафтларда рўй берадиган энергия оқимида асосан уч хил энергия, яъни кўёш энергияси, ернинг ички энергияси ва гравитация энергияси иштирок этади. Буларга кўшимча килиб кимёвий унсурларнинг ўзаро таъсиридан ажralиб чиқадиган энергия, минералларни кристаллар панжарасида ҳосил бўладиган энергия кабиларни ҳам айтиш мумкин. Аммо олдинги уч хил энергияга нисбатан буларнинг салмоғи анча камдир.

Санаб ўтилган уч хил энергия хиллари ичida кўёш энергияси айниқса катта аҳамиятта эга бўлиб, у ландшафтларнинг максус фаолиятидаги моддаларнинг барча айланма харакатларида иштирок этади. Ердаги ҳаётнинг бор-йўклиги ана шу энергияга боғликдир. Кўёш энергиясининг ердаги модда айланнишига кўшилиб кетиши асосан ўзида хлорофилл моддаси бўлган организмлар: яшил бактериялар, кўк-яшил сув ўтлари, фитопланктон ва юқори табака ўсимликларнинг фотосинтези орқали бўлади.

Кўёш энергияси Ер атмосферасига етиб келар экан, унинг 30 фоиздан ортиқроғи атмосферадан акс этиб қайтиб кетади (Ер сунъий йўлдошларидан олинган маълумотларга қараганда Ер куррасининг альбедоси 0.33 га тенг). Кўёш энергиясининг ана шу қисми фазода йўқолиб, атмосферадаги ҳаво харакатларида ва Ердаги жараёнларда иштирок этмайди. Кўёш энергиясининг 20 фоизга якини атмосфера катламидан ўтиш вақтида ютилиб қолади ва атмосферанинг исишига сарф бўлади. Ерга эса ўртacha олганда кўёш энергиясининг 50 фоизга якини етиб келади.

Ерга етиб келадиган энергия оқимининг асосий қисми қиска тўлкини кўёш радиациясидир. Бу оқим баъзан Кўёш доимийлиги деб ҳам аталади ва мутлоқ эмас, 1.5-2 фоиз орасида ўзгариб туради. Ана шу қиска тўлкини кўёш радиацияси энергиясининг жадаллиги 1.98 дан 2.0 кал/см.мин гача деб ҳисобланади.

Ландшафтларга кириб келаётган Кўёш энергияси оқимининг ўзгариши хақидаги умумий тасаввурни 12- расмдан олса бўлади. Кўёш энергиясининг турли ландшафтларда рўй берадиган ўзгаришини Ю.Л.Раунер (1972), М.И.Будико (1977) ишларида ҳам кўриш мумкин.



12- расм. Ландшафтларда энергия оқимининг ўзгариши  
(А.А. Макунина бўйича).

1 - ялпи радиация; 2 - тўғри радиация; 3 - тарқоқ радиация; 4 - акс эттан радиация; 5 - узун тўлқинли баланс; 6 - иссиликканинг турбулент алмашинини; 7 - киска тўлқинли баланс; 8 - радиацион баланс; 9 - фотосинтезга сарф бўладиган иссилик; 10 - табиий булланишга сарф бўладиган иссилик; 11 - транспирацияга сарф бўладиган иссилик; 12 - тупроқ билан иссилик алмашинини.

Ландшафтларга қўёш энергияси асосан тўғри ва тарқоқ радиация сифатида кириб келади. Улар биргаликда ялпи радиацияни ташкил килади. Ер юзасига этиб келадиган ялпи радиациянинг кучи ўртacha олганда  $5600 \text{ МДЖ}/\text{м}^2$  йилга tengdir. Ялпи радиациянинг маълум бир кисми ландшафтлардан акс этиб яна атмосферага қайтади. Бу кўсаткич эса кўп жихатдан ландшафтларнинг альбедосига боғлик. Турлича ландшафтларда альбедо турличадир. Масалан, янги ёқсан қор юзасининг альбедоси 0.80-0.95; яшил ўт-ўланларники 0.20-0.25; кенг барғли ўрмонлар альбедоси 0.15-0.20; игна барғли ўрмонларники 0.10-0.15; бархан кумлари тарқалган ландшафтларда -0.24; устида ўсимлик бўлган грядда кумларида 0.22; ўрта зич бўлган саксавулзор альбедоси - 0.20; Мирзачўл, Карши даشتни каби гиллик чўлларда ҳам 0.27-0.35 атрофида бўлар экан.

Ялпи радиация билан акс этиб қайтган радиация орасидаги фарқ киска тўлқинли баланс дейилади.

Ландшафтнинг ўсимликлари, тупроқ юзаси қўёш радиациясини ютиши натижасида ўзи узун тўлқинли нурланиш манбаига айланади. Ландшафтларнинг узун тўлқинли нурланиши мутлоқ қора юза нурланишига тенг бўлиб, кўпинча 0.90-1.00 атрофида булар экан (М.И.Будико, 1977).

Ландшафт устидаги атмосфера таркибида бўлган сув буллари ва тури газлар узун тўлқинли радиацияни ютиб атмосферанинг ландшафтга қарата нурни қайта акс эттиришига сабаб бўлади.

Ландшафтдан қайтган ва унга нисбатан яна атмосферадан қайтган радиация орасидаги фарқ узун тўлқинли баланс деб аталади. Ландшафтта кириб келган ва ундан яна атмосферага қайтадиган радиация ener-

гиясининг оқими йигиндиши радиация баланси деб аталади. Радиация баланси киска тўлқинли баланс билан узун тўлқинли баланс орасидаги фарқка тенг бўлади. Ундан ташқари ландшафт юзаси билан атмосфера орасида турбулент иссиклик алмашиниш жараёни ҳам мавжуддир. Бу жараён Ўзбекистон чўл худудларида радиация балансининг 80 фоиздан ортикроқ кисмини камраб олади. Ер юзасида ютиладиган күёш энергиясининг асосий кисми иссиклик сифатида тупроқдаги, ўсимликлардаги, дарё ва кўллардаги сув ва намликтинги бугланишига сарф бўлади. Бу энергия асосан табиий бугланишига ва транспирацияга сарф бўлади. Ундан ташқари ялпи радиация оқимининг 0.5 фоизга яқини ўсимликларнинг фотосинтез жараёнига сарф бўлади. Бу энергиянинг ярмидан кўпроғи шу захотиёқ ўсимликларнинг нафас олиш жараёнида йўқолади. Қолган кисми эса ўсимликларнинг тўқималарида тўпланиб, кейинчалик озиқа занжирларида иштирок этади, айрим кисмлари эса жонсиз органик моддага ўтиб кетади.

Юқоридаги расмда күёш энергиясининг деярли барча оқимлари ва ўзгариши ҳисобга олинган. Аммо ҳар бир ландшафт шароитида бу оқимларнинг нисбати ва сон кўрсаткичлари турлича бўлиши мумкин. Масалан, кенг барғли ўрмон ландшафтидаги энергия оқими ва унинг ўзгаришини куйидагича тасаввур қилса бўлади (13- расм).


Ўзбекистон худудида тарқалган асосий ландшафт турларида энергия оқимининг айрим жабхалари қай даражада эканлигини куйидаги жадвалдан кўриш мумкин (6- жадвал).

#### 6- жадвал

**Иссиклик балансини ташқил қилувчи кўрсаткичлар  
йигиндиши ( $\text{кал}/\text{см}^2$ ) ва иссиклик оқимлари ( $\text{кал}/\text{см}^2 \cdot \text{мин}$ )  
(Б.А.Айзенштат, 1966 бўйича)**

Кузатилган жой ва унинг қисқача таърифи	A	$\Sigma R$	$\Sigma P$	$\Sigma B$	$\Sigma LE$	$\frac{\Sigma P}{\Sigma R} - \%$	R	P	B	LE
Жанубий Кизилкумдаги: Кумлик чўл ландшафти	0,25	387	289	48	0	86	0,78	0,64	0,14	0,00
Саксовулзор ландшафти	0,20	381	255	38	88	67	0,92	0,69	0,09	0,14

А-альбедо; R-радиация баланси оқимининг пешинга кўрсаткичи; P-турбулент иссиклик алмашиниши; B-тупроқдаги иссиклик оқими;  $\Sigma$ -йигиндиши.



13- расм. Ўрмон ландшафтларида энергия оқими (Я.Демек, 1977).

1 - күёш энергияси, 100%; 2 - иссилик энергияси, 74%; 3 - акс эттан энергия, 10%; 4 - Ерга стиб келган энергия, 15%; 5 - органик мөлдага бириккан 1% күёш энергияси; 6 - энергия йўқолиниши, 50%; 7 - ўсимлик мөлдаси, 50%; 8 - 40% смиш бўлади; 9 - 60% и смиш бўлмайди; 10 - энергия йўқотилиши, 30%; 11 - фитофаглар; 12 - 42% и смиш бўлади; 13 - 58% и смиш бўлмайди; 14 - энергия йўқотилиши, 20%; 15 - 1-тартибли йирткичлар; 16 - 45% и смиш бўлади; 17 - 55% и смиш бўлмайди; 18 - энергия йўқотилиши, 20%; 19 - 11-тартибли йирткичлар; 20 - биомасса ўсиши (маҳсулдорлик); 21 - смиш бўладиган ўлик организмлар; 22 - 25%; 23 - биоредуцентлар; 24 - 68% смиш бўлмайди; 25 - сапрофитлар; 26 - капрофаглар; 27 - 75% йўқолади.

Күёшдан келаётган энергия оқимининг айрим қисмлари ландшафтларнинг маълум ҳолатида айрим жараёнларда иштирок этмаслиги мумкин. Масалан, йилнинг қиши ойларида фотосинтез ёки транспирация жараёнлари ҳар доим ҳам бўлавермаслиги мумкин. Шунинг учун ҳам ландшафтда юз берадиган энергия оқимларини аниклаш ва хисоблашда иш жараёнининг вакт чегаралари ҳакида ҳам тасаввурга эга бўлиши керак. Умуман олганда стационар изланишилар шароитда ландшафтдаги энергия оқимини ва унинг ўзгаришини аниклаш мумкин, аммо бу жуда мураккаб масала бўлиб, кўп вакт ва кўп меҳнат талаб килади. Чунки у ёки бу ландшафтларда энергиянинг тўпланиш тезлиги кун сайн, соат сайн, хаттоқи ҳар дақиқада ўзгариб туради ва бу ўзгаришлар жуда кўп омилларга боғлиқдир.

Хуллас, күёшдан келадиган энергия ландшафтнинг маҳсус фаолиятини таъминлашиб турувчи энг асосий ҳамда бошқа метеорологик, гидрологик, геоморфологик, биогеокимёвий каби турли жараёнларни боғловчи ва А.А.Григорев айтган "бир бутун табиий географик жараённи" ҳосил қилувчи асосий омил ҳисобланади.

Ландшафтларнинг маҳсус фаолиятидаги энергетик омиллардан яна бири Ернинг ички энергиясидир. Бу энергия асосан геотермик иссиқлик, вулканлар отилишидан ажralиб чиқадиган иссиқлик, иссиқ сувлар энергияси кабилардан иборатдир. О.Г.Сорохтин (1977) маълумоти бўйича Ер юзасига таъсир этувчи геотермик энергия кучи  $0,82 \times 10^2$  эрг ( $\text{с}\cdot\text{см}^2$ ) атрофида бўлар экан. Вулканлар отилишидан ажralиб чиқадиган энергия эса ўртача  $10^{20} - 10^0$  эрг оралигига бўлар экан (Г.Макдоналд, 1975). Геотермал сувлар билан чиқадиган иссиқлик энергияси Йилига ўртacha 100 эрг ( $\text{с}\cdot\text{см}^2$ )га тент бўлади. Аммо бу хил энергиянинг таъсири ландшафтларнинг шу хил энергия манбаларига узоқ-яқин жойлашганлигига кўпроқ боғлиқдир. Умуман ернинг ичидан бўладиган энергия кўш энергиясининг 0,04 фоизига якин кучини беради холос.

Ландшафтларда рўй берадиган энергия оқимларida гравитация энергияси ҳам иштирок этади. Бу энергия ландшафтлардаги модда айланниш жараёни мавжудлиги ва тезлигига катта таъсир кўрсатади.

Гравитация энергия оқими айланма ҳаракатга эга бўлмай бир томонга йўналгандир. Модданинг оғирлик кучи абсолют баландликка, тоғ жинсларининг зичлиги ва бошқа омилларга боғлик. Аммо буларга энергиянинг бошқа турларига нисбатан жуда кам эътибор берилади. Аслида эса модданинг оғирлик кучи ландшафтлардаги модданинг гравиген оқимларини ҳосил қилади. Гравиген оқимлар эса ландшафтдаги абиоген модда алмашинишида катта роль ўйнайди ва модда ҳаракатининг деярли барча шаклида озми-кўпми иштирок этади.

### Намликтининг айланиниши

Географик қобиқда энг кенг тарқалган моддий бирикмалардан бири сув бўлиб, у океанлар, қорлик ва музликлар, кўллар, дарёлар ва сойлар,

ботқокликлар, тупроқ ва атмосферада 1.5 млрд. км<sup>3</sup> га яқин ҳажмда турли ҳолатда мавжуддир (7- жадвал).

7- жадвал

**Гидросферадаги сувнинг ҳажми ва унинг тикланиш фаолиги  
(М.И.Львович, 1986 бўйича)**

Сув ресурслари манбалари	Сув ҳажми, км <sup>3</sup>	Сув баланси элементи км <sup>3</sup> /йил	Сув захираси- нинг тикланиш даври, йил
Дунё океани	1 370 000 000	452 000	3000
Ер ости сувлари	60 000 000	12 000	5000
Кутб музликлари	24 000 000	3 000	8000
Куруқликдаги ер усти сувлари	280 000	40 000	7
Дарёлар	1 200	40 000	0.030
Тупрокдаги намлик	80 000	80 000	1
Атмосфера буглари	14 000	525 000	0.027
Гидросфера	1.454 000 000	525 000	2800


Жадвалдан кўриниб турибдики, гидросферадаги сувнинг асосий қисми (94 фоизи) дунё океанига тўғри келади. Дунё океанидаги сув тўла янгилиниши учун уч минг йил керак бўлади. Дарёлардаги сувлар эса ўртacha ҳар II кунда янгиланар экан. Атмосферадаги намликнинг алмашиниши ҳам тахминан шунча кунга тўғри келади.

Сув Ердаги ҳаёт учун ниҳоятда катта аҳамиятга эга бўлиб, унинг физикавий, кимёвий ва биологик хусусиятлари маҳсус адабиётда кенг ёритилган. Унинг ажойиб хусусиятларидан бири шундаки, организмларнинг ҳаёт жараёни учун мос ҳарорат шароитида у суюқ ҳолатда бўлади. Яна бир хусусияти унинг ниҳоятда сингувчанлитидир. Сувнинг жисмларга (тупроқ, ўсимлик ва х.к.) сингиш даражаси бошқа сукликларга нисбатан юкори бўлгандиги учун табиатда кимёвий жиҳатдан тоза сув деярли учрамайди. Унинг таркибида албатта қандайдир эритмалар ва аралашмалар бўлади. Хатто атмосфера ёғинлари таркибида ҳам турли хил эриган тузлар мавжуддир. Масалан, Туркистоннинг баланд тоғлик худудларида агар ҳар йили ўртacha 221 км<sup>3</sup> атмосфера ёғинлари тушса унинг таркибида 7 млн.т дан ортик турли-туман тузлар бўлади. Текислик ва тоғ олди худудларида эса бундан 8-9 марта кўпроқдир.

Ландшафт таркибидаги сув ниҳоятда кучли геокимёвий омил ҳисобланади. Ландшафтлардаги асосий кимёвий жараёнлар ана шу сувда ёки унинг иштирокида рўй беради. Сув кимёвий моддаларнинг ҳаракатида транспорт вазифасини ўтайди. Модданинг бир ландшафтдан чиқиб кетиши, иккинчи бир ландшафтга кириб келиши ва тўпланишида сувнинг

аҳамияти бенихоядир. Бундан ташқари ландшафтлардаги тирик модда-нинг шаклланиши ва ҳайтида ҳам сув энг асосий омиллардан биридир.

Ландшафтлардаги намликтининг йиллик йигиндиси асосан атмосферадан тушадиган ёғин-сочин ҳисобига ҳосил бўлади. Ландшафтга кириб келган ёғиннинг айрим кисмини ўсимлик қоплами ушлаб колади. Ўсимликларнинг танаси ва баргида ушлануб колган намлик яна атмосферага буғланиб кетади (14- расм).



14- расм. Ландшафтларда намлик айланишининг умумий ҳўриниши.

1- ёғинлар билан кириб келадиган намлик; 2- намликтин ўсимликлар билан тутилиб қолиши ва ўсимлик танасидаги намлик; 3- ўсимликлар тагидаги намлик; 4- намликтининг оқар сувлар билан кириб келиши; 5- оқар сувлар билан чиқиб кетиши; 6- грунт сувлари оқими; 7- табиий буғланиш; 8- намлик транспирацияси.



тупроқдаги намлик заҳираси.



кор қопламидаги сувлар.

Намликтининг катта қисми тупроқ юзасига стиб келади, унинг бир қисми тупроқка сингади ва колган қисми эса ер юзасидаги оқар сувларни ҳосил килади. Масалан, Туркистан тогларига ҳар йили ўртача 575 мм ёғин ёғадиган бўлса унинг 374 мм бугланиб, колган 201 мм оқим ҳосил қилади (В.Л.Шулц, 1965). Россия текисликларидаги кенг барғли ўрмон ландшафтларида эса 750 мм ёғиннинг 140 мм оқим ҳосил қилади, 60 мм га яқини бугланиб кетади, 70 мм дараҳтларнинг баргидаги қолиб кетар экан. Аммо 480 мм эса тупроқка сингиб улгуради. Унинг 400 мм яна транспирация жараёнинга, колган 80 мм эса ер ости сувларнига кўшилиб кетар экан. Ушбу мисоллардан кўриниб турибдики, турли ландшафтта тушадиган турли микдордаги ёғин-сочин турлича тақсимланниб, турлича сарф бўлар экан. Юқорида биз сув ўзининг айланма характеристида турли хил моддаларни ҳам кўчиб юришига сабаб бўлишини эслатиб ўтган эдик. Оқим ҳосил қиладиган сувлар эса турли хил тузлардан ташқари яна тоғ минералларини, тупроқни ювиш натижасида турли оқизиклар ҳосил қилишини таъкидлаб ўтиш керак.

Масалан, Амударёда (Чатли) сув сарфи 1460  $\text{m}^3/\text{сек}$  бўлганда ҳар йили ўртача 69,5 млн.тоннага яқин турли оқизиклар оқими ҳосил бўлар экан. Сувининг ҳар куб метрида ўртача 1507 грамм лойка борлиги аникланган. Бундай кўрсаткичларни Сирдарёда, Зарафшон ва Чирчик дарёларида қандай даражада эканлигини кўйидаги 8- жадвалдан кўриш мумкин.

#### 8- жадвал

Дарё ва пункт номлари	Кузатиш даври	Ўзан туби оқизиклари, $\text{кг}/\text{сек}$	Сув сарфи, $\text{м}^3/\text{сек}$	Лойка микдори, $\text{г}/\text{м}^3$	Оқизиклар оқими ўртача кўп йиллик, Т
Амударё, Чатли	1913-1917 1931-1962	2200,0	1460,0	1507,0	69 388 000
Сирдарё Казалинск	1912-1962	630,0	484,0	1302,0	19 870 000
Зарафшон Дупули	1914-1962	140,0	154,0	909,0	4 416 000
Чирчик, Чиноз	1915-1917 1923-1962	63,0	124,0	510,0	1 983 000

Атмосферадан тушган ёғиннинг тупроқка стиб келган қисмидан 70 фоизга яқини тупроқка сингиб, ички намлик айланышининг илк фаол қисмини ташкил қилади. Тупроқдаги намликтининг катта қисми илдизлар орқали ўсимликка ўтади ва биотик жараёнларда иштирок этади.

Атмосфера ёғинлари микдори, бугланиши, транспирация ва бошқа жараёнларнинг бир-бирига нисбати ландшафтнинг қайси табиат зонасида жойлашганлигига қараб турли хил бўлиши мумкин. Масалан, тундра ландшафтларида агар 500 мм ёғин тушса, бугланиши 200 мм бўлиб, кол-

ган 300 мм оқим ҳосил қиласи. Ўзбекистон қумлик чўлларида 100-120 мм ёғин түнса, унинг деярли ҳаммаси буғланиб кетади. Мумкин бўлган буғланиш ҳисоблаб кўрилгандга унинг микдори ёқсан ёғинга нисбатан 20-25 маротаба кўп бўлиши аниқланган. Амударё этакларида сув тармоклари оралигидаги қурук жойларда атмосфера ёғинлари 80 мм га тенг ва ер ости сувлари юзаси 2-3 мм чукурда бўлган тақдирда буғланиш 480-500 мм гача етган. Бу жойларда табиий ўсимликлар ҳам 500 мм га яқин намликтин транспирация қиласи экан. Амударё дельтасидаги қамишзорлардан эса апрель ва октябрь ойлари оралигида ўртача 760-820 мм намликтин транспирация бўлади. Демак, ўсимликлар тупроқдаги намликтан сув ичар экан, унинг асосий қисмини транспирация жараёнида яна ҳавога буғлантириб юборади. Тўкай ландшафтларидаги транспирация учун сарф бўлган намликтин микдорининг ёқсан ёғинга нисбатан бир неча барабар кўп бўлиши ер ости сувлари ҳисобига ёки дарёдан тошган сувлар ҳисобига бўлади.

Атмосферадан ландшафт юзасига тушган намликтиннинг қандай сарф бўлишини ўрганишда ўсимлик танасида қоладиган намликтин ҳам эътиборда бўлиши керак. Бу намликтин асосан ўсимликларни ўриб олиб тортиб кўриш ва куригандан сўнг яна тортиб кўриш орқали, яъни ўсимликдан қурук органик модда ҳосил қилиш йўли билан аниқланади. Умуман ўсимлик фитомассасини, ундаги биологик модда айланишини ўрганиш методлари Н.И.Базилевич ва бошқалар (1978) ишида яхши берилган.

### Модданинг биокимёвий айланиши

Ландшафтлардаги модданинг биокимёвий айланиши, кенгроқ маънода карасак, модданинг биологик айланиши ландшафтларнинг ўз маҳсус фаолиятини бажаришида энг муҳим омилилардан биро бўлиб хизмат қиласи.

Модданинг биологик айланиши деганда ўзаро алоқада ва боғлиқ бўлган бир қанча жараёнларнинг йиғиндиси тушунилади. Бу жараёнларга ўсимликлар баданида кимёвий моддаларнинг ушланиб қолиши ва биокимёвий синтез, ҳайвонот ва микроорганизмларнинг озиқа занжирларида кимёвий бирикмаларнинг ўзгариши, тирик организмларнинг яшаш жараёнида унсурларнинг яна атмосфера ва тупроққа қайтиши, тупроқдаги органик модданинг янги ҳосилалар барпо қилиши ва уларнинг парчаланиши киради.

Ландшафтларнинг ўсимликлари атмосферадан углерод олади. Азот ва бошқа кул унсурларини эса тупроқнинг иллизлар тарқалган кисмидан олади. Тупроқ ҳосил қилувчи она жинс ҳажми бўйича асосан (94 фоизга яқин) кислород атомларидан иборат бўлиб, бошқа элементлар б фоиз атрофида бўлади ҳамда ўсимликлар озиқланиши учун зарур моддалар анча тарқоқ ҳолда бўлади. Факат биологик модда алмашиниши жараёни оқибатидагина тупроқ ҳосил бўлиши мумкин ва ўсимликлар учун зарур бўлгани озиқа моддалари билан бойиб бориши мумкин.

Модданинг органик айланиши асосида ўсимликларнинг маҳсулдорлиги жиҳатлари, яъни яшил ўсимликларнинг күёш нури ёрдамида атмосферадан карбонат ангидрид ( $\text{CO}_2$ ) ажратиб олиши, тупрокдан азот ва кул унсурларини олиши ётади. Фотосинтез натижасида ҳосил бўладиган органик модданинг ярмига якини оксидланниб яна атмосферага қайтади. Фитомассанинг колган кисми тоза бирламчи маҳсулот ҳосил қиласди. Унинг айрим кисми ўсимлик билан озиқланувчи ҳайвонларга, сўнгра эса ўсимликсўр ҳайвонлар билан озиқланадиган йиртқич ҳайвонлар организмига ўтади.

Ўсимлик ва ҳайвонот дунёси ҳосил қиласди органик модданинг асосий кисми улар нобуд бўлгандан кейин кўплаб турли хил бактериялар, замбуруулар ва бошқа микроорганизмлар томонидан емирилади. Окибатда жонсиз органик модда яна микроорганизмлар томонидан турли хил минерал тузларга айланади. Ҳаёт шундай давом этаверади. Табиатдаги биомассанинг ҳосил бўлиши ва бузилиши жараёнлари озми-кўпми мувозонатланган ва факат озгина кисмигина (бир фоиздан камроғи) ҳар иили биологик айланишдан тушиб колиб, тупрокда чиринди сифатида қолиб кетиши мумкин.

Модданинг биологик айланишини ўрганиш нафақат ландшафтларнинг маҳсус фаолиятини тушуниб етишда, балки ландшафтлардан тўғри ва оқилона фойдаланиш масалаларини ҳал қилишда бевосита амалий аҳамият касб этади. Айниқса, ландшафтлардан қишлоқ ҳўжалик мақсадларида, у ёки бу маҳсулот берувчи ўрмон, яйлов, пичанзор сифатида, қишлоқ ҳўжалиги экинлари экиб ҳосил олиш мақсадларида фойдаланишда модданинг биологик айланишини тўғри тушуниб олиш ва ўрганишининг аҳамияти каттадир.

Ландшафтларда модданинг биологик айланиши турли хил кўрсаткичлар билан ифодаланиши мумкин. Ландшафтшунослик нуктаи назаридан караганда иккита кўрсаткич муҳим бўлиб кўринади. Булар фитомассанинг йиллик заҳираси ва йиллик бирламчи биологик маҳсулот микдоридир. Булардан ташқари ўсимликларнинг маълум вакт давомида ландшафтда тўкилиб, тупроқ юзасида ва тупроқ таркибида колган ўсимлик кисми ҳамда тўпланиб борадиган ўлимтик органик модданинг микдори ҳам хисобда бўлиши керак.

Ландшафтларнинг ўз маҳсус фаолиятини бажаришида биота қанчалик аҳамиятли эканини акс эттирувчи биогеокимёвий кўрсаткичлардан модданинг биологик айланиш сигими, яъни бирламчи биологик маҳсулотнинг ҳосил бўлиши учун сарф бўладиган озиқа унсурлари микдори ва уларнинг кимёвий таркиби, ўсимликларнинг ер устига тўкилган ўлимтик кисми ва ўсимликларнинг кўп йиллар давомида ер устида тўпланиб колган кисми - тўшалмада тўплантган унсурлар микдори кабиларни айтиш мумкин. Қўйида Ўзбекистон қўмлик чўлларига ҳос бўлган модданинг биогеокимёвий айланишига тегишли айрим кўрсаткичлар келтирилган. Бу маълумотлар (Н.И.Базилевич, 1986) оқ саксовул ва илоқ ўсган қумлик чўл ландшафтларини шароитини акс эттиради.

Тирик органик модда (Т га)	8.90
Фитомасса микдори (Т га)	8.73
Шу жумладан:	8.2
Яшил кисми (фоиз)	
Кўп йиллик ер усти кисми (фоиз)	35.1
Ер остидаги кисми (фоиз)	56.7
Хайвоноти (Т га)	0.02
Шу жумладан:	
Фитофаглар (фоиз)	20.0
Сапрофаглар (фоиз)	75.0
Зоофаглар (фоиз)	5.0
Соф бирламчи маҳсулот (йиллик Т га)	2.78
Соф бирламчи маҳсулотнинг тирик биомассага нисбати	0.30
Ўлимтик органик модда (Т га)	25.12
Шу жумладан юқоридаги чиринди (фоиз)	99.5
Модданинг биологик айланниш сифими (йиллик кг га)	126.0
Маҳсулотдаги азотнинг ўртacha микдори (фоиз)	0.90
Маҳсулотдаги кутл элементларнинг ўртacha микдори (фоиз)	3.78
Ўсимликларга озука бўладиган кимёвий элементлар	Ca, K N, Mg
Фитофаглар ҳазм киладиган маҳсулот (фоиз)	12.0
Органик модданинг абиотик оқимлари (кг/га):	
Ландшафтга кириб келиш	2.0
Ландшафтдан чиқиб кетиш	30.0

Ушбу маълумотларни намлик етарли микдорда бўлган айrim ландшафтларга ҳос кўрсаткичлар билан солиширилса, ўзига ҳос хуласаларга эга бўлиш мумкин. Масалан, ҳаво ҳарорати ёки термик шароити бир хил бўлган, аммо намлик билан иссиклих нисбати яхши бўлган шароитда ландшафт маҳсулдорлиги юқори бўлади. Шунинг учун намгарчилик этишмайдиган оқ саксовул ва илок ўсган ландшафтларда эса маҳсулдорлик ниҳоятда кам. Ундан ташқари ушбу ландшафтда қўёшдан келадиган энергия микдори катта бўлганлиги ва маҳсулдорлик кам бўлганлиги сабабли органик модданинг бузилиш (деструкция) жадаллиги биомассанинг унумлик тўпланишидан анчагина кўп бўлади ва ўлик органик модданинг тўпланиши йўқ даражада бўлади. Ўлик органик модда ва ўсимлик танасидаги биомасса заҳираси ландшафтларнинг ташки мухит таъсирига чидамлилигини ҳосил қилувчи асосий омиллар дандир. Юқоридаги жадвалда келтирилган маълумотлардан яна бир нарса эътиборни ўзига жалб қиласини, у ҳам бўлса органик модданинг

абиотик оқим таъсирида ландшафтга кириб келишидан чишиб кетиши кўпроқ экан. Бунда органик мадданинг йўқолиши асосан шамол учиреб олиб чишиб кетиши хисобига бўлиб, ҳар йили таҳминан 10 фоизга яқин бирламчи маҳсулот йўқолади.

Мадданинг биологик айланнили ҳам сувнинг айланниши каби миқёси жиҳатидан катта (дунё миқёсида) ва кичик (масалан, тупроқ катламишининг ўзида ёки бирор ландшафт, фашия ва ҳ.к.диорасида) бўлади. Ҳар бир кичик айланнишлар дунё миқёсидаги айланнишининг алоҳида шаҳобчалари бўлиб, улар орасидаги доимо ўзаро таъсир ва алокадорлик мавжуд. Бу таъсир ва алокадорликлар мадданинг дунё миқёсидаги айланнишига мадад бериб, бошқа табиий жараёнлардан, жумладан мадданинг катта геологик айланнишидан ажралмаган ҳолда рўй беради. Шунинг учун бу жараённи мадданинг биогеокимёвий айланниши деб атайдилар.

Абиотик табияттага эга бўлган модда айланниши биологик модда айланнишидан фарқли ўлароқ бир томонга йўналган оқимлар кўринишида бўлганлиги учун юкорида айтиб ўтилган биологик жараёнларга қўшимча қилиб ландшафтга ёғин-сочин ва оқар сувлар орқали кириб келадиган ва ландшафтдан чишиб кетадиган маддаларни ҳам ўрганиш керак бўлади.


Ландшафтларда мадданинг абиотик кўчиб юриши асосан икки хил шаклда рўй беради: 1) нураш ёки эмирилиш натижасида ҳосил бўлган ва турли катта-кичиликлардаги жисмларнинг ўз оғирлик кучи билан ёнбаргарларда пастта силжиши, оқар сувлар таркибида механик оқизиклар ҳамда ҳавода чаңг зарраларини ҳосил қилиши шаклида; 2) сув билан бирга ҳаракатланувчи ва турли геокимёвий ёки биокимёвий жараёнларда иштирок этадиган сувда зирган маддалар (турли газлар) шаклида бўлади.

Ландшафтларнинг жонли ва жонсиз компонентлари орасидаги ўзаро таъсир органик ёки минерал биримлар кўринишидаги мадданинг доимо муттасил алмашиниб, айланниб туришидадир. Тирик организмлар яратилиши учун зарур бўлган кислород, углерод, азот, фосфор, олтингурут каби 30 дан ортиқ биоген элементлар тўхтосиз тарзда глицид, липид, аминокислоталар каби органик маддаларга айланади ёки турли органик бўлмаган тузлар кўринишида автотроф ўсимликлар томонидан, кейинчалик гетеротрофлар: хайвонотлар, сўнгида эса деструктор - микроорганизмлар томонидан истеммол қилинади.

Ландшафт доирасида рўй берадиган мадданинг тўла биогеокимёвий айланнишини, яъни биогеокимёвий циклни билдиш учун организмларнинг барча гурухларини: ўсимликлар, хайвонот, микрофлора, микрофауна, бактеријалар ва ҳоказоларни ўрганиш керак бўлади. Ҳозирги вақтда буларнинг ичидаги озми-кўпми ўрганилган ўсимликлардир. Уларнинг ҳаммаси орасидаги модда ва энергия алмашинишини бирварақайига ўрганиш мураккаб вазифадир. Махсус адабиётда эса кўпроқ ўзи бу кимёвий унсурларнинг айланнишини кўпинча алоҳида алоҳида ўрганилганлиги қайд этилган. Масалан, табиятда кислороднинг айланниши ёки углеродни, азотни, фосфорни айланниши ва ҳ.к. Баъзан эса уларнинг

ўзаро боғликлиги ҳакида маълумотлар топиш мумкин. Аммо буларнинг ҳаммаси ландшафтда рўй берадиган биогеокимёвий цикл ҳакида тўла ва яхлит тасаввур бера олмайди.

Биогеокимёвий цикл деганда, кимёвий моддаларнинг ландшафт доирасида органик бўлмаган компонентлардан ўсимлик ва ҳайвонот орқали ўтиб яна органик бўлмаган компонентларга кайтиб келиши тушунилади. Бунда кўш энергияси ва кимёвий реакциялардан ҳосил бўлган энергия, гравитация энергияси ва ҳоказолар иштирок этади. Биогеокимёвий айланиш (биогеоцикл) нинг умумий кўринини ҳакидаги тасаввурни 15-расмдан олса бўлади.



15- расм. Ландшафтлардаги биокимёвий айланиш (биогеоцикл) нинг умумий кўринини.

1 - фотосинтез жараёнида фаол иштирок этадиган кўш радиацияси; 2 - намлик транспирацияси ва модданинг йўқотилиши; 3 - модданинг ёғин-сочин билан кириб келиши; 4 - фотосинтез натижасида органик модда ҳосил бўлиши; 5 - ўсимлик танасида модданинг кўчиб юриши; 6 - модданинг ўсимликдан ювилиб тушиши; 7 - ўсимлик қисмларининг ер юзасига тўкилиши; 8 - тўшама ва шоҳ-шаббадан тупроқка модда ўтиши; 9 - тупроқдан ўсимликка илдинз орқали модда ўтиши; 10 - тупроқдан ўсимликка намлик ўтиши; 11 - модданинг ер ости сувларидан кириб келиши ва чиқиб кетиши; 12 - тупроқдан ер ости сувларига модда ўтиши ва акси.

- тўкилган шоҳ-шабба;

- тўшама.


Ландшафтларда доимо озми-кўпми тирик фитомасса ёки ўсимлик массаси бўлади. Агар қуруқ фитомассани куйдирилса, унинг таркибидағи минерал моддаларни ёки кул элементларини аниклаб олса бўлади. Қуруқ органик модданинг қолган қисмини асосан углевод, лигнин, ли-

пид, ишқор моддалар, смола, мум ҳамда турли органик бирикмалар (кислоталар, глюкозидлар, эфир мойлари, каучук, алкоигедлар, витаминлар, антибиотиклар) ташкил қилади.

Ландшафтлардаги биогеоциклнинг асосини иккита муҳим биологик жараён ташкил қилади. Бу ўсимликларнинг фотосинтези ва нафас олиши дидир.

Фотосинтез - жуда кучли табиий жараён бўлиб, ҳар йили ландшафтдаги турли хил биогеокимёвий жараёнларнинг созловчиси деса бўлади. Фотосинтез күёш энергияси ва яшил ўсимликлардаги хлорофилл иштирокида рўй берадиган кимёвий реакциядир. Бунда углекислота ва сув ҳисобига органик модда синтез бўлади ва эркин кислород ажralиб чиқади. Фотосинтезнинг энг оддий маҳсулоти глюкозадир. Глюкозид ўсимликларда рўй берадиган фотосинтез ва нафас олишининг кимёвий тенгламасини Франсуа Рамад (1981) куйидагича келтиради:

фотосинтез



нафас олиши

моносахарид

бу ерда N - 0.65 - 0.70 узун тўлкини куёш энергияси (ккал).

Ландшафтларда рўй берадиган ана шу жараён биогеоциклнинг асосини яратади. Бирламчи биологик маҳсулотнинг ҳосил бўлишида кўплаб турли хил реакциялар бўлади. Аммо умумийроқ қилиб айтганда бу жараён куйидагича кўринишда бўлади. Еруглик ва мос ҳарорат шаронтида ўсимликларда сув, карбонат ангилирд ва минерал моддалардан бирламчи органик маҳсулот ҳосил бўлади. Шу билан бирга ҳавога кислород ажralиб чиқиб, намлик эса транспирация бўлади. Бошқа кўпгина минерал озиқларни ўсимликлар тупроқдан илдиз орқали олади. Бу моддалар ўсимлик танасида скелет органлар орқали юқорига, ўсимликнинг шоҳлари ва баргларига таржалади. Ўсимликларнинг баргидаги тўпланган озиқ унсурлари уйинг колган органларидагидан 10-20 мартағача кўп бўлади. Бу унсурлар вақт ўтиши билан барглар ва шоҳ-шаббаларнинг узилиб ерга тушиши орқали яна тупроқка ўтади. Унсурларнинг айrim қисми эса барглардан ва ўсимлик танасидан ёмғир сувлари билан ҳам ювилиб тушади. Буни биз атмосферадан тушган ёғиннинг кимёвий таркиби билан ўсимликнинг баргларидан ва танасидан оқиб тушган ёғин сувлари таркибини солиштириши орқали аниқлаб олсан бўлади.

Ландшафтнинг маҳсус фаолиятини аникроқ ўрганилганда кимёвий моддаларнинг ўсимлик орқали ҳайвонот танасига ўтиши, у ерда янги органик бирикмаларни ҳосил қилиши, кейинчалик ҳайвон ҳалок бўлгандан сўнг эса бошқа гурӯҳ организмлар танасига ёки яна тупроқка ўтиб кетиши каби жараёнлар ҳам ўрганилиши керак. Биогеокимёвий циклнинг охирги поғонасида тупроқдаги органик моддалар синтези ва яна ўсимликлар танасига ўтиши рўй беради.

Юкорида айтилганлардан кўриниб турибдики, ландшафтнинг маҳсус фаолиятини, унинг ҳамма жабҳаларини бир вактнинг ўзида ва тўла ёритиб бериш мурakkab ва кўп вакт талаб қиласидан ишдир. Бу ишларни ландшафтшуносликнинг анъанавий усуслари билан амалга ошириб бўлмайди. Бунда кўпроқ ландшафтлар геокимёси ва ландшафтлар геофизикаси каби фан тармоқлари усусларидан фойдаланиш ҳамда албатта стационар кузатишлар олиб боришга тўри келади.

## ЛАНДШАФТЛАРНИ ТАСНИФЛАШ

Фанда таснифлаш, тартиб бериш, турлаштириш, таксономия каби бир-бирига яқин тушунчалар мавжуд. Булардан таснифлаш ва тартиб бериш тушунчалари бир-бирига анчагина яқин бўлиб, ранг-баранг ва турли-туман нарса ва ҳодисаларни маълум бир тартиб билан, ҳар бирининг поғонама-поғона мавқенини ёки кўламини сақлаган ҳолда гурухларга ажратиш ёки бирлаштириш деган маънони англатади. Ўкувчиларга ботаникадаги ўсимликлар таснифи, зоологиядаги тирик мавжудотлар таснифи яхши таниш. Шунга ўхшаш таснифлар бошқа фанларда ҳам бор.

Ўз ўрганиш обьектини тасниф қилимага ёки тасниф қилишга уринманган биронта фан бўлмаса керак. Сабаби бирор фанни фан сифатида танилиши учун ҳам унинг ўз обьектининг таснифи ишлаб чиқилган бўлиши керак. Буюк француз математиги А.Пуанкаре (1906) "Фан - бу энг аввал таснифлашдир" деган эди. Таснифлаш жараёнинг бориб етмаган илмий изланишларни ҳали "киёмига етмаган" деб баҳолаш мумкин.

Ўрганиш обьектини таснифлашнинг ҳам илмий, ҳам амалий аҳамияти каттадир. Унинг илмий аҳамияти шундан иборатки, обьект тасниф қилинаётгандан унинг келиб чиқиши, тузилиши, ривожланиши каби барча хусусиятлари ўрганилиши ва у ҳакидаги барча маълумотлар батафсил таҳлил қилиниши керак бўлади.

Ер юзасида муайян ландшафтлар ҳаддан ташқари кўп бўлганлиги учун уларнинг ҳар бирини алоҳида-алоҳида таърифлаб ўтиришнинг иложи бўлмай қолади. Шунинг учун ландшафтларни маълум мақсадларда (масалан, кишлоқ хўжалиги, шаҳар курилиши ва х.к.) гурухлаб таърифлашга ва шунга мос ҳолда бир турдаги тадбирларни режалаштиришга тўғри келади. Бу ландшафтларни тасниф қилишнинг амалий аҳамиятга эга эканлитини кўрсатади. Фанинг ўрганиш обьекти қанчалик серкирра, хилма-хил ва мурakkab бўлса, уни таснифлаш ҳам шунчалик мурakkab бўлади. Ҳар қандай таснифни амалга оширишда обьект ҳакида тўла ва аниқ тушунчага эга бўлиш керак. Обьектни турлича талқин қилиш ва тушиниш турлича тасниф тарҳларининг тузилишига сабаб бўлади.

Ландшафтшунослик фани ҳам бошқа табиий фанлар қатори жуда кўп ва хилма-хил, аммо ўзига хос хусусиятларга эга бўлган аниқ обьектлар

-ландшафтларни тасниф қилади. Ландшафтшунослик учун пухта ишланган, илмий ва мантикий талабларга түлиқ жавоб берадиган таснифлаш жадвалини тузиб олиш жудда катта аҳамиятга эга. Чунки ер юзида кўплаб учрайдиган ҳилма-ҳил ландшафтларни бир-бирига ўхшаш ёки бир-биридан фарқ қиласидиган томонларини аниклаб, ҳар бирини ўз мавқенини саклаган ҳолда маълум бир тартибга тушириб олинмаса, уларни тўғри тадқик килиш, хатто ландшафт ҳаритасини тузиб олиш ҳам мумкин бўлмай қолади.

Кейинги 15-20 йил ичида географлар томонидан бажарилаётган кўплаб ишлар учун, жумладан ҳалқ ҳўжалигини ривожлантириш, аҳолининг яшами ва соғлиги нутгари назаридан ландшафтларни баҳолаш, географик башорат қилиш ва табиат муҳофазасини кўзлаб бажарилаётган ишлар учун ҳам катта-катта районлар, табиий географик ўлкалар миқёсида барча ландшафтлар ҳакида батафсил мвулюмотларга ёки бошқачароқ қилиб айтганда ландшафтлар кадастрига эга бўлиш аҳамиятлидир. Мамлакатимиз ландшафтларининг аниқ ва пухта тасниф жадвалини ишлаб чикиш ландшафтшуносликнинг энг йирик масалаларидан биридир.

Ландшафтларни таснифлаш билан кўпчиллик географлар шуғулланишган. Улардан айниқса Н.А.Гвоздецкий (1961), А.Г.Исаченко (1961, 1975), В.А.Николаев (1973, 1979) кабиларнинг тажрибалари эътиборга лойик. Бу олимлар тавсия этган таснифлар ичида В.А.Николаев (1979) бажарган тасниф ўзининг анчагина мукаммаллиги билан ажralиб туради. Бу таснифнинг яратилиши асосида ландшафтшунос олим Н.А.Николаев кўп йиллар давомида Қозоғистон даштларида ландшафтларни ҳаритага тушириш борасида олиб борган изланишлари ётади. Куйида келтириладиган фикрларнинг кўпчиллиги В.А.Николаев илгари сурган ғоялар таъсирида юзага келди. Бу фикрлардан энг асосийси ландшафт ҳакида тушунчанинг ўзига хос талкини бўлди.

В.А.Николаевнинг фикрича ландшафтни факат регионал бирлик (А.Г.Исаченко, 1961) ёки фақат типологик бирлик (Н.А.Гвоздецкий, 1961) сифатида қабул килиш бирдай бир томонламаликка олиб келади. Агар биз ландшафтни типологик бирлик деб қабул қилас эканмиз, унинг асосида ҳар бир муайян ўзига хос ландшафтнинг таҳлили ётишини эсдан чиқармаслигимиз керак. Ҳар бир муайян ландшафт - ўзига хос географик индивиддир. Лекин бир вактнинг ўзида у қайсиdir типологик ландшафтлар мажмаусининг бир кисмидир. Ҳакиқатан ҳам, Ер юзида иккита ҳар томонлама бир ҳил бўлган ландшафтни топиб бўлмайди. Аммо қайсиdir хусусиятлари билан бир-бирига ўхшашлик томонлари бўлган ландшафтларни учратиш ва тасниф қилиш мумкин. Ландшафтлар таснифини ишлаб чиқиша турлича тамойилларга амал қилинган бўлиши мумкин. Масалан, тарихий-эволюцион тамойил, генетик тамойил, морфологик тамойил ва х.к. Шу тамойиллардан бирваракайига бир нечтасига амал қилган маъкул. Шулардан факат биттасигагина амал қилиб тузилган тасниф доимо ҳам аниқ ва пухта бўлавермайди. Шу

билинг бирга ландшафтларнинг ўзини маълум бир тамойилга асослаимай, бирма-бир санаб ўтишнинг ўзи ҳам илмий таснифдан узокдир. Ҳозирга-ча кўлланиб келинаётган тамойилларнинг энг асосийларидан бири тарихий-эволюцион тамойиллар. Бунда ландшафтни инвариант тушунчаси нуқтаи назаридан карашга тўғри келади. Ушбу тамойилга амал килинганда бир тасниф жадвалининг ўзида географик тизимлардаги жуда кўп ва турли-туман моддий борлиқни камраб олиши мумкин бўлади. Кўл остилизда маълум микдорда палеогеографик маълумотлар мавжуд бўлган такдирда бу тамойилдан фойдаланиш жуда яхши натижалар бериши мумкин, яъни ландшафтларнинг ташкил топиши ва ривожла-нишидаги ички ва ташкил алоқадорликларни тасниф жадвалида акс эт-тириш мумкин бўлади.

Ландшафтлар таснифида тарихий ёндашиш албатта ландшафтларнинг келиб чиқиши (генезиси)ни таҳлил килиш билан боғлиқдир. Ландшафтларнинг келиб чиқиши ва ривожланиш тарихи уларнинг ички структурасининг ўзига хослигини келтириб чиқаради. Шунинг учун ландшафтларни таснифлашда фойдаланилётган тарихий генетик тамо-йил ландшафтларнинг ички тузилишини таҳлил килиш билан бевосита боғлиқ бўлиб қолади.

Ландшафтлар таснифида ландшафтлар ички тузилишини таҳлил килиш коидаси асосида бир бутунни унинг қисмлари билан ҳамда қисмлари орасидаги ўзаро тъясир ва алоқадорликларни таҳлили ётади. Биз ландшафтларни кўп яруслик геотизимлар деб кабул килган эдик. Бу билан биз ҳар бир ландшафт маълум компонентлар мажмусидан ибораттина бўлиб қолмасдан, балки ўзидан кичикрок бўлган комплекслардан тузилганинги ҳам эътироф этган бўламиз. Шундай экан, ландшафтларнинг ички тузилиши ҳақида гап боргандা факат компонентлар орасидаги эмас, балки кичик ёки оддий комплекслар орасидаги ўзаро алоқадор-ликлар ҳам тушунилади. М.А. Глазовская (1961) томонидан тавсия этилган геокимёвий ландшафтлар таснифи ҳам ана шу тамойил асосида тузилгандир.

Ландшафтлар очик геотизимлар бўлганинги сабабли, улар ўз ён-атрофларида ландшафтлар билан ҳам модда ва энергия алмашиниши кўринишда алоқадор бўлиб туради. Агар биз тасниф тузишида ландшафтлар ўз ички тузилишига эга маълум бир тизимдир деган коидага амал киладиган бўлсак, ландшафтларнинг ички алоқадорлигидан ташкари уларнинг атроф-муҳит билан ва кўшни ландшафтлар билан бўладиган алоқадорликларини ҳам ҳисобга олиш керак бўлади.

Одатда ландшафтларнинг ички тузилишининг таҳлили асосида тас-нифнинг кичик таксономик бирликларини аниклаб олиш мумкин бўла-ди. Катта таксономик бирликларини аниклаёттанды эса кўпроқ ландшафт-ларнинг ўзаро алоқадорликларига ва ёндашиб келиш хусусиятларига кўп-роқ асосланишга тўғри келади.

Ландшафтлар таснифини тузганда, у пухта ва "табиий" бўлиши учун тарихий-генетик тузилиши тамойилларига амал қилган маъкул кўринади.

Ҳар қандай илмий таснифлаш аввало тасниф килинаётган обьектта ёки ҳодисага тегишли бўлган маълум белгиларни танлаб олишни тақозо қиласди. Ландшафтларнинг айрим гурухларга типологик бирлаштирилиши ёки аксинча табакаланиши турли-туман шарт-шароитларга боғлик. Масалан, ландшафтларнинг ички хусусиятларига, қўшни ландшафтларга ёндашиб келишига, ландшафт ташкил қилувчи омиллар ва ҳодисаларнинг мажмуига, уларнинг ривожланиш хусусиятлари ва хоказоларга боғлиқдир.

Шунинг учун ҳар қандай таснифдаги бирликларнинг мавқенини аниклашда фақат биргина белгини асос қилиб олиш кийин бўлиб, ҳатто бундай белгини излаб ўтиришнинг ўзи ҳам мантиқан нотўри бўлар эди. Бунинг сабаби шундаки, аникланадиган ва таснифланадиган турли-туман бирликларни ўз кучи ва қиймати турлича бўлган омиллар асосидагина умумлаштириш мумкин бўлади. Умуман олганда, асосий белгиларни танлаб олиш, таснифлаш жараёнини энг муҳим ва маъсулятли босқичларидан бири ҳисобланади.

*Ландшафтлар таснифининг асосий бирликлари.* Ландшафтлар таснифида ҳам бошка кўптина табиий фанлар таснифидагидек синф, тур, туркум, хил каби тушунчалар ишлатилади. Бундай тушунчаларни бирмабир изоҳлаб беришдан олдин бир-икки таникли географ олимлар ишлаб чиқкан тасниф кўринишларини мисол тарикасида келтириб ўтмоқчимиз. Дастребки ана шундай ишлардан бири Н.А.Гвоздецкий (1961)га тегишлидир. У тавсия этган ландшафтлар таснифи: синф-тур-кичик тур-гурух хил кўринишда бўлиб, анчагина ихчам тархлардан биридир. А.Г.Исаченко (1961) тавсия этган ландшафтлар таснифи: тур-кичик тур-синф-кичик синф-хил-кичик хил-вариант кўринишига эга.

Бу икки тасниф бир-биридан озми-кўлми фарқ қиласди. Жумладан, энг катта бирлик сифатида Н.А.Гвоздецкий синфни қабул қилас экан, у энг аввал тоғларнинг ва текисликларнинг ландшафтларини иккни синфга бўлиб ташлашни тавсия этса, А.Г.Исаченко даставвал ландшафт турларини аниклаб олишни, сўнгра синфларга бўлишни маъкул кўради. Ландшафт турларини аниклаб олишда энг асосий мезон сифатида ландшафтларнинг гидротермик режими, яъни намлик ва иссиқлик тақсимланишидаги дунё миқёсидағи фарқларни олишни тавсия этади.

А.Г.Исаченко фикрича ландшафтларнинг бир-бирига ўхшашлиги ёки бир-биридан фарқи жуда кўп сабаблар билан белгиланади ва уларнинг ичидан энг асосийини аниклаб ола билиш тасниф тархидаги энг катта бирликни ташлашга асос бўлади.

Хозирги вақтда энг мукаммал ишланган ландшафтлар таснифининг муаллифи В.А.Николаев (1973, 1979) эканлиги кўпчалик географлар тамонидан эътироф этилмокда. У тавсия этган кўп погонали тасниф тархи; бўлим-кисм-кичик кисм-синф-кичик синф-гурух-тур-кичик тур-

тоифа-кичик тоифа-хил-вариант кўрининишида бўлиб, ер юзасидаги барча ландшафтларни маълум бир тартиб билан ўрганишга яхши илмий асос бўла олади.

Кўйида биз В.А.Николаев тавсия этган ана шу ландшафтлар таснифидаги бирликларни изоҳи билан чегараланамиз. Чунки бу изоҳлар бошқа тасниф тархларида бирликлар изоҳига кўп жиҳатдан мос келади.

Шундай килиб, ландшафтлар таснифида ишлатиладиган энг йирик бирлик ландшафтлар бўлими хисобланади. Бўлим даражасига кирувчи ландшафтлар асосан Ернинг географик қобигини ташкил қилувчи турли геосфераларнинг бир-бири билан туташиб туриши ва ўзаро таъсир турига қараб аниқланади. Бу ҳакда таникли табиий географ В.Н. Милков (1970) "Ландшафтлар бўлими ландшафтшуносликдаги энг юксак типологик бирликлар" деган фикрни билдиради. Бу бирлик Ф.Н. Милков айтганидек литосфера, атмосфера, гидросфераларнинг ўзаро таъсир хусусиятига ва шунга боғлик ҳолда ўзаро модда ва энергия алмашиниш шакли ҳамда жадаллиги ўхшаш бўлган ландшафтларни бирлаштиради. Ландшафтлар бўлимида мисол сифатида куруклик ландшафтлари, сув ландшафтлари, сув ости ландшафтларини киритиш мумкин. Кўйида биз факат куруклик ландшафтларнга тегишли бўлган масалалар ҳақидагина сўз юритамиз.

Ландшафтлар бўлими ичida даставвал ландшафтлар қисмини ажратамиз. Ландшафтлар қисми бирлиги ландшафтларни энг асосий энергетика базаси бўлмиш намлиқ ва иссиқлик балансидаги фарклар ва ўхшашликларга қараб бирлаштиришга имконият беради. Бундай ўхшашлик ёки фарклар жойларнинг макроклиматий хусусиятлари билан белгиланади. Бу хусусиятлар билан ўз навбатида жойнинг гидрологик режими, ҳукумрон бўлган ўсимлик тури ва биологик модда айланниш тури кабилар чамбарчас боғлиқлар. Бу ерда гап кўпроқ иклим минтақалари ҳақида бораётни, яъни битта иқлим минтақасида ривожланган ландшафтларнинг ҳаммаси ҳоҳ у тоф ландшафти, ҳоҳ текислик ландшафтлари бўлсин битта қисмга тааллуқли хисобланади. Масалан, Кара деңгизи бўйларидан Туркманистоннинг жанубигача бўлган маконда: арктик, субарктик, бореал, суббореал, субтропик ландшафтлар қисмини ажратиш мумкин.

Бизга маълумки, юкорида санаб ўтилган минтақалар табиати гардан шарққа томон, яъни Атлантика океанидан узоклашган сари, континенталлик ортиб борган сари ўзгариб боради. Шуни эътиборга олсак, ландшафтлар қисми ўз навбатида ландшафтларнинг кичик қисмiga бўлинib кетиши мумкинлигини кўрамиз.

Ландшафтлар таснифидаги навбатдаги бирлик-ландшафтлар синфидир. Бу бирлик юкорида мисол келтирилган барча тасниф тархларида (Н.А.Гвоздецкий, А.Г.Исаченко) иштирок этади. Бу таснифлаш тажрибаларининг деярли ҳаммасида ҳам синфларни аниқлашда биргина хусусият, яъни ландшафтларнинг морфотектоник хусусияти асос қилиб

олинади ва асосан иккита ландшафтлар синфи ажратилади: тоғлар ландшафтлари синфи ва текисликлар ландшафтлари синфи. Бу икки синф орасидаги энг асосий фарқ уларда табиий зоналарни икки хил кўринишида (текисликда кенгликлар бўйлаб, тоғларда эса пастдан юкорига) бўлишидир.

Тоғ ландшафтларининг ҳам, текислик ландшафтларининг ҳам та бақаланишида яна бир гипсометрик омил, яъни ландшафтларнинг погоналар хосил қилиб жойлашиш хусусияти борлигини эътиборга олсак, унда ландшафт синфларининг ичиде ландшафт кичик синфларини ажратиш мумкин бўлади. Масалан, текислик ландшафтлари пасткам, паст ва баланд текислик ландшафтлари кичик синфларига, тоғ ландшафтлари эса паст тоғлар, ўртacha баландликдаги тоғлар, баланд тоғлар ландшафтлари кичик синфларига бўлинниб кетади.

Навбатдаги тасниф бирлиги-ландшафтлар гуруҳидир. Бу бирликни аниклаб олишда асосий белги сифатида ландшафтларнинг сув ва геокимёвий тартиби, яъни ландшафтларнинг атмосфера ёғинлари хисобига, грунт сувлари хисобига ёки яна бир бошқа сувлар хисобига намланиш нисбати асос қилиниб олинади. Ана шу белгиларга қараб текислик ландшафтлари ичиде эловиал, эловиал-гидроморф (ярим гидроморф), гидроморф ландшафтлар гурухларини ажратиш мумкин.

Ландшафтлар гурухи бирлигини ажратишнинг (айникса текислик ландшафтлари учун) аҳамияти эътиборга лойикдир. Бунинг сабаби ўтмишда ва ҳозирги вақтда ландшафтларнинг ички тузилиши ҳамда уларнинг ривожланиш йўналиши қай тарзда бўлганлиги кўп жиҳатдан уларнинг сув-геокимёвий тартибининг ўзига хос хусусиятлари билан боғликлигидадир. Шунинг учун ландшафтлар тараққиёти келажакда қандай бўлишини башорат (прогноз) қилиш учун ҳам ландшафтлар гурухини аниклаб олиш катта амалий аҳамият касб этади.

Ландшафтларнинг эловиал, гидроморф ёки ярим гидроморф бўлиши улар тараққиётининг маълум даврдаги ҳолатини акс эттиради. Намланиш характеристи ўзгариши билан ландшафтлар бир ҳолатдан иккинчи ҳолатга ўтиши мумкин, яъни бир гурухга мансуб ландшафтлар иккинчи гурухга ўтиб қолиши мумкин. Ландшафтларнинг сув-геокимёвий тартибини ўрганишнинг аҳамияти катта бўлиб, унга даставвал Б.Б.Полинов (1956), А.И.Перельман (1975), М.А.Глазовская (1964), кейинчалик В.А.Николаев (1973), А.А.Макунина ва Н.С.Селезнева (1974) кабилар ўз илмий изланишларида алоҳида эътибор беришган. Яна бир нарса ҳакида тўхталиб ўтмоқ лозимки, баъзи бир тасниф тарҳларида ландшафтларнинг ана шу хусусиятларига эътибор берилган-у, фақат бирликнинг номи бошкача, яъни гуруҳ эмас, балки катор деб аталган.

Ландшафтлар гурухи ўз навбатида ландшафт турларига бўлинниб кетади. Бу тасниф бирлиги деярли барча тасниф тарҳларида учрайди. Унинг изоҳи ҳам мазмун жиҳатидан деярли бир-бирига яқин. Фақат А.Г.Исаченко тузган тасниф тарҳидаги тур бирлиги ўзининг ҳажми ва

мазмумни жиҳатидан В.А.Николаев тархидаги ландшафт қисмларига мос келади.

Ландшафт турларини аникланашда тупроқ ва биоиклим белгиларига асосланишга тўғри келади. Жумладан тупроқ турлари, ўсимлик формациялари синфи ва х. Н.А.Гвоздецкий, В.А.Николаевларнинг тасниф тархларида ландшафт турлари ҳакида гап борганда асосан ландшафтларнинг зонал турлари назарда тутилади. Масалан, тундра ландшафтлари бир турга кирса, дашт ландшафтлари бошқа турга, чўл ландшафтлари эса яна бир бошқа турга киради.

Ландшафтларнинг бундай зонал турларга бўлиниб кетиши асосан элювиал ландшафтлар гурухига хосdir. Лекин табиатда объектив мавжуд бўлган боткоклик ландшафтлари, ўтлоқ ландшафтлар, шўрҳок ландшафтлар каби бошқа гурухга кирувчи интразонал ландшафтларни алоҳида тур сифатида ажратиш лозим бўлади. Бундай бўлиши мумкинлигини Н.А.Гвоздецкий (1961), М.А.Глазовская (1964), Ф.И.Милков (1967)лар ҳам эътироф этадилар.

Ландшафтлар таснифининг кейинги бирлиги кичик тур бўлиб, подзоналарга хос белгиларга асосланиб аникланади. Масалан, Туркистон текисликларидаги чўл ландшафтлари иккита кичик турга, яъни шимолий чўл ландшафтлари ва жанубий чўл ландшафтларига бўлиниб кетади.

Ландшафт турлари ёки кичик турлари ўз навбатида ландшафт тоифаларига бўлинади. Кайси ландшафт қайси тоифага мансуб эканлигини аникланашда айрим ландшафтшунослар (Н.А.Гвоздецкий, В.А.Николаев) геоморфологик белгиларга асосланишса, айримлари (Юренков 1982) эса маълум ландшафт турлари ичидаги провинциал хусусиятларга кўпроқ эътибор беришади. Геоморфологик омил асос қилиб олинган шароитда эса эътиборни кўпроқ рельефнинг генетик турларини ўрганишга қартиш керак бўлади.

Ландшафт тоифалари ичida кичик тоифа бирлигини ажратишга тўғри келиб қолган ҳолларда асосий белги сифатида ландшафт ташкил килувчи жинсларнинг литологик тузилиши олинади.

Энг кичик тасниф бирлиги ландшафт хилларидир. Бу бирлик генезиси ва ички тузилиши бир хил бўлган идивидуал ландшафтларнинг мажмунини акс эттирувчи бирликдир. Ландшафт хилларининг бир-биридан фарқлантирувчи асосий белгиси ландшафтдаги ҳукмрон урошишларнинг ўхшашлигидир. А.Г.Исаченко (1991) ҳам ландшафт хилларини аникланашда ландшафтларнинг морфологик тузилиши энг асосий белги эканлигини эътироф этади.

Битта хилга мансуб бўлган ландшафтларни албатта айнан ёки ҳар тамондама бир-бирига ўхшаш деб бўлмайди. Кўпинча бир хилга мансуб ландшафтларда ҳукмрон урошишлар умумийлиги бўлган тақдирда ҳам ҳукмрон бўлмаган урошишлар ва фациялар таркиби ёки эгаллаган майдони жиҳатидан турлича бўлиши мумкин. Ана шундай ҳолларда ландшафт хиллари ичida яна бир тасниф бирлиги ландшафтларнинг кичик хили ёки морфологик кўринишини ажратишга тўғри келади.

Шундай килиб, В.А.Николаев ишлаб чиқсан тасниф жадвали II поғонали бўлиб, ҳар бир поғонани аниклашда асос бўла оладиган кўплаб тасниф белгилари, келтирилган. Ушбу тасниф жадвалига асосланаб Карши дашти (И. Ҳасанов), Жанубий Орол бўйи (А. Рафиқов, И. Ҳасанов), Турон текисликлари (Н.А. Когай, Ш.С. Зокиров), Амударё ва Сирдарё оралиги (Ш.С. Зокиров) ландшафтларини ўрганиш яхши натижалар берди. Куйида биз мисол тарикасида икки дарё оралиги ландшафтлари таснифини келтирамиз.

Амударё ва Сирдарё оралигига жойлашган ерлар табиий шароити жихатидан ўзига хосdir. Бу ерларда биз кумликларни, ҳозирги ва қадимги аллювиал-дельта текисликларини, Шаркий Оролбўйидаги ҳозирги денгиз остидан чиқсан текисликларни, Марказий Кизилкум паст тоглари ва уларга тулашиб кетган пролювиал текисликларни учратамиз. Уларнинг ҳар бири ўзига хос табиятга эга бўлиб, келиб чиқиши, ёши турличадир ва турли экзоген жараёнлар ҳамда улар билан боғлик бўлган турли рельеф билан таърифланади. Бу ўз навбатида бу ерларда турли ландшафтларнинг шаклланишига олиб келган.

Бу худуд табиятига хос бўлган энг дастлабки нарса худуднинг шимолдан жанубга анча масофага чўзилганлиги ва табиий шароитнинг кенгликлар бўйлаб зоналар хосил килишидир. Бу ерда икки иклим зonasини, яъни мўътадил ва субтропик зоналарни ажратиш мумкин. Улар орасидаги чегара жануби-гарбдан шимоли-шарқда томон таҳминан Жанадарё куруқ ўзани йўналишида ўтиб, иккита ландшафт кисмини ажратиб олишни тақазо этади. Чегарадан шимолда қурғоқчили худудлар суббореал ландшафтлар кисми ва жанубда жуда қурғоқчили худудлар субтропик ландшафтлар кисми жойлашгандир. Иккала ландшафтлар кисмидаги асосий иклимий фарқлар Л.Н. Бабушкин (1964) томонидан етарли даражада изохлаб берилган. Бундаги энг асосий фарқлар атмосфера циркуляциясида, ёғин-сочиннинг фасллар бўйлаб турлича нисбатда тушишида ва термик ресурсларнинг турлича тақсимланишидадир.

Жанубдаги ландшафтлар кисми иккита ландшафт синфига бўлинади, яъни текислик ландшафтлари ва тоғ ландшафтлари синфида. Майдон жихатидан текислик ландшафтлари ҳукумрондир. Тоғ ландшафтлари эса кентглик зонаси ичida орол тарикасида учрайди. Текислик ландшафтлари ўз навбатида аккумулатив текислик ландшафтлари, денудацион баланд текислик ландшафтлари каби кичик синflарга бўлинади.

Кейинги тасниф бирлиги - ландшафт гурухи ландшафтларнинг намланиш хусусиятига қараб, ер ости сувларининг ҳаракатчалигига ва ҳаракатчан кимёвий унсусларнинг чиқиб кетиши ёки тўйинниши устунлигига қараб (автоморф ландшафтлар, яримгидроморф ландшафтлар ва гидроморф ландшафтлар гурухлари) ажратилган. Ландшафтларнинг бундай хусусиятларини аниклашиб олиш қурғоқчили ва жуда қурғоқчили худудларда ландшафтлар ривожланишининг умумий йўналишларини билиб олиш учун жуда муҳимдир. Ландшафтнинг автоморф ёки гидро-

морф бўлиши унинг маълум вақт давомидаги ҳолатини акс эттиради ва ландшафт тараққиётини башорат килишда аҳамиятлидир.

Автоморф ландшафтлар бошқа гурух ландшафтларига нисбатан кўпроқ таркалган бўлиб, улар ўз навбатида ландшафт турларига бўлинади. Булар шимолий чўллар ландшафтлари ва жанубий чўллар ландшафтлариdir. Бу турлар орасидаги чегара биз юкорида айтиб ўтган ландшафт кисмлари орасидаги чегарага мос келади. Ландшафт турларини аниклашда асосан тупроқ ва биоклиматик хусусиятларга кўпроқ эътибор берилади. Турлар орасидаги иккимий фарқлар нураш ва тупроқ ҳосил бўлиш жараёнида, асосий ўсимлик турларининг шакилланишида, уларнинг таркиби, ўзгариши ва ҳатто ҳосилдорлигида ҳам ўз аксини тоғлан. Гидроморф ландшафтларда эса кўшимча трунг сувлари хисобига тўйиниш ҳолати юз берганлиги учун зонал фарқлар анчагина ўз изини йўқотган ва улар ботқок ландшафтлари, ўтлоқ ландшафтлари, шўрхок ландшафтлар, тўқай ландшафтлари ва воҳа ландшафтлари кўрининшида алоҳида турларни ҳосил килади.

Ландшафтлар тоифаси ландшафт турлари ичидаги аникланниб, асосан геологик-геоморфологик шарт-шаронитларга қараб, яъни ландшафтни ҳосил килувчи рельефнинг генетик турига ва геологик тузилишига асосланниб ажратилади. Масалан, ушбу ҳудудда аллювиал текисликлар ландшафтлари, дениз текисликлари ландшафтлари, пролювиал текисликлар ландшафтлари ва ҳ.к.

Ландшафт тоифалари ўз навбатида ландшафт хилларига бўлинади. Улар индивидуал ландшафтларнинг типологик умумийлиги асосида аникланади. Ландшафт хилларига мисол тариқасида кумли чўл тупроқли оқ саксовулзор ландшафти, кумли чўл тупроқли эфемерлар аралашган псаммофит бутазорлар ландшафтини айтиб ўтса бўлади.

Биз қисқача таърифлаб кўрмокчи бўлган ландшафтлар таснифи Туркистон, жумладан Ўзбекистон Республикаси ландшафтлар харитасини тузишда аниқ ва пухта асос бўлиб хизмат килиши мумкин.

## ЛАНДШАФТШУНОСЛИКДАГИ АСОСИЙ ИЛМИЙ ЙЎНАЛИШЛАР

Ландшафтшунослик фанининг тараққиёті билан қизиккан киши бу фанда бир катор илмий йўналишлар ҳосил бўлганлигини пайкамай қолмайди. Бу йўналишлардан дастлабкисини таржидий-генетик йўналиш деб атаса бўлади. Унинг номоёндалари асосан ландшафтларни аниклаш, харитага тушириш, уларнинг компонентлари ва компонентлараро алоқадорликларини ҳамда ландшафтларнинг морфологик тузилиши ва морфологик кисмлараро ўзаро таъсир ва алоқадорликларини ўрганиш билан яъни уларнинг вертикал ва горизонтал тузилишини очиб бериш билан шугулланганлар. Ландшафтшуносликдаги ушбу йўналиш ландшафтлар ўзига хос табиий географик комплекс сифатида ўзидан кичикроқ бўлган комплекслар боғламидан иборатдир деган тояга асосланади.

Ландшафтшуносликдаги иккинчи бир илмий йўналиш бу функционал-динамик йўналишидир. Бу йўналиш асосан XX-асрнинг 60-йилларидан бошлаб шаклана бошлади. Ушбу йўналишда олиб борилган илмий изланишларнинг асосий мазмуни ландшафтларнинг вакт мобайнида ўзгаришига, ландшафтларнинг ўз функциясини, яъни маҳсус фаолиятини бажариш жабхаларига эътибор беришдан иборатdir.

А.А.Крауклис (1979) таъбири билан айтганда ландшафтшуносликдаги таркибий-генетик йўналиш табиий географик районлаштириш билан биргаликда ландшафтларни ўрганишга "макроскопик" ёндашиш бўлса, функционал-динамик йўналиш эса "микроскопик" ёндашишdir. Уларнинг биринчисида ландшафтлар аникланади, харитага туширилади, морфологик тузилиши ўрганилади ва тасвирланади. Иккинчиси бўйича эса ландшафтларнинг ичida рўй берадиган жараёнларни, ҳам маконда, ҳам замонда ўзгаришини, ландшафтлараро, уларнинг морфологик қисмлари аро ҳамда компонентлариаро модда ва энергия алмашинини ўрганишга кўпроқ эътибор берилади. Бу йўналишнинг юзага келиши билан ландшафтшуносликка ландшафтнинг холати, ландшафтнинг динамикаси, ландшафт инвариантни, ландшафтнинг ўз маҳсус фаолиятини бажариши (яшаши) каби янги тушунчалар кириб келди.

Ландшафтлардаги модда ва энергия алмашиниши жараёнига бўлган кизиқиш бошқа бир қатор янги йўналишларни ҳосил бўлишига олиб келди. Шулар қаторида ландшафтшунослик ва геокимё фанлари орасида ландшафтлар геокимёси йўналиши шаклланди. Бу йўналишнинг энг асосий хусусияти ландшафтшуносликнинг объектини геокимё фани тадқикот усуслар билан ўрганишdir.

Ландшафтлар геокимёсидаги етакчи илмий гояларнинг шаклланиши "геокимёвий ландшафт" тушунчасининг муаллифи ва ландшафтлар геокимёси илмий мактабининг асосчиси Б.Б.Полиновнинг бир қатор маколалари билан боғлик бўлди. Унинг тушунчасида геокимёвий ландшафт кимёвий моддаларнинг миграция хусусиятлари бўйича ажратилган ернинг бир қисмидир. Ушбу олим Докучаевнинг табиат зоналари ҳақидаги таълимоти ҳамда Вернадскийнинг тирик организмларнинг геологик аҳамияти ҳақидаги таълимоти асосида ландшафтлар геокимёсининг методологиясини яратди.

Ландшафтлар геокимёси йўналишининг кейинги тараккиётни асосан А.И.Перельман ва М.А.Глазовскаяларнинг илмий изланишлари билан боғлик бўлди. Уларнинг муаллифлигигида тайёрланган бир қатор монографиялар ва ўкув қўлланмалар кўпчиликка яхши таниш. Ана шу қўлланмалар асосида кўпгина университетларда ландшафтлар геокимёси бўйича маҳсус курслар ўргатилиб бошланди. Чунки ҳалқ хўжалигининг кўпгина тармокларида, жумладан фойдали қазилмаларни излаб топишда, янги срларни ўзлаштириш ва кицюқ хўжалигининг турли тармокларини ривожлантиришда, табиат муҳофазаси билан боғлик бўлган масала-

ларни ҳал этишда ландшафтларнинг геокимёвий хусусиятларини ўрганишнинг аҳамияти катта эканлиги аён бўлиб қолган эди. Бу йўналиш ландшафтшуносликнинг амалиёт билан яқинлашишида жуда кўл келди. Масалан, геология-кидирув ишларида ландшафтларга инсоннинг хўжаликдаги фаолияти таъсирини чукурроқ таҳлил қилиш имкониятини яратди.

Ландшафтлар геокимёсининг энг асосий вазифаларидан бири ландшафтлар орасида, уларнинг компонентлари орасида ва морфологик кисмлари орасида рўй берадиган кимёвий жараёнларни, кимёвий унсурларнинг кўчиб юриши, тарқалиши ёки жамланишини ўрганишдан иборат. Кимёвий унсурларнинг алмашиниш жараёни ландшафтларнинг ҳосил бўлиши, тузилиши, маҳсус фаолияти ва тараккиёти каби муҳим хусусиятларини кўп жиҳатдан белгилаб беради.

Ландшафтлар геофизикаси ҳам ландшафтлар геокимёси каби ландшафтшуносликдаги катта бир илмий йўналишдир. Ландшафтлар геофизикаси ландшафтларга ҳос бўлган энг умумий физиковий жараёнлар ва ҳодисаларни ўрганади. Бу жараён ва ҳодисаларнинг ўзаро алоқадорлик ва боғликлек қонуниятларини аниклаш ҳам ушбу йўналишнинг асосий вазифаларидан биридир. Ландшафтларни ўрганишда геофизика тадқиқот усуспаридан фойдаланиш ландшафтларнинг ҳозирги ҳолатда динамикасига ва ривожланишига ҳос бўлган хусусиятларини аниклашда яхши натижалар беради. Бу эса ўз навбатида табиатни кузатиб туриш (географик мониторинг), муҳофаза қилиш ва табиат бойликларидан оқилона фойдаланиш масалаларини ҳал қилишда катта аҳамият касб этади.

Ландшафтлар учун умумий бўлган ва физика фани ўрганадиган физиковий хоссаларга масса, ички энергия, оптикавий ва радиофизиковий хоссаларни, уларнинг макон ва замонга таалукли хусусиятларини мисол келтириш мумкин. Шу хоссаларни ўрганиш орқали ландшафтларни ўзинингина эмас, балки уларнинг компонентларини ҳам таърифлаб берса бўлади. Масалан, ҳаво, сув ёки ўсимликнинг оптикавий ва радиофизиковий хусусиятларини ўрганиш каби. Аммо ландшафтларга ҳос бўлган физиковий хусусиятлар ва жараёнлар шу ландшафтларни ва уларнинг компонентларини яна-да кичикроқ ёки тузилиши жиҳатидан яна-да оддийроқ бўлган кисмларга бўлиб ўрганишни тақозо қиласди. Ландшафтларнинг бундай ўзининг физиковий хусусиятлари жиҳатидан бир хил ва бир бутун бўлган, оддий кисмларини Н.Л.Беручашвили (1986, 1990) геомасса деб атасни тавсия қиласди.

Геомассалар сифат жиҳатидан турли жисмлар бўлиб, бир-биридан массаси билан, замонда ва маконда ўзгариб туриш тезлиги билан фарқланади. Ландшафтларнинг геомассалари уларнинг компонентларидан моддасининг бир хиллиги билан ажralиб туради ва ландшафтларда рўй берадиган жараёнларда турлича роль ўйнайди. Буларга аэромасса, фитомасса, зоомасса, мортмасса, литомасса, педомасса, гидромасса кабилар кириб уларнинг барчасини қамраб ола оладиган атама сифатида геомасса ишлатилади.

Геомасса бирор компонентнинг ҳаммасини тўла камраб ола олмайди. Масалан, педомасса атамаси тупроқ таркибидаги майда тупроқ заррачалари ва чириндигагина ёки тупроқдаги органик ва минерал аралашмагагина таалуклидир, холос. Тупроқ таркибидаги намлик, ҳаво, майда тош бўлаклари, илдизлар ва тирик мавжудотлар педомассага кирмайди. Ландшафтлардаги тупроқ эса педомасса билан бирга гидромасса (тупроқдаги намлик)ни, литомасса (тупроқдаги майда тошлар)ни, фитомасса (ўсимлик илдизлари)ни ва зоомасса (тирик мавжудотлар)ни камраб олиши мумкин.

Аэромасса тушунчаси ҳам ландшафт доирасидаги фақат қуруқ ҳавогагина, яъни газлар аралашмасигагина таалуклидир. Ҳаво таркибидаги сув буглари чанг зарралари каби аралашмалар аэромассага кирмайди.

Ландшафтлар геофизикасида геомассадан каттароқ бирлик ҳисобланган геокатлам тушунчаси ҳам мавжуддир. Геокатламларга, шу тушунча муаллифи Н.Л.Беручашвили (1990) энг оддий табиий географик комплексларнинг кўндаланг кесмасида ажратиладиган ва ўзига хос геомассаларнинг йигиндиси ва нисбати билан тавсифланувчи қатламларни кирилади. Ҳар бир геокатлам бошқасидан таркиби, текстураси ва структураси билан фарқланади.

Геокатламларнинг текстураси энг зарур геофизикавий хусусиятлардан бири бўлиб, унга кўпинча күёш радиациясининг кириб келиши, ёгин сочинларнинг тутилиб қолиши каби жараёнлар боғлиқ бўлади. Одатда биз ишлатадиган тушунчалардан бири тупроқ структураси ландшафтлар геофизикаси нуткаи назаридан қараганда тупроқнинг айрим қатламлари учун текстура ҳисобланади.

Геомассалар ҳам, геокатламлар ҳам ландшафтларнинг ҳосил бўлиши, шаклланishi, тузилиши ва улардаги модда ва энергия алмасинишини геофизикавий тадқиқ қилиши учун муҳим бўлган қисмлардандир. Ландшафтлар геофизикасининг муҳим вазифаларидан бири табиий географик комплексларнинг макон ва замоянда тутган ўрни ва ҳолатини чукур тахлил қилишдан иборатdir. Чунки макон ҳам, замон ҳам физиканинг асосий тушунчалари қаторига киради.

Ландшафтшуносликдаги янги йўналишлардан яна бири *тизимли ёндошишидир*.

Ўз тадқиқот обьектини тизим деб эътироф этиш ва уни тадқиқ қилишда тизимли ёндошиш гоясининг табиий фанларга, шу жумладан табиий географияга ҳам кириб келиши, австриялик биолог олим Людвиг фон Берталанфи томонидан XX асрнинг 30- йилларида тизимлар умумий назариясининг ишлаб чиқилиши билан боғлиқ бўлди. Бу назариянинг юзага келиши фанларнинг бўлинниб кетиши жараённига қарама-қарши уларни битта умумий метод ёрдамида бирлаштириш масаласи билан боғлиқ эди. Ҳакикатдан ҳам, тизимлар умумий назарияси алоҳида-алоҳида ҳодисаларни эмас, балки уларнинг тизимини ўрганишини, тизимларни бошқаришнинг тамойилларини белгилаш ва тадқиқот обьектлари билан ўҳшаштикларини аниклашни талаб қиласди.

Тизимли ёндошиш ғоясининг асл моҳияти ўрганиш объектиниң хусусиятларини унинг қисмларидаги хусусиятлари асосида тадқиқ килишдан иборатдир.

70-80 йилларга келиб бу таълимот кўпчилик географларни ҳам қизикириб қолди. Бунга мисол килиб Д.Харвей (1969), Р.Чорли ва Б.Кеннеди (1971), А.Ю.Ретелюм (1972), И.Крхо (1976), К.Н.Дяконов (1975), Я.Демек (1977), В.Б.Сочава (1978), П.Хагтет (1979), В.Н.Солнцев (1981), Р.Джонстон (1987) ва бошқаларнинг илмий ишларини келтириш мумкин.

Р.Чорли ва Б.Кеннедининг "Табиий география. Тизимли ёндошиш" (1971) номли асарида бутун борлик турли катта-кичикликдаги, ўзаро таъсир ва алоқада бўлган, кичиклари катталарини ҳосил киласидан тизимлардан иборат эканлиги таъкидланган. Уларнинг фикрича, табиий география асосан тўрт турдаги тизимларни ўрганади. Булар: 1) морфологик тизимлар, 2) каскадли тизимлар, 3) "жараён-жавоб" туридаги тизимлар, 4) бошқариладиган тизимлардир.

Ернинг ландшафт қобигида кечадиган турли жараёнларни ўрганишда тизимлар назариясини қўллашга ҳаракат килган таникли чех олимни Яромир Демек (1977) ҳам тизимларнинг шу тўрт турини эътироф этгани ҳолда табиатда функционал алоқалар тавсифига қараб, тизимларнинг яна уч хилини ажратиш мумкинligини айтади, яъни: 1) чегаралари модда ва энергиянинг кириб келиши ва чиқиб кетишига йўл қўймайдиган алоҳида тизимлар. Бундай тизимлар фақат лаборатория шароитидагина ҳосил қилиниши мумкин; 2) чегаралари фақат модданинг (энергиянинг эмас) кириб келишига ва чиқиб кетишига тўқсинглик қилаоладиган берк тизимлар; 3) атроф-мухит билан модда ва энергия алмасишиб турадиган очик тизимлардир.

Айрим географларнинг фикрига қараганда, ўз тадқиқот объектини тизим деб қабул қилиш ва уни тадқиқ қилишда тизимли таҳлилдан фойдаланиш табиий географияга илмий билишининг янги бир методологик йўналиши сифатида кириб келди. Лекин бу йўналиши юзага келишидан анча аввалроқ ҳам кўпгина табиатшунос олимлар, жумладан В.В.Докучаев, А.А.Григорев, Л.С.Берг, С.В.Калесник ва бошқалар, гарчи "тизимли ёндошиш" ёки "тизимли таҳлил" жумлаларини ишлатмаган бўлсалар ҳам, объектиниң бир бутунлигини, унинг таркибий қисмлари орасида ўзаро таъсир ва алоқадорликлар мавжудлигини доимо таъкидлаб келганлар. Ландшафтшунослардан С.О.Зауер (1925)нинг "Ландшафтда биргаликда мавжуд бўлган объектлар ўзаро таъсиридадир" ёки Н.А.Солнцев (1949) нинг "географик ландшафт қонуний тузилишига эга бўлган кичикроқ табиий ҳудудий комплекслар тизими"дир деган ҳолосага олиб келади. Демак, табиий географиянинг обьекти, у географик қобиқ бўладими, табиий географик район, ландшафт ёки

фация бўладими, барибир ўз тузилишига кўра тизимлардир. Балки шунинг учундир, кўпчилик табиий географлар геотизим атамасини тўғридан-тўғри табиий географик комплекс ёки ландшафт атамаларининг синоними сифатида ишлатмокдалар. Бундан ташқари, географик адабиётда тизимлар назарияси билан ландшафтшунослик назариясининг яқинлиги (Н.А.Гвоздецкий ва б., 1970), тизим ва ландшафт тушунчаларининг бир-бирига яқинлиги (А.Ю.Ретеюм, 1972) ҳакида, ёки ландшафтларни тавсифлаш тизимли изланишларнинг бир ҳилдири (Э.Г.Коломиц, 1971), табиий география ландшафт деб аталаған тизимлар ҳакидағи фандир (В.Н.Солнцев, 1981) каби ўхшаш фикрлар учрайди. Бу борада А.Г.Исаченко (1991) эса тўғридан-тўғри геокомплекс атамасининг ўрнига геотизим атамасини ишлатиш мақсадга мувофиқ деб ҳисоблайди. Ушбу муаллиф бу атамаларнинг изоҳини таҳтил қилас экан, "комплекс" сўзи лотинчадан, "тизим" (яъни "система") сўзи эса грекчадан кириб келганлиги ва уларнинг мазмунларидағи фарқларни илғаб олиш кийинлигини эслатиб ўтади. Буни биз Л.Берталанфи (1969) берган тизим тушунчасининг энг кисқа ва лўйда изоҳидан ҳам кўришими мумкин, яъни "тизим" - бу ўзаро таъсирда бўлган элементлар комплексидир".

Таникли картограф олим К.А.Салищев (1978) ҳам тизимли картография масалаларига бағишлиланган илмий мақоласида ҳозирги вақтда географияда "комплекс" ва "тизим" атамаларини ҳар хил тушуниш учун ишонарли асослар йўқлигини таъкидлаб, географик тадқиқотларнинг асосий объектлари - табиий ва социал-иктисодий комплекслар ва уларнинг компонентлари тизимли ёндошган вақтда шунга мос ҳолда табиий ва социал-иктисодий тизимлар ва уларнинг кисмлари деб қаралмоқда деб ёзади. Унинг фикрича, табиий ва социал-иктисодий тизимларнинг иккаласи ҳам худудий бўлганлиги учун иккенини ҳам бир ном билан геотизим деб аташ мумкин. А.Ф.Асланиашвили ва Ю.Г.Саушкинларнинг (1975) фикри ҳам шунга мос, яъни "геотизимлар - табиий - ижтимоий ҳосилалардир". Аммо кейинчалик Ю.Г.Саушкин (1980) бу масалада бошқачароқ тасаввурга эга эканлигини маълум қиласди. Унинг ёзишича, ҳар бир географик фан худудий тизим кўринишидаги ўз моддий объективини ўрганади. Масалан, геоморфология - рельеф тизимларини, гидрология - сувлар тизимларини, биогеография - ҳайёт тизимларини, иктисодий география - аҳоли жойлашиши, шаҳарлар, иктисодий объектлар тизимларини, табиий география - табиий территоријал комплекслар ва ҳ.к. Демак, табиий география ҳам ўз обьекти бўлган табиий географик комплексларни геотизим деб қабул қилиши мумкин.

Ушбу масала юзасидан В.Б.Сочава (1978) геотизим атамасини геокомплекс атамаси ўрнида ишлатилиши ёки уларни синоним сўзлар деб қабул қилиниши геотизим тушунчасининг мазмунига мутлако мос эмаслигини ва бу ҳалқаро атамашунослик нормаларига ҳам тўғри келмаслигини таъкидлаб ўтади. Аммо унинг бу фикридан табиий географик комплекслар геотизимлар эмас экан деган маъно чиқмайди. Балки, табиий

географик комплекслар ҳам геотизимлардир, уларнинг маълум бир синфидир ёки категориясидир. "Тизим" тушунчасининг "комплекс" тушунчасига нисбатан кенгроқ тушунча эканлигини А.Г.Исаченко (1991) ҳам эътироф этар экан, ҳар қандай табиий географик комплекс тизимдир, аммо ҳамма тизимлар ҳам табиий географик комплекс бўлаолмайди деган фикрни билдиради.

Табиий худудий тизимлар ҳақидаги ғоянинг ривожланиши ҳақида фикр юритган К.Н.Дяконов (1976) ҳозирги вақтда геотизим тушунчаси уч ҳил маънода ишлатилаётганлигини айтади. Унингча, биринчи ҳил геотизимларга энг оддий табиий географик комплекслар (фацийлар) кириб, уларнинг бир бутунилиги асосида модда ва энергиянинг вертикал оқими ётади. Иккинчи ҳил геотизимларга географик ландшафтлар киради. Унинг бир бутунилиги модда ва энергиянинг горизонтал оқимлари хукумронлиги билан белгиланади. Учинчи ҳил геотизимларнинг мавжудлиги асосида эса модда ва энергиянинг бир томонга йўналган оқими ётади. К.Н.Дяконовнинг (1975) ўзи ҳам ана шу учинчи ҳил маъно тарафдоридир. Унинг ёзишича, "мавжудлиги асосида модданинг бир томонлами йўналган оқими ётган, бир бутунилик хусусиятига эга бўлган табиий бирликлар геотизим деб аталади".

Н.А.Гвоздецкий (1979) эса табиатда объектив мавжуд бўлган типологик, регионал ва функционал табиий географик комплекслар уч турдаги геотизимлардир деб ҳисоблайди ва объективтадаги тизимли ёндошиш ландшафтшумошлик ва табиий географик районлаштиришнинг ўрнини босиши учун замис, балки уларга кўшимча, уларни тўлдириш учун хизмат қилишини керак деган хуносага келади.

Табиий географияни тизимли ёндошиши жорий қилиш тарафдорларидан бири В.Н.Селицев (1981) геотизим тушунчасини ҳар ким ҳар ҳил талқин қилаётганлигини инобатта олиб, "тизимли ёндошиш ўз моҳияти билан фанда қандайдир бир мутлак янгилик ва одатдан ташқари ҳол змас, балки муайян проблемани ҳал этишида олимнинг ихтиёридаги воситалардан усталик билан фойдаланишини билишидир" деб ёзди. Унинг фикрича географиянинг объекти ва тушучаларининг ўзига ҳослиги ва мураккаблигини ҳисобга олмай туриб, тизимли ёндошиши механик тарзда, номмаганина тадбиқ қилишга бералиб кетмаслик керак.

Табиий географияда тизимли ёндошиш масаласига инглиз географлари ҳам анчагина эҳтиёткорлик билан қарайдилар. Масалан, Э.Джонс (1980): "тизимли таҳдил қанчалик замонавий ва жозибали туйильмасин барибири у географиянинг фундаментал муаммосига эскича ёндошишга бўлган янгича муносабатдир" - деб ёзди. Р.Джонстон (1987) эса ҳозирги тизимли ёндошиш эскича ёндошишдан фарқ қиласа ҳам, эски винони янги бочкага куйишга ўхшайди дейди.

Чизхолм (1967) бу масалага ўзининг салбий муносабатда эканлигини қаттий билдириб, тизимлар умумий назариясини "фикри чалғитувчи номуносиб қизиқиницидир" деб таъкидлайди.

Үрганиш объектини тизим деб қараш учун у асосан тўртта талабга жавоб бериши керак бўлади: 1) объектнинг ўзи бир бутун бўлиши билан бир вактда қисмлардан, яъни кичик тизимлардан тузилган бўлиши керак; 2) кичик тизимларни бир бутун тизимга бирлаштириш тадқиқотнинг мақсад ва вазифаларини белгилашга ёрдам бериши лозим; 3) тизимнинг қисмларини ўзаро алоқаларини белгилаб берувчи тавсифлари мавжуд бўлиши керак; 4) тизимнинг ўзи биронта каттага рок тизимнинг қисми бўлиб хизмат килиши керак.

Табиий географик комплексларнинг ҳар бири тизим деб аталиши учун зарур бўлган белгиларга эгадир ва юқоридаги талабларга тўла жавоб беради. Масалан, ҳар бир табиий географик комплекс ўзидан катта бўлган комплекснинг бир қисмицир ва ўзидан кичик бўлган комплекслардан ташкил топгандир. Ҳар бир табиий географик комплекснинг таркибий қисмлари орасида ўзаро таъсир ва алоқадорликлар мавжуддир ва натижада улар бир бутунлик хусусиятига эгадир. Ва ниҳоят, ҳар бир табиий географик комплекс атроф-муҳит билан ўзига ҳос алоқадорликларга эгадир. Бу В.Б.Сочава (1978) томонидан берилган геотизим тушиунчасининг изоҳига ҳам мос келади. У геотизимларни "алоҳида, ўзига ҳос бошқарувчан тизимлар синфицир, унда табиатнинг барча компонентлари бир-бири билан боғлиқ ва ўзаро алоқададир ҳамда маълум миқдорда бир бутун объект сифатида фазо билан ва кишилик жамияти билан ўзаро таъсиридадир" деб изоҳлаган эди. Демак, Ер юзасида объектив мавжуд бўлган барча табиий географик комплексларни, географик қобиқдан тортиб, то фациягача барчасини геотизим деб ҳисоблаш мумкин. Уларнинг ҳар бири динамик геотизимлардир. Улар ташкил омиллар ва ўзига ҳос бўлган бир бутунликни яратувчи ички жараёнлар таъсирида шакланади, мавжудлик қиласи ва ўзини ўзи муттасил ривожлантириб туради.


*Ландшафтлар экологияси йўналиши.* Кейинги йилларда илмий адабиётда, сиёсий, ижтимоий нашрларда, турли оммавий ахборот воситаларида "Экология", "Экологик вазият", "Экологик фожиа", "Экологик таназзул", "Экологик хавфсизлик" каби экология сўзи билан боғлиқ бўлган атамалар тез-тез ишлатиладиган бўлиб қолди. Ваҳоланки, экология атамасининг фанга кириб келганига 130 йилдан ошди. Уни биринчи бўлиб 1866 йилда Чарлз Дарвин таълимотининг тарғиботчиси, экология фанининг расмий асосчиси ҳисобланган немис зоологи Йена университетининг профессори Эрнст Геккел (1834-1919) киритган эди. Аммо бу атаманинг 100 йилдан ортиқ вакт ўтиши билан янада янги куч билан эътироф этилиши ва кенг оммалашшиб кетиши асосан иккি нарсага боғлиқ эди. Биринчиси, ушбу атаманинг ниҳоятда муваффақиятли танланганлиги бўлса, иккинчиси XX асрнинг иккинчи ярмида табиат-жамият тизимида инсоннинг табиатга таъсири ортиб кетганлиги

ва табиатда мавжуд бўлган модда ва энергия алмашиниши жараённида турли хил номутаносибликларнинг юзага чиқа бошлаши бўлди. Бунинг оқибатида инсон яшаб турган табий мухит турли чиқинидилар билан ифлослана бошлади, организмлар, шу жумладан инсоннинг ҳаёти учун ҳам таҳдидли бўлган мураккаб вазиятлар ҳосил бўла бошлади. Инсоннинг олдида ўзи яшаб турган табий мухитни муҳофаза килиш, мавжуд табний ресурслардан оқилона фойдаланиш билан боғлиқ бўлган кенг қамрўли ва мураккаб илмий-амалий муаммоллар кўндаланг бўлиб қолди. Бу муаммоларнинг ёчимини излапда экология фанининг илмий ва амалий аҳамияти кўпчиликка маълум бўлиб қолган эди.

Ҳакиқатдан ҳам кўнгина таникли эколог олимлар (Ю.Одум, 1975; Р.Дажо, 1975; Р.Риклефс, 1979 ва бошқалар)нинг такидлаши бўйича экология - тирик организмларнинг яшаш шароитларини уларнинг ўзаро ҳамда яшаш мухити билан алоқадоликларини ўрганидиган фандир. Экологиянинг ҳам барча фанлар катори ўзига хос тушунчалари, илмий ғоялари ва тадқиқот методлари бордир. Ҳозирги кунда долзарб ҳисобланган ва атроф-муҳит муҳофазаси билан боғлиқ бўлган муаммоларни тўғри ҳал этишда экология ғояларини ҳисобга олиш, унинг тадқиқот методларидан унумли фойдаланиш бошқа бир қатор табий фанлар, жумладан ландшафтшунослик учун ҳам самарали натижалар бериши мумкин. Аслини олганда, экология фанининг ҳам, ландшафтшуносликнинг ҳам ўрганиш обьектларида ва тадқиқот усусларида маълум ўхшашликлар мавжуд. Бундай ўхшашликлардан энг асосийси шундаки, экология фани организмлар билан уларнинг атроф-муҳити орасидаги алоқадорликларни компонентлар орасидаги модда ва энергия алмашиниши жараённи ўрганиш орқали аниқлайди. Бу усул геотизимлардаги ички жараёнларни ўрганишда, геотизимларнинг "яшашини" ёки уларнинг табиатда бажарадиган маҳсус фаолиятини ўрганишда энг асосий усул бўлиб қолди. А.А. Крауклис (1979)нинг ёзишича, экспериментал-ландшафт тадқиқотларини йўлга кўйиш ва ўтказишида ҳам экологик тадқиқотлар тажрибаси катта аҳамиятга эга бўлиши мумкин.

Экология фани билан ландшафтшуносликнинг ўхшашлик томонларидан яна бири шундаки, бу иккала фан ҳам ўз тадқиқот обьектини тизим деб қарайди. Бошқачароқ қилиб айтганда экология экотизимлар ҳақидаги, ландшафтшунослик эса геотизимлар ҳақидаги фандир. Аммо тизимли ёндашиби экологияяга ландшафтшуносликка нисбатан олдинроқ кириб келган. Экотизим тушунчасига биринчи бўлиб асос солган олим инглиз ботаниги А.Тенсли (1935) эканлиги кўпчиликка маълум. 1970 йилларнинг бошларида В.Б.Сочава томонидан геотизимлар ҳақидаги таълимотнинг ишлаб чиқилиши эса бу икки фанни яна-да бир-бирига яқинлаштириб кўйди. Натижада бир қатор табий географлар (Д.Л.Арманд, И.П.Герасимов, А.Г.Исаченко, В.С.Преображенский ва б.) экология билан географиянинг, экотизим билан геотизимнинг ўхшашликлари, фарклари, ўзаро нисбатлари ҳақида фикр юритабошладилар. Уларнинг

кўпчиллиги экотизимлар биоцентрик тизимлар, геотизимлар эса поликентрик тизимлар эканлигини эътироф этмокдалар (16- расм).



16- расм. Экотизим (I) ва геотизим (II) ларнинг тузилиши.

$A_1, A_2, A_3$  - абиотик компонентлар;  $\mathcal{B}, \mathcal{B}_1, \mathcal{B}_2$  - биотик компонентлар.

Экотизим гоясининг асосида маълум бир компонент (асосан биокомпонент) ёки маълум организмлар тури тизимнинг "марказидир" деган фикр ётади. Колган компонентлар эса ана шу "марказий" компонент нутқи назаридан ўрганилади ва таҳлил килинади. Геотизим тушунчасининг моҳияти эса барча компонентларни тенг хукукли деб караш ва барча ўзаро алоқадорликларни тенг ўрганиш билан боғлик.

Ландшафтлар ҳам ўзига ҳос мухит ҳосил қилувчи геотизимлардир. Уларда ҳам инсон яшайди. Шунинг учун ҳам ландшафтларни инсон яшаши, саломатлиги ва фаолият кўрсатиши нутқи назаридан ўрганиш, таҳлил килиш ва баҳолаш зарурият тутгилади. Бундай масалаларни ҳал қилишда кўпроқ экологияга, аниқроғи иносон экологиясига таълуқли маълумотлардан кенг фойдаланишга тұғри келади. У ёки бу ландшафтни кишлоқ хўжалиги, унинг бирор тармоғи нутқи назаридан, ёки ўша тармоқда етакчи ҳисобланган ўсимлик (масалан, пахта, дон каби) ёки ҳайвон тури (кўй, эчки, корамол каби)нинг ўсиши, яшаши ва унумдорлигини ошириш нутқи назаридан таҳлил килинса ёки баҳоланса бу ландшафтшунослиқда экологик ёндашиш бўлади. Ўз обьектини ўрганишда буладай экологик ёндашиш тажрибалари Ўзбекистонда яшаб, ижод этган бир катор табиатшунос олимлар (Д.Н.Кашкаров, Е.П.Коровин, Т.З.Зохидов, В.М.Четиркин, Л.И.Бабушкин ва Н.А.Когай)нинг илмий асарларида якъол кўзга тапланади. Уларниң илмий йўналишлари ҳакиқатан ҳам

эколого-географик йўналиш эканлиги ва тан олинганилиги ҳамда бу йўналиш асосида регионал ландшафтшунослик шаклланганлигини Р.У.Рахимбеков (1995) мумкаммал ёритиб бераолган.

Объектни ўрганишдаги экологик ёндашиш табиий географияга ва ландшафтшуносликка ҳудди тизимли ёндашиш каби билишнинг бир методологик усули сифатида кириб келди. Шу маънода чех ландшафтшуноси Я. Демек (1977)нинг "Экологик метод билишнинг универсал методидир ва биргина фан (масалан, биология фани)нинг ёки бир гурӯх фанларнинг "мулки" бўлиб қолмай, ундан хоҳлаган табиий тизимларни, шу жумладан геотизимларни ҳам тадқиқ килишда фойдаланиш мумкин" деб ёзиши эътиборга лойикдир.

Ландшафтларни тадқиқ килишда экологик ёндашиш бир қатор амалий масалаларни ҳал этишда катта аҳамиятга эгадир. В.Б. Сочаванинг (1978) тили билан айтганда экология ·кенг маънода олганда бир филтрки, тўплантан географик маълумотларни кишлоқ ҳўжалиги ёки ўрмон ҳўжалиги масалаларини ечишда фойдаланишдан олдин ана шу филтрдан ўтказиб олиш керак бўлади.

Йисон ҳаётида, унинг қундулак кайфиятининг шаклланишида, меҳнат фаолиятининг натижалари унумли бўлишида атроф-муҳит ва ландшафтнинг эстетик кўриниши катта аҳамиятга эгадир. Чиройли ландшафт завқли меҳнатта илҳом багишлайди. Ландшафтларнинг эстетик жабхаларини ўрганиш, баҳолаш янги бир йўналишни, яъни эстетик ландшафт йўналишини шаклланишига асос бўлди. Бу йўналишнинг тарбиявий аҳамияти билан бир қаторда табиат муҳофазаси масалаларини ташвиқот килишдаги аҳамияти ҳам каттадир. Аммо бу йўналиш энди-энди шаклланиб келмоқда. Шунга ўхшаш яна бир қатор йўналишлар мавжудки (масалан рекреация ландшафтшунослиги, мелиоратив ландшафтшунослик каби), улар ландшафтшуносликдаги икки йирик йўналишнинг, яъни антропоген ҳамда амалий ландшафтшуносликнинг қисмлари сифатида қаралиши мумкин. Антропоген ландшафтшунослик ҳам, амалий ландшафтшунослик ҳам иккита йирик илмий йўналиш бўлиб, уларнинг асосий мазмунини очиб бериш алоҳида мавзуларни ташкил қиласди.

Табиат билан жамият орасидаги ўзаро таъсир ва алоқадорлик ниҳоятда мураккаб жараён бўлиб, у даставвал кичик худудларда ландшафт, урочише ва фация каби табиий географик комплексларда, уларнинг табиий ресурсларидан фойдаланиш билан боғлик бўлган ҳолда кечади. Шунинг учун ҳам кичик худудлар табиий географияси ёки ландшафтшуносликнинг асосий вазифалари ҳисобланмиш ландшафт ва унинг морфологик қисмларини аниқлаш, харитага тушириш, уларнинг структурасини, ички алоқадорликларини, динамикасини, ривожланиши ва барқарорлигини тадқиқ қилиш, кичик худудларни ҳалқ ҳўжалиги нуктаи назаридан баҳолаш, ички имкониятларини аниқлаш ва самараదорлигини ошириш ва ҳоказолар мұхим илмий ва амалий аҳамият қасб этади.

Ҳозирги вақтда табиий ландшафтлар инсон фаолияти натижасида шундай ташки таъсирга дуч келмоқдаки, бу ўз навбатида табиий география ва унинг бир қисми бўлган ландшафтшунослик олдига янти-янги илмий ва амалий муаммоларни кўймоқда. Уларнинг ичида энг мұхим ва долзарб ҳисобланганларни ландшафтларнинг турли ташки таъсирларга барқарорлигини аниқлаш, ҳалқ ҳўжалигининг турли тармоқларида фойдаланиш нуктаи назаридан баҳолаш, уларнинг инсон таъсиринда ўзгаришини ва бу ўзгариш қайси йўналишда рўй беришини олдиндан айтиб бериш, яъни прогнозлаш, ўзгартирилиши лозим бўлган ландшафтларни ҳақиқий маданий ландшафтларга айлантириш ва уларнинг самараదорлигини оширишнинг илмий асосларини яратиш кабилаларди.

Ландшафтлар ҳам, уларнинг морфологик қисмлари ҳам ҳулди экологик тизимлар каби табиий тизимлардир. Улар ҳам компонентлари ўзаро алоқадор ва боғлик бўлган бир бутун табиий ҳосилалар сифатида ўрганилиш лозим. Бу ўз навбатида ландшафт тадқиқот ишларида энг асосий вазифалардан бири сифатида уларнинг структурасини, динамикасини ва ривожланишини, маҳсус фаолиятини, инсон фаолияти таъсиринда ўзгарганлик даражаси ва ҳ.к. ларни илмий таҳлил қилиб бериш кераклигини кўрсатади.

Инсон билан табиат алоқадорлиги муаммоларини ижобий ҳал этища экология фани биологик фанлар ичида қандай аҳамиятга эга бўлса, ландшафтшунослик фани ҳам географик фанлар тизимида шундай аҳамиятга эга бўлиши керак. Географик тадқиқот ишларида ландшафтшуносликда ишлаб чиқарилган тадқиқот методларидан фойдаланиш эса энг асосий методлардан бири ҳисобланади. Шунинг учун ҳам университетларда география, гидрометеорология, картография каби йўналишлар бўйича таълим олгаётган талабалар ландшафтшуносликдан пухта билимга эга бўлишлари талаб қилинади. Ушбу китобчада кўтарилиган мавзуулар ва уларнинг илмий таҳлили эса ана шу талабларга жавоб излашда маълум микдорда фойда келтиради деган умиддамиз.

## ФОЙДАЛАНИЛГАН АДАБИЁТЛАР

- АННЕНСКАЯ Г.Н. и др. Морфологическая структура географического ландшафта. М., 1962.
- АНУЧИН В.А. Теоретические основы географии. М., 1972.
- АРМАНД Д.Л. Наука о ландшафте. М., 1975.
- БЕРУЧАШВИЛИ Н.Л. Геофизика ландшафта. М., 1990.
- ДЕМЕК Я. Теория систем и изучение ландшафта. М., 1977.
- ЗАБЕЛИН И.М. Физическая география в современном естествознании М., 1978.
- ИСАЧЕНКО А.Г. Основы ландшафтovedения и физико-географическое районирование. М., 1965.
- ИСАЧЕНКО А.Г. Ландшафтovedение и физико-географическое районирование. М., 1991.
- КАЛЕСНИК С.В. Общие географические закономерности Земли. М., 1970.
- КРАУКЛИС А.А. Проблемы экспериментального ландшафтovedения. Новосибирск, 1979.
- МАРКОВ К.К и др. Введение в физическую географию. М., 1978.
- МАРИЦИНКЕВИЧ Г.И., КЛИЦУНОВА Н.К., МОТУЗКО А.Н. Введение в физическую географию. Минск, 1986.
- МИЛЬКОВ Ф.Н. Основные проблемы физической географии. Воронеж, 1959.
- МИЛЬКОВ Ф.Н. Ландшафтная сфера Земли. М., 1970.
- МИХАЙЛОВ Н.И. Физико-географическое районирование. М., МГУ, 1985.
- НИКОЛАЕВ В.А. Проблемы регионального ландшафтovedения М., 1979.
- ОХРАНА ЛАНДШАФТОВ. Толковый словарь. М., Прогресс, 1982.
- ПРОКАЕВ В.И. Физико-географическое районирование. М., 1983.
- СОЧАВА В.Б. Введение в учение о геосистемах. Н., 1978.
- ЮРЕНКОВ Г.И. Основные проблемы физической географии ландшафтovedения. М., 1982.

## МУНДАРИЖА

КИРИШ.....	3
ТАБИЙ ГЕОГРАФИЯНИНГ ОБЪЕКТИ ВА ПРЕДМЕТИ	
ХАҚИДА ТУШУНЧАЛАР.....	4
ТАБИЙ ГЕОГРАФИК КОМПЛЕКСЛарНИНГ КАТТА-КИЧИК- ЛИГИ ВА ТАБИЙ ГЕОГРАФИЯНИНГ ТАРМОҚЛАРИ.....	13
ЛАНДШАФТШУНОСЛИКНИНГ РИВОЖЛАНИШ ТАРИХИ.....	31
ЛАНДШАФТ ВА УНИНГ ИЧКИ ТУЗИЛИШИ .....	45
Ландшафт ҳақидаги тушунчалар .....	45
Ландшафтнинг компонентлари ва ландшафт ҳосил күлгүчі бөмбөллар.....	48
Ландшафтнинг морфологик қысмлари ва ички алоқа- дорниклари .....	56
ЛАНДШАФТЛАРНИНГ ДИНАМИКАСИ, РИВОЖЛАНИШИ	
ВА БАРҚАРОЛЛИГИ .....	67
ЛАНДШАФТНИНГ МАХСУС ФАОЛИЯТИ .....	84
Энергия оқими ва унинг ўзгариши.....	85
Намликтин айланиши.....	89
Модданинг биокимёвий айланиши.....	93
ЛАНДШАФТЛАРНИ ТАСНИФЛАШ.....	99
ЛАНДШАФТШУНОСЛИКДАГИ АСОСИЙ ИЛМИЙ ЙҰНАЛИШЛАР .....	107
ХУЛОСА.....	118
ФОЙДАЛАНИЛГАН АДАБИЁТЛАР .....	119

Шукрат Солтахович Зокиров

**КИЧИК ХУДУДЛАР ТАБИЙ ГЕОГРАФИЯСИ**

*Мұхаррир Қобулов а. д.*

Босишига рухсат этилди 25.07.99 й. Оператор босма усулица босилди.  
Бичими 60x84 <sup>1</sup>/<sub>16</sub>. Нашриёт ҳисоб табоги 8,7. Шартлы босма табоги  
12,6. Адади 500 нұсха. Буюртма № 602

"Университет" нашриети. Тошкент - 700095. Тарабалар шадарчаси,  
ТошДУ маъмурӣ бино.

ТошДУ босмахонасигда босилди.

